


K26.634  
2



K 26.634  
2

საზოგ. გამოცემა, № 168

ბირველი წიგნი

ავტორის სურათით

მეორე გამოცემა

ტფილისი.

ქალაქთა კავშირის სტამბა.

1919

ქ. მ. წერა-კითხვის გამ. საზოგ. გამოცემა, № 168.

პირველი წენი

კ 26. 634  
2

მ. დეკემბერი 1919



ტფილისი.

ქალაქთა პავშირის სტამბი  
1919



დედი,

მიიღე მცირე ძველად  
ეს პირმშვე შენის შვილისა!



შ. არაგვისბირელი.

„ესაა ჩვენი ყხოვრება!..“

(სურათი)

— აბა, თითო ტაქანი არაყი დაგვისხი, რო  
 ერთი კარგა შეგვახუროს! — უთხრეს გლეხებმა  
 მედუქნეს, როცა შეშის ცარიელ ურმებში სა-  
 ქონელი შეაბეს.

— ეხლავე მოგართმევთ! — მედუქნე შევი-  
 და დუქანში და გლეხებიც შეჰყვნენ. მედუქნემ  
 დახლზე გადმოაწყო ჭიქები და მერე არაყით  
 დაავსო.

— მიირთვით, თქვენი ჭირიმეთ!.. სხვას  
 ხომ არას მიირთმევთ? — ცოტა ხნის შემდეგ  
 დაეკითხა მედუქნე.

— არა, ჩემო შაქრო! — უპასუხა ერთმა  
 გლეხმა და არაყით სავსე ჭიქას ხელი წამოავ-  
 ლო; მერე მიუბრუნდა დანარჩენებს და უთხრა:

— დალიეთ, ნულარ ვიგვიანებთ!

სხვა გლეხებმაც აიღეს ჭიქები და მედუქნე  
 ადღეგრძელეს, რომელმაც სამაგიეროდ უსურვა  
 ყოველივე კეთილი.

— მაშ არ იშლით, მიდიხართ? — ჭკითხა



მედუქნემ გლეხებს, როცა ჭიქები გამოსტალეს, თითო ლუკმა გამხმარი პური, მედუქნისაგან გაღმოღებული, პირში ჩაიდეს და საცოდავად ალავლავებდნენ.

— ალარა, შენი ჭირიმე! სხვა დრო რო იყოს, კიდევ დავრჩებოდით,—დაიწყო ერთმა გლეხმა:—საქონელსაც ბოსელში თბილათ შევინახავდით და ჩვენც კარგად დავიძინებდით; მაგრამ, რა უყოთ, ხვალინდელ დღეს არ ეძალატება. თუ ამაღამ შინ არ მივედით, არ იქნება. ზოგს დანიშნულისთვის „ბუზიკა“ მიგვაქვს, ზოგს ნათლიდედისთვის კელაპტარი, „პოლშაპოჭკი“ და ზოგს კიდევ ვისთვის... თუ ხვალ ადრიანათ არ ჩავუგზავნეთ, მერე მადლი ალარ ექნება.

ამ ლაპარაკის დროს გლეხმა უბიდგან ამოილო ცხრად ჩანასკული მჩვარი, რის ვაი-ვაგლახით განათავისუფლა შიგ მომწყვდეული შაურიანი, დახლზე გადაატყაპუნა და თანაც დაუმატა:

— ენდე, შვილოსა, ეგლა დამრჩა ხუთი მანათიდან და ეგეც შენა!

— ხუთ-ხუთ მანათად გაჰყიდეთ. შეშა?— ჰქითხა მედუქნემ და მერე დაუმატა:— კაი მაზანდა ჰქონია!

— კაი მოგცეს ლმერთმა, რო კაი მაზანდა აქვს ახლა, მაგრამ სადაა ე ოხერი შეშა!—თი-

თქმის ყველამ ერთად უთხრეს და თანაც დახლ-  
ზედ შაურიანებს რახა-რუხი აუყენეს.

— აგაშენოთ ღმერთმა! — უთხრა მედუქნემ  
და შაურიანები დახლის უჯრაში მოაქცია.

— აბა, ახლა-კი წავიდეთ, თორემ დაგვიგვი-  
ანდება! — მოაგონა ერთმა გლეხმა წასვლა და  
გარედ გავიდა.

ამას სხვებიც მიჰყვნენ და გარედან შემოს-  
ძახეს მედუქნეს:

— გამარჯვებით იყავი, შაქრო!

— გამარჯვებით მგზავრობა მოგცესთ ღმერ-  
თმა! — დახლიდან გასძახა მედუქნემა.

გლეხები გაემგზავრნენ შინისაკენ და ხმა-  
მალლივ ლაპარაკობდნენ, მომავალს ბედნიერს  
დღეს რა ნაირად გაახარებდნენ საჩუქრებით  
იმათ, ვისთვისაც რამ მიჰქონდათ; თანაც თავი-  
ანთს საჩუქრებს აქებდნენ და აზვიადებდნენ.

— ჩემი ბუზიკა ასეთია, რომ თავი-თავად  
დაუკრამს, — დაიწყო ერთმა.

— კაცო, ი მამაცხონებულმა მებუზიკემ, —  
განაგრძო ისევ მან: — ისე დააწიკწიკა, რო არ ვიცი  
როგორა!... სამი მანათი რო დაეფასებინა, მიმცემი  
ვიყავი, მაგრამ ღმერთმა უშველოს, ორათ მომცა.

— არ გინდა, ილიკო, ისე ჩაწიკწიკება  
შენც იცოდე? — ჰკიოხა ერთმა მეურმემ.

— ჰაი, ჰაი, რო მინდა! ღვთის წყალობა  
გაქვს, მაშინ მე ჩვენებურს გოგოებს გულს აუ-  
თამაშებდი! — სიცილით უპასუხა იღიკომ.

— ბუზიკის დაკვრა-კი არა, გინდა დაირის  
დაკვრა ისწავლო, მაინც ჩვენებურს გოგოებს  
გულს ვერ აუთამაშებ. შენ, ჩემო ძმაო, აგი-  
თვალწუნეს, აღარ მოგთხოვდებიან...

— ი სალავათ-დასაქცევები ქოქოლის მაყ-  
რიან ხოლმე, როცა მე თვალს ჩაუკრენხამ,  
კაცო, და პირს მამიჩემი სალოცავისკენ მიიბ-  
რუნებენ ხოლმე.

— შენი თვალის კრენხვას ისე ყურს არ  
უგდებენ, როგორც ბეხრეკი ძალლის ღრინვა-  
სა, — გაეხუმრა ერთი მეურმე.

— აյი რო ეგრეა, შვილოსა! ი ურჯუ-  
ლოები რაში მწუნობენ, მე რა სხვაზე ნაკლე-  
ბი ბიჭი ვარ?.. ერთი ხუთზე მაინც არ დავაპი-  
რე დანიშვნა, რო მე არ მამთხოვდნენ და სხვებს  
კი გაჰყვნენ. ლამის არის ესე დამაბერონ!

— დაბერებული თუ არ გგონია შენი თა-  
ვი?! — სიცილით უთხრა ერთმა მეურმემ და  
სხვებმაც სიცილი ასტეხეს.

— მართლა, ილიკო, ბუზიკა ვისთვის იყიდე?

— ვისთვის ვიყიდდი, ჩემი დისთვის ვიყი-  
დე! ეს ოხერი, კაცო, ნათლიათაც არავის მივ-

ყევარ; ჯერ ერთი ნათლი-დედაც არა მყავს!—  
გულ-ნაკლულად და ლრეჯით წამოიძახა ილიკომ.

— რაკი დაგიბრიყვეს, ჩემო ილიკო, და-  
გიბრიყვეს, ვეღარას გახდები...

ასე ლაპარაკით და ხუმრობა-სიცილით კარ-  
გად დაშორდნენ სოფ. მცხეთას. ბოლოს ძი-  
ლი მოერიათ და, ფარაჯებსა და ნაბდებში გა-  
ხვეულებმა, ურმებში ჩაიძინეს.

— აბა, სიმნო, ხალისიანად გარეკე ე შენი  
კამეჩები, აგება შინ დილაზე ლამიანათ მივიდეთ,  
რომ მეკვლეები ჩვენ ვიყვნეთ,—დაუძახა ილი-  
კომ წინა ურემზედ მჯდომს ცხრამეტისა თუ  
ოცის წლის ახალგაზდა მეურმეს, როცა ისიც  
მობლუნძული ურემში მიეგდო.

— რა ხალისიანად გავრეკო, მამლი ყიუ-  
ლამდე შინ მივალთ.

— ნეტა არ იქნება!—წამოიძახა ილიკომ  
და მერე ხმა აღარ ამოულია.

დაეძინათ მეურმეებს. დასძინებიათ აგრე-  
თვე არაგვის გაღმა-გამოლმა თეთრად შემოსილს  
მთებსა და მინდვრებს; ამ მთვარიანს ლამეს,  
რაც იშვიათად არ არის არაგვის ხეობაზედ,  
ტკბილს ძილს არა არღვევს-რა. არა სძინავთ  
მხოლოდ ურემში შებმულს დაჩულულს ხარ-  
კამეჩებს, რომლებიც ცოხნითა და კუდის ოდ-

ნავ ქნევით ძლივს მიათრევენ ფეხებს თეთრად  
 შემოსილს მთა-ბარს შეა გაკვერილს, შავის ზო-  
 ლივით მიკლაკ-მოკლაკნილს გზა-ტკეცილზედ;  
 არა სძინავს აგრეთვე სიმნოს, რომელიც წინა  
 ურმის კოფოზედ მობლუნძულა და მწარედ დაჭ-  
 ლულუნებს ურმულს, რაც მხოლოთ იმისს  
 „ლომას და ნიკორას“ ესმის. სიმნოს შეურყე-  
 ველს და წმინდა აკანკალებულს. ხმაში რა არ  
 იხატება?!.. თითქმის მთელი იმისი, მარტო იმისი  
 არა, ყველა იმის მოძმეთა არსება, მთელი მათი  
 წარსული, აწმყო და მომავალი ცხოვრება,—  
 მათი სიხარული და სიმწუხარე, ავი და კარგი  
 სულ ერთიანად იხატებოდა ამის სიმღერაში და  
 ამ გულის სილრმიდგან ამომჩენებარს გლეხთა  
 ცხოვრების ვაებას ანდობს მხოლოდ თავის ერთ-  
 გულ საქონელს: ლომას და ნიკორას, რომელ-  
 თაც სიმღერის ყოველს მუხლისა და მუხლს შეა  
 წასძახებს ხოლმე:—„თბოფეო, ნიკორავ!“ თითქოს  
 იმას უნდა ამითი უთხრას ნიკორასა და ლომას:  
 —„არ დაგეძინოთ, ყური დამიგდეთ!... ხომ ხე-  
 დავთ, თქვენ მეტი ყურის მგდებელი და გულ-  
 შემატკივარი არავინა გვყავს!“—კამეჩებიც სიმ-  
 ნოს ყოველს ამისთანა მიმართვაზედ წაიშმუ-  
 ლებენ, თითქოს ეუბნებიან:—„ნუ გეშინიან,  
 გულს ნუ გაიტეო!“—წახალისებული, რომ ყუ-

რის მგდებლები მყავსო, სიმნო უფრო მწარედ, უფრო გრძნობით დაპლილინებს და მოსთქვამს ლექსებს.

ერთმანეთის გულის-პასუხებში გართულებს სიმნისა და იმისს საქონელს არ გაუგიათ, თუ როგორ მიადგნენ ნარეკვავის თავდალმართს, საიდგანაც აღმოსავლეთით მოსჩანს საგურამოს ტყით შემოსილი მთები, დასავლეთით—კი—ტრიალი და დაცემული საწილკანო და სამუხრანო ჭალა-მინდორი. სხვა დროს მშვენიერი სანახავი, ეხლა ერთგვარს მოსაწყენს სურათს წარმოადგენდა მთებიცა და მინდვრებიც; ეხლა ისინი ერთნაირად იყვნენ თოვლით გადალესილნი და სიცოცხლის ნიშანი არც ერთს არ ეტყობოდა. ამ გვარი სურათი მგზავრის თვალს უწყალოდ ლლის, ასუსტებს და ძილს აპარებს.


ამ სურათმა თავისი მოქმედება თითქოს სიმნიზედაც იქონია. აგერ იმანაც გულზედ თავი მძიმედ ჩამოაკანტურა და ლილინში თვალები მილულა, შესწყდა იმისი ლილინი. ნარეკვავის თავდალმართში ურმებმა ლომას და ნიკორას წინამძლოლობით თავიანთ ნებაზედ ჩაიარეს, გასცდნენ ნარეკვავის დუქანსაც, რომელიც იქვე თავდალმართის ძირშია და საიდგანაც ეხლა ოდნავ-ლა გამობუტავდა სინათლე...

ლომა და ნიკორა მიიზღაუნებოდნენ და თან ელოდებოდნენ თავის პატრონის გამამხნევებელს ხმას, მაგრამ, აგერ რამდენი ხანია, იმას აღარ დაუძახნია და სძინავს. რაკი ვეღარ ელირსნენ პატრონის ხმის გაცემას, იმათაც მოწყინეს და მძიმედ შედგნენ, რომ თითონაც ძილს მისცემოდნენ. მაგრამ გარემოების შეცვლაზედ სიმნომ მაშინვე გამოიღვიძა და „თბოე“ დასძახა. კამეჩებმა ხმის გაგონებაზედ კვლავ გასწიეს და ურემი მძიმედ გააგორეს. სიმნომ-კი ისევ მოხუჭა თვალები და მიიძინა...

ამ დროს გამოჩნდა პირდაპირ ამათკენ მომავალი ეტლი, რომელსაც წინ და უკან ორი შეიარაღებული ჩაფარი მოსდევდა. ეტლი თანდა-თან უახლოვდებოდა ურმებს და უფრო გარკვევით მოისმოდა ცხენების ფრუტუნი და მათის ფეხების აჩქარებული ხათქა-ხუთქი. წინამორბედმა ჩაფარმა ურმებს თვალი მოასწრო და ცხენი გამოაჩქარა. იმას მეორე ჩაფარიც წამოეწია და ორნივე საჩქაროდ ურმებთან დაიბადნენ.

— აი, თქვე ასეთ-ისეთებო! — დასჭყივლეს ჩაფრებმა და მძინარე სიმნოს და იმის კამეჩებს მათრახები დაუშინეს.

საცოდავი სიმნო დაფეთიანებული წამოვარდა და უეცრივ ურმიდან თავდაყირა გადიარა.



— მირეკეთ იქით! მირეკეთ! — ლანძლვა-გონებით და მათრახების უაპა-უუპით ჩაუქროლეს ურემს.

აირივნენ ურმები. და მეურმეები ერთმანეთში. ამ უეცარს ჰყივილსა და ცემაზედ დაფეთიანებული მეურმეები გონს ვერ მოსულიყვნენ და „ჰოი, ჰო“-ს ძახილით ზოგი საით. გარბოდა და და ზოგი საით. ასე ეგონათ, მილეთის ჯარი თავს დაგვესხა და ლამობენ ჩვენს ამოჟლეტასაო. ურმებიც ზოგი გზიდან გადავარდა და ზოგი გზის პირის თხრილებში გაიხიდა და ისე იდგა.

ამ არევ-დარევის დროს ურმების გვერდით გაიგრიალა კავკავიდგან მომავალმა ეტლმა და მეურმეებიც გამოლაგდნენ გზაზედ.

— ეტლი ყოფილა ეგ ვერანი! — წამოიძახა ბლიკომ, როცა ჯაგებიდგან გამოძვრა და გაიხედა იქით, საითკენაც მიქროლავდა ეტლი.

— ეეი, ის ულმერთოები, რანაირად იცემებოდნენ! — სთქვა ერთმა ზურგის ქექით.

— ერთი ისეთი გადმომიშირა ი ოჯახ-ჩანელებულმა ზურგში, რო თვალებიდგან სულ წინ-წკლები წამომცვივდა! — სთქვა მეორემ.

— მე რომ დროით არ გამომლვიძებოდა და თავისათვის არ მეშველა, მეც-კი მითავაზებდნენ, — სთქვა ყველაზედ ბოლოს ილომ.

— შენ რა, შვილოსა, ყველაში ეშმაკი ხარ,  
უკან იმითვის არ მოექეცი?! — უპასუხა ერთმა.

— ე გველი რო ხარ, იმითვის გწუნობენ  
ჩვენებური გოგოები, — უთხრა ახლა მეორემ.

— ნეტა არ იქნება, გველი ვიყო, რო  
ი ჩვენებურ გოგოებს... — წამოიძახა სიცილით  
ილიკომ.

— აი, გამჩენმა ამოგაგდოს, გამჩენმა, კაი  
ადამიანიშვილი შენა ხარ! — თითქმის ყველამ  
ერთად უთხრეს სიცილით ილიკოს.

ამ ლაპარაკში იმათ თავ-თავიანოი ურმები  
მოაბრუნეს და გზაზე დააყენეს. ის იყო გამ-  
გზავრებას აპირებდნენ, რომ ერთმა მათგანმა  
გზის პირას თხრილში გახიდული ურემი დაინა-  
ხა და დაიძახა:

— აი ვისი ურემი დგა „კანაოში?!”

ყველამ იქით მიიხედეს და დაიძახეს:

— ვინ გვაკლია?!

— სიმნოს ურემია, ბიჭებო! — წამოიძახა ერ-  
თმა და მერე იკითხა: — თითონ სად-ლა წასულა?

— სიმნო! — დაიძახა ერთმა, მაგრამ პასუხი  
არსაიდან მოესმა.

ილიკო გადშოხტა ურმიდგან და საჩქაროდ  
სიმნოს კამეჩებთან მიირბინა, უეცრივ შესდგა  
და ფერ-მიხდილმა ძლივსლა წამოიძახა:

— ე რა უბედურება დატრიალებულა,  
თქვენი კირიმეთ!!

— რა, კაცო?! — ელდა-ნაკრავებმა ერთ-  
ხმად იკითხეს და საჩქაროდ ილიკოსთან მიირბი-  
ნეს.

თქვენი მტერი გაშრეს ისე, როგორც მე-  
ურმეები გაშრნენ და პირი დააღეს, როცა კამე-  
ჩებთან ახლო გულდაღმა გაშხლარტული, სა-  
ფეოქელ-გახეთქილი სამნო დაინახეს...

— ახლა ამი დედის საცოდაობას ვიღა  
იხილავს?! — წამოიძახა ისევ ილიკომ.

— ბედნიერი დღე უბედურად არ შეეც-  
ვლება იმ საცოდავს! — სთქვა ერთმა და თავი  
ნაღვლიანად ჩატკიდა.

— მეურმეები შემოეხვივნენ სიმნოს გვამს და  
კარგა ხანს მწარედ დალვრემილები და ათას-  
ნაირს შავს ფიქრში გართულები ხმის ამოულებ-  
ლად, მუნჯად დასცეკეროდნენ.

თითქო ლომამა და ნიკორამაც იგრძნეს  
თავიანთ პატრიონის უბედურება, იმათაც მოი-  
გრიხეს კისრები და წყლით სავსე თვალები მო-  
წყენით სიმნოს მიაპყრეს და სხვაგნით აღარსაით  
აღარ იხედებოდნენ; შესწყვიტეს ცოხნა და ხა-  
მუშ-ხამუშ ოხვრის მაგივრად ლრმად წამოიფ-  
შუვლებდნენ ხოლმე.


მთვარე-კი გულ-გრილად, შეუბრალებლად  
დასცერის ზემოდგან და თითქოს ეუბნება:—  
„აი, თქვე საცოდავებო, თქვენა!... რა ჩაგიკიდ-  
ნიათ თავები და ჩამოგტირისთ ცხვირ-პირი?!

მაგ ერთი მღილისათვის თქვენ მაგრე იქრუნვე-  
ბით და იწუხებთ თავებს... მაშ მე რაღა უნდა  
და ვქნა, როდესაც ჩემ თვალ-წინ უსამართლოდ  
დახოცილის ხალხის სისხლის მორევები დგება,  
როდესაც მრავალი ერი სხვის ხელში უსამარ-  
თლოდ იღუპება და ანთხევს სისხლს?!.. ეეჭ,  
თქვე უბედურებო, თქვენა!“

ამ დროს მთვარე ნაწყვეტს ლრუბელს მოე-  
ფარა და მიხუჭა თვალები; თითქოს ამითი უნდა  
ანიშნოს მეურმეებს, საკმარისია წუხილიო...

— ესაა ჩვენი ცხოვრება!... — წამოიძახა დი-  
დის ხნის სიჩუმის შემდეგ ერთმა მეურმემ და  
მწარედ ჩაიქნია თავი; რამდენიმე ტყვიასავით  
ცხელი ცრემლი გადმოვარდა და სიმნოს გაყი-  
ნულს სახეს დაეცა...

1889 წ.



მოგონება

(ყმაწვილების ცხოვრებიდგან)

I

კვირა დილით ძილში სტვენა შემომესმა.  
საჩქაროდ ლოგინიდგან წამოვხტი და პერანგა  
გარეთ გამოვვარდი. მეც გავუსტვინე. ერთი კი-  
დევ გამოუსტვინეს და შემდეგ სტვენა აღარ  
გაუმეორებიათ. მე შინ შევბრუნდი ტანისამო-  
სის ჩასაცმელად.

მე, სოსომ, შაქრომ და გიგლამ სამწყე-  
რაოდ წასვლის პირობა შევკარით. დედა-ჩემი,  
როცა კი გაიგებდა, რომ მინდორში წასვლას  
ვაპირებ, გვერდიდან აღარ მიშორებდა და სულ  
იმას ცდილობდა, როგორმე შინ დავეჭირე. აი,  
ამისთვის, დასაძახებელ ნიშნად სტვენა გვქონდა.  
დედა ამას ვერ მიჰხედებოდა ხოლმე და მეც  
თავისუფლად გავდიოდი სოფლის გარედ, სადაც  
ჩემი ამხანაგები მიცდიდნენ.

ქალმის ოამებს ვიხვევდი, როცა დედა-ჩემი  
შინ შემოვატებ. იშპს ჩემი ასე არა-ჩეეულუბრივი  
ადრე ადგომა გაუკვირდა და მითხრა;

— ეს როგორ მოხდა, შვილო, რომ აღრე  
გაგილვიძნია?! ხომ არავინ იყო?

— ვინ უნდა ყოფილიყო, — ვუპასუხე თავ-  
ჩალუნულმა. ვატყობდი ჩემ თავს, რომ ვწი-  
თლდებოდი, და ამისათვის თავი მაღლა .ვეღარ  
ავიღე.

— უთუოდ წასვლას აპირებ სადმე. და იმი-  
ტომ ეგრე გაფაციცებული იცვამ. — არ მეხსნე-  
ბოდა დედა ჩემი.

— სად უნდა ვაპირებდე? — კუთხარი და უფრო ძალიან გავწიოთლდი.

პატარა ხანს სიჩუმე ჩამოვარდა. დედა-ჩემი  
რალასაც ფიქრობდა. ბოლოს, მოვიდა ჩემთან  
ახლოს და-მითხრა:

— შვილო, გულს ნუ მიხეთქავ!.. სხვების  
აყოლა შენ არ გამოგადგება. გიგლასა და შაქ-  
როს რომ დასდევ, აბა, რას მოგიტანს იმათი  
აყოლა? იმათ დედ-მამას იმათ გარდა სხვებიცა  
ჰყავთ, შენ-კი დედის ერთა მყევხარ. შენ რომ  
მოგივიდეს რამე, ხომ მეც თავს მოვიკლავ, თავს  
როგორლა ვიცოცხლებ!..

მე თავ-ჩაღუნული და ტუჩ-დაშვერილი ყურს  
კუგდებდი. მეორე ფეხზედ ნახევრად შემოხვეუ-  
ლი თასმა ხელში ისე დამრჩა.

— შენოდენას ეხლა მინდოორში როგორ

გაესვლება! გუშინ ახსაბაძიანთ დათა კინალამ  
ცოფიან ძალლს დაეგლიჯა...

დედა-ჩემმა ამ ღროს თვალი მოჰკრა კატას,  
რომელიც საწველელს მიჰპაროდა და რძეს სლა-  
პავდა.

— აცხა, აცხა!.. აი შე ვერანავ, შენა!.. —  
დაუყვირა კატას დედა-ჩემმა და საწველელის კენ  
გაეშურა. კატა ძირს გადმოხტა და გარედ გა-  
ვარდა.

— ამ ვერანას შიშით თავ-ახდილი ვეღარა  
დამიდგამს რა! — სთქვა, საწველელს ჯამი დაჭ-  
ხურა, მერე მომიბრუნდა და მითხრა:

— სანდრო! აქ იყავი, თვალ-ყური დაიჭი-  
რე აქაურობაზედ. ძროხას გავაგდებ ნახირში,  
ეხლავე უკან დავბრუნდები და ვენახში წავიდეთ.

დედა-ჩემი რომ გარედ გავიდა, მე ისევ ისე  
ვიჯექი. მომაგონდა, რომ სამწყერაოდ უნდა  
წავსულიყავი, მაგრამ იმის სიტყვებმა როგორ-  
ლაც დამატიქრა და დამალონა. ცოფიანი ძალლის  
ხსენებაზედ ხომ ტანში სულ ურუანტელმა დამი-  
არა. ერთი კვირის წინათ დიდედა-ჩემმა მიამბო,  
რომ ცოფიან ძალლს ერთი კაცი დაეგლიჯა და  
ის კაცი გაცოფებულიყო: „მუცელში ძალლის  
ლეკვები გაუჩნდაო და სულ ერთიანად გამოა-  
ჭამეს გულ-ლვიძლიო“.

ეს სიტყვები გულში ჩამეჭრა, ეხლა ცოფიანის ძალის ხსენებაზედ მომაგონდა და არ ვიცოდი, შინ დავრჩენილიყავ, თუ სამწყერაოდ წავსულიყავი. ბოლოს მაინც სამწყერაოდ წასვლის სურვილმა დამძლია. საჩქაროდ დავიხვევ მეორე ქალმის თასმა, ტახტის ქვეშ შევძვერ და ჩემი სხალტა \*) გამოვიტანე.

პატარა ხანს შემდეგ, მე და ჩემი ამხანაგები ლაპარაკით ორლობებზედ მივდიოდით მინდვრისაკენ. უფრო სხალტებზედ გვქონდა ბაასი. ყველანი თავ-თავის სხალტას და ჩვენს მარჯვე სროლას ვაქებდით. გიშერა კი წინ მიგვიხტოდა: წავიდოდა შორს ხტუნაობით და სიხარულით; კარგათ რომ დაგვ შორდებოდა, უეცრად შედგებოდა, შეჰყეფდა, მოტრიალდებოდა და ისევ ისე ხტუნაობით ჩვენკენ წამოვიდოდა. მოვიდოდა, ყველას სათითაოდ დაგვსუნავდა, მოგვეალერსებოდა და ისევ გასწევდა წინ.

მზემაც მთის წვერიდგან თავი ამოჰყო.

— ბიჭებო! — გვითხრა გიგლამ: — ასე ადრიანად რომ მივდივართ, შვილოსა, რას გავაკეთებთ: სანამ არ დაცხება, ხომ ვერ ვიმწყერავებთ!

\*) სხალტა—ჯოხია, რომელსაც გვერდებზედ დამწვეტებული ტოტები აქვს. ყმაწვილები ამას მწყერაობის დროს ხმარობენ.

— ჰოდა მინდორში რას გავაკეთებთ! —

კვერი დაუკრა სოსომ.

— სანამ დაცხებოდეს, წყაროს პირას ვი-  
თამაშოთ, — გვირჩია შაქრომ.

ყველანი დავეთანხმენით და ხტუნაობით  
წავედით კიდეც, მაგრამ ღობის პირას მდგომა  
მწიფე თუთამ შეგვაყენა.

— ერთი ამას შეხედეთ, ბიჭებო, რანაირად  
მწიფს, ეი! — წამოიძახა სოსომ, — მოდი ვჭამოთ.

— მართლა რანაირად მწიფს! თამაშობას,  
შვილოსა, ესა ვჭამოთ! — სთქვა შაქრომ.

— ყადაღა რომ არის, — ვუთხარი მე: — მევე-  
ლეებმა თუ მოგვასწრეს, ძროხას დაგვიკლავენ.

ამ სიტყვებმა ყველანი შეგვაყენა და დაგვა-  
ლონა. მწიფე თუთა კი თავისკენ გვიზიდავდა.  
მოშორება აღარ გვინდოდა. სულმა წაგვძლია,  
შაქრომ აიღო ქვა და თუთას ესროლა. რამდე-  
ნიმე მარცვალი ღობეს გარედ ჩამოცვივდა. ქო-  
რებივით დავეხვიენით და საჩქაროდ ავკრიფეთ.

— უჟ, უჟ, რა ტკბილია! — ტუჩების ცმა-  
ცუნით და სიამოვნებით ვიძახდით ყველანი.

— ბებიანთ თუთაც ძალიანა მწიფს, — გვი-  
თხრა გიგლამ, — იქ წავიდეთ, მეველეები რომ  
მოვიდნენ კიდეც, არას გვეტყვიან. ბებემ მევე-  
ლეებს უთხრა: „გიგლას ნუ დაუშლითო“.

გიგლას ბებიანთ ვენახი იქვე ახლოს იყო.  
სიხარულით გადავხტით ლობეზედ და იქით გა-  
ვეშურენით. გიშერაც თან მოგვყვა...

## II

შუადღემ მოატანა. გაცხარებულები ვმწყე-  
რაობდით. კიუინითა და სხალტების ქნევით  
ერთის ნამკლიდგან მეორეში გადავრბოდით. თავ-  
პირზედ წურწურით ოფლი ჩამოგვდიოდა. ჩვენ  
მაინც რაღაც სასიამოვნო სურვილი გვიზიდავდა  
და ძალას გვაძლევდა. თუმცა კარგმა ხანმა გაი-  
არა, ვმწყერაობდით და ყველას რამდენიმე მო-  
კლული მწყერი, კაი მონადირეებსავით, ქამრე-  
ბზედ გვქონდა ჩამოკიდული, მაგრამ არც ერთ  
ჩვენგანს მაინც დასვენებაზედ ხმა არ ამოგვილია  
და თითქმის დაღლილობაც არ გვიგრძნია.

სიცხის გულზედ მწყერი ბუზივით ამოდიო-  
და. ხანდისხან ცხვირ წინ აგვივლიდა. ვინც კი  
მოასწრებდა, მაშინვე უკან სხალტს გააყოლებდა,  
და მწყერიც სხალტთან ერთათ ძირს ვარდებო-  
და ან ფრთა-მოვარდნილი, ან თავ-მოგლეჯილი,  
ან კიდევ, როცა სხალტა მარჯვედ და მაგრად  
მოჰქვდებოდა, ზედ შუაზედ გაგლეჯილი.

რა სიამოვნებით გვიხტოდა გული, როცა  
მკვდარი მწყერი ძირს ჩამოვარდებოდა, და რა-

ნაირი სიხარულით მივრბოდით მწყრის ასაღებად! რა თავმომწონედ დავანახვებდით ხოლმე ერთ-მანეთს ჩვენგნით მოკლულს მწყერს!..

რაც უფრო ბევრსა ვხოცდით, მით უფრო გვიცხოველდებოდა მწყერაობის სურვილი, მით უფრო გვეხალისებოდა მწყერაობა და ძალაც გვემატებოდა.

„ნახე, ნახე“!..—ვუძახდით გიშერას, როცა მწყერი აღარ ამოდიოდა.

გიშერაც გამალებული დაეძებდა, ხანდისან შესდგებოდა და ერთ ადგილს დიდხანს კუდის ქნევით უცქეროდა. ეს იმის ნიშანი იყო, რომ მწყრის სუნი აიღო და ახლა მწყერს ეძებს. ჩვენც გარს შემოვერტყმოდით და გულის ფანკებით ველოდით მწყრის ამოფრენას. გიშერა ხშირად უფრო გვატყუებდა და მწყრის მაგივრად თაგვის სოროებს ეძებდა. განგებ კი არ ჩადიოდა ამას, არა,— თითონაც სცდებოდა, რადგან მწყრის სუნსა და თაგვის სუნს ერთმანეთში ვერ არჩევდა.

ერთი ნამკლის თავში გიშერამ კიდევ მოგვატყუა. ჩვენ გვეგონა, მწყერს დააცქერდა, და თაგვმა-კი ფეხებში გაგვირბინა.

— აი, შე ოხერო, შენა!— სიცილით დავძახეთ ყველამ.

— ვა-ვა, ვა-ვა! ქვით-კირი, ქვით-კირი! —  
მოისმა ამ დროს ნამკლის ბოლოდგან მწყრის  
ძახილი.

— არიქათ, ბიჭებო, წავიდეთ იქით! დედა-  
მწყრის ხმაა. რანაირ მჭახედ იძახის! — გვითხრა  
სოსომ და გაიქცა ნამკლის ბოლოსკენ.

ჩვენც მაშინვე უკან გავყევით.

გიშერას ერთი ალიაქოთი შევუყენეთ: „ნა-  
ხე, გიშერ, ნახე!“ და „ჰაი-ჰაა, ჰაი-ჰაი“-ს ძა-  
ხილს ერთმანეთს აღარ ვაცდიდით. საწყალი  
გიშერა ხან ერთს შემოგვხედავდა და ხან მეო-  
რეს, არ იცოდა, საით წასულიყო და ან რო-  
გორ დაეწყო ძებნა.

ბოლოს, როგორც იყო, მიაგნო მწყრის  
კვალსა და გაცხარებულმა დაუწყო ძებნა... აგერ,  
გიშერა შედგა, აილო კუდი მაღლა, ყურები დააც-  
ქვიტა, თვალები დიდათ დააჭიტა და თავი წინ  
წაილო! ჩვენ სულ გავინაბეთ და გარს შემო-  
ვერტყოთ. ჩამოვარდა სიჩუმე. გულმა აჩქარებით  
დაგვიწყო ფანცქალი... სუნთქვა შევაყენეთ...

გიშერამ სახე შეიტმუხნა, უეცრად გადახტა  
და წინა ტოტები მიწას მაგრად დაარტყა... მო-  
გვესმა რაღაც წრიპინი. გიშერამ თავი მაღლა  
აილო და იმის პირში დავინახეთ საცოდავად  
გამომცქერალი დედა-მწყერი.

რანაირი სიბრალული აღმეძრა!.. ჩემ დღე-  
ში არ დამავიწყდება იმისი ცრემლ-მორეული  
თვალები!..

„რა გინდათ ჩემგან, რა დაგიშავეთ, რად  
მისპობთ სიცოცხლეს და შვილებს ობლად რად  
მიტოვებთ?!.. თუ თქვენ გინდათ სიცოცხლე,  
მეც მინდა ვიცოცხლოო!“ თითქოს გვეუბნე-  
ბოდა საბრალო მწყერი ამ საყვედლურით სავსე  
სიტყვებს.

გიგლა მაშინვე მიჰვარდა გიშერას და მო-  
მაკვდავი მწყერი პირიდგან წაჰვლიჯა. საწყლის-  
თვის გიშერას კბილი შიგ გულში ჩაეყარა!

გიგლას დიდხანს ეჭირა ხელში და გაშტე-  
რებით დასცეკეროდა. ჩვენც გარს შემოვეხვიე-  
ნით და გაჩუმებულები შევცეკეროდით მწყერს.  
ყველას ნაღვლიანი სახე გვქონდა, ყველას გულ-  
ზედ ლოდივით რაღაც დაგვაწვა.

მწყერი-კი ძლივს-ლა სუნთქვავდა. თავისს  
პატარა ჭრელ თვალებს ძალას ატანდა, თვალის  
ჭუთუთოებს რაც შეეძლო სჭიმავდა,—ეტყო-  
ბოდა, თვალთ-უბნელდებოდა და ბუნდად-ლა  
ჰედავდა.

— სანდრო, წავიდეთ ჩქარა შინ, — შემომ-  
ხედა თვალ-ცრემლიანმა გიგლამ და მითხრა:—  
დედა-შენს კარგი მალამო ექნება, იქნება მორჩეს.

— რას ამბობ, ბიჭო, ეს ეხლავ მოკვდება, — ვიპასუხე მე.

გიგლამ ერთი კიდევ დაჰქედა მწყერს.

— აჰა, დაიჭი!.. — მომაწოდა მწყერი და ქვითინი ამოუშო.

— თავი მაინც მოჰვლიჯეთ, ნუ სტანჯავთ! — ტირილით გვეუბნებოდა გიგლა.

თავის მოგლეჯა ვერავინ გავბედეთ. მწყერმა უკანასკნელად გადაატრიალ-გადმოატრიალა თვალის კაკლები, დაგვათვალიერა ყველანი, თი-თქოს გვემშვიდობებაო, და სამუდამოთ დახუჭა თვალები.

— ეს ვერანა, ესა!.. — ტირილით ჯავრობდა გიგლა გიშერაზე, — გულში რომ არ ეკბინა, არ იქნებოდა?!

გიშერამაც იგრძნო თავისი დანაშაული და საცოდავათ მოიბუზა.

ჩვენ ყველამ გადავწყვიტეთ მწყრის და-მარხვა, — გავთხარეთ ლრმად მიწა და მწყერი ჩავთალით, ზედაც ნიშნად დიდი ქვა დავადეთ.


დალონებული წამოვედით შინ. გიგლამ თა-ვისი მოკლული მწყრები ჩვენ მოგვცა.

— მე არ მინდა! — გვიპასუხა გიგლამ, რო-დესაც ჩვენ ვკითხეთ: „შენ-კი არ გინდაო?“

ამ სურათმა გიგლაზედ ისე იმოქმედა, რომ

მერე ჭიანჭველასაც-კი არ დაადგამდა ფეხს. „ეგეც  
სულდგმულიაო“, — იტყოდა ხოლმე. სახლში რომ  
ეხვეწნონ, ქათამს ვერ დააკვლევინებენ, თუმცა-  
კი ის ეხლა წვერ-ულვაშით არის შემოსილი.

1890 წ.



# ახალწლის ღამეს

(ეტიუდი)

სანთლების ანთების დროს გიგოლას სახლის ტლანქმა ფიცრის კარებმა გულის გასაგმირავი ჭრიალი მოილო და უეცრად ერთის ვაივაგლახით კედელს დაეძგერა. სახლში ავადმყოფმა გიგოლამ ამ ბრახუნზედ წამოიწია, უნდოდა წამომჯდარიყო, მაგრამ წელი ვეღარ აიტანა და ისევ ისე ბალიშზედ მიესვენა.

— დედი, დედი!... — კარების ბრახუნთან ერთად დაიძახა ცხრა წლის ყმაწვილმა, რომელიც სიხარულით შემოვარდა სახლში. ყმაწვილი ჩქარა შედგა, რაკი დედის ხმა არსაიდგან მოესმა, თავი მოიფხანა და ცხვირ-პირი ჩამოუშვა; რაღაც უკმაყოფილება გამოიხატა იმის სახეზედ.

— დამაცალოს იმ შავ-ქალამა!... — წაიბუტა ბუტა ყმაწვილმა.

— რა იყო, ნელა ვერ გააღებ, შვილო, კარებს, რომ ეგრე არ დაარახუნო? — მიმჭრალის ხმით უთხრა გიგოლამ თავისს შვილს.

— მე ვაყურებინებ იმას!.. — კიდევ წაიბუ-  
ტბუტა ყმაწვილმა.

— შავ-ქალამ რაღა დაგიშავა, რო ემუ-  
ქრები?

— ისა, რომ მომატყუილა!

— ეჲ!.. რა მოგატყუილა, რატომ... სწო-  
რედ... არ მეტყვი?! — სვენებ-სვენებით ძლივს  
დაეკითხა გიგოლა.

— იმათ ბოსელში ბიჭები ვიყავით და ვთა-  
მაშობდით, ის ჩამოვიდა და მითხრა: „აქ რას  
აკეთებ, დედა-შენმა თაფლი იყიდაო!..“

— მერე ე მაგაზე ემუქრები?! ეჲ!.. —  
ამოიოხრა გიგოლამ და გადაბრუნდა.

— შვილო, შაქრო, კარები მიხურე, თორემ  
ძალიან ცივა.

შაქრო კარების მისახურად მიტრიალდა,  
მაგრამ ამ დროს მაგდანას ხმა შემოესმა: „აბა თუ  
მოერევი, ჩემო დათა, შემოიტანე“.

— აგერ, დედა-ჩემიც მოდის!.. — წამოიძახა  
შაქრომ და საჩქაროდ გარედ გავარდა.

— რა კაი საახალწლო კუნძია, ეს დალო-  
ცვილი!.. ღმერთმანი, ისე დაგუგუნდება, რო...  
— სთქვა დათამ და თანაც რამდენჯერმე ფეხი  
წაჰკრა თოვლიანს კუნძს, მერე დაილუნა, უნდო-  
და აეწია, მაგრამ წელი ვერ აიმართა.

— მაიცა, შენ გენაცვალე, წელი არ იტკინო, ორივემ ავსწიოთ! აჰა, დაიჭი ე ჯამი! — თაფლით სავსე ჯამი საჩქაროდ მიაჩეხა შაქროს და დათას მიეშველა.

დათამ და მაგდანამ ასწიეს კუნძი და, ორივე წელში მოღრეკილები და თავი-თავს მიბჯენილები, სახლის კარებისკენ მიბარბაცებდნენ. შაქრო იმათ უკან მისდევდა და სიხარულით დასცეროდა თაფლით სავსე ჯამს. გულმა აღარ მოუთმინა, ჩაჰურ თითი თაფლში და პირისაკენ გააქანა. ლიმილით გააწლაპუნა ტუჩები, ჩაილოკა თითი და ისევ გაიმეორა. ვიდრე მაგდანა და დათა სახლში შევიდოდნენ, იმან რამდენჯერმე მოასწრო თითის ჩაყოფა და გალოკვა.

— მადლობელი, ჩემო დათა! — უთხრა მაგდანამ, როცა კუნძი გაასწორეს.

— გიგოლა როგორ-ლა არის? — ჰკითხა დათამ.

— შენი მტერი და დუშმანი იყოს ისე, როგორც გიგოლაა! .. — გულამოსკვნით უპასუხა მაგდანამ: — ეს სამი დღეა, წამოჯდომას ვეღარ ახერხებს. გულს ძალიან იტკიებს.

— ღმერთი მოწყალეა, კარგად გახდება! — ანუგეშა დათამ.

— დათა, შენა ხარ, ბიჭო!! . ოხ, დედავ! ..

ერთხელ რატომ მაინც არ შამოხვალ, ბიჭო!..  
შამოსვლაზედ ხომ არ გადაგახდევინებენ?

— განა არ შამოვიდოდი, მაგრამ ეს ოხე-  
რი დრო ხელთ ვერ ჩავიგდე.

— ეეჭ!.. გული, გული!.. ბიჭო, იქნება,  
დედა-შენმა იცოდეს რამე, აბა ერთი ჰკითხე,  
შენი ჭირიმე, თორემ, ლამის არის, მოვკვდე...  
რა ვიცი, იქნება, იმისი ხელი წამლად მექცეს  
და მოვრჩე...

— თუ-კი იცის რამე, საროდიოდღა შეი-  
ნახავს თავის ცოდნას? ამაღამვე ვეტყვი.

— თუ მოვრჩი, ლმერთმანი, იმის სიკეთეს  
გადავიხდი...

— ჰო, ჩემო დათა, არ დაგავიწყდეს,—  
შეეხვეწა მაგდანა: — ჩვენებიანთ ბაბალეს დავეკი-  
თხე და იმან არაყი მასწავლა: „უთუოდ მჭვა-  
ლი ედგებაო და არაყი ძალიან არგებსო“. გუ-  
შინ-წინ დავალევინე და უფრო უარესად გახდა.  
მას აქეთ ნახველს სისხლი ამოსდის, — უკანასკ-  
ნელი სიტყვები მაგდანამ ყურში წასჩურჩულა  
დათას.

— არ დავივიწყებ, ჩემმა მზემ!.. ლამე მშვი-  
დობისათ!

— მშვიდობა მოგცეს ლმერთმა! — გიგოლამ  
და მაგდანამ ერთად მიაძახეს მიშავალ დათას.



— ხვალ მოდი, დათა! — უთხრა მაგდანამ, როცა ის კარებთან მივიდა.

— მოვალ, თუ გოზინაყს მაჭმევ!

— მაშ უგოზინაყოდ როგორ იქნება!

შაქრომ ამ დროთი ისარგებლა: სანამ ესენი ლაპარაკობდნენ, ეს თაფლს შეექცეოდა. შაქრო თაფლის ჭამაში ისე იყო გართული, რომ დათას წასვლა ვერ გაიგო და, როცა მაგდანამ თვალი შეასწრო და დაუყვირა, ისე შეკრთა, რომ თითი პირში დარჩა და კინალამ ხელიდგან ჯამი არ გაჰვარდა. ისე იდგა გაშტერებული, ვიდრე მაგდანამ ჯამი არ წაჰვლიჯა და კარების მისახურავად არ გაგზავნა.

— ადამიანო, — დაიძახა გიგოლამ: — ხვალი-სათვის არას ამზადებ?.. ბედნიერი დღეა... ან მტერი მოვა, ან მოკეთე, ყველას დახვედრა უნდა...

— ლვთის მოწყალება რაცა გვაქვს, ყველას მოვამზადებ. ქათამს ეხლა მოვხარშავ, გოზინაყსაც გავაკეთებ და სხვა რაღა მოვამზადო? პური კიდევ დღეს გამოვაცხე. — ამ ლაპარაკში მაგდანამ აანთო თუნუქის ლამპარი, რომელმაც ბუნდ სინათლესთან ერთად სახლი ცუდი სუნითა და ბოლით აავსო.

მაგდანამ გააჩალა ცეცხლი. საახალწლო

კუნძმა ტკბილად დაიწყო გუგუნი. კუნძის გვერდით ქვაბი შემოსდგა, რომელშიაც მსუქანი დედალი იდო, მოიტანა ნიგოზი და დაუწყო გარჩევა. შაქრო დედას მოუჯდა გვერდით და იმანაც რჩევა დაუწყო, თუმცა იმდენს არ არჩევდა, რამდენსაც სჭამდა.

— დედი, ხვალ ახალწელიწადია? — ჰერთხა შაქრომ: — განა დიდ ჩურჩხელებს მომცემ?.. რა კარგია ჩურჩხელა!.. ისეთი ძალიან მიყვარს ჩურჩხელა, ისეთი, ისეთი, რომ არ ვიცი, როგორ!..

მაგდანა-კი რაღასაც ჰერთხობდა და შაქროს ლაპარაკი არ ესმოდა.

— დედი, — დაიწყო შაქრომ და თან დიდი ლებანი პირისაკენ გააქანა, — ხვალ ჩვენებიანთას წავალ და ისინი კამფეტს მომცემენ.

— წადი, შვილო, ტაფა მომიტანე!

შაქრომ საჩქაროდ მოარბენინა ტაფა. მაგდანამ ჩასხა შიგ თაფლი და ცეცხლზე შემოდგა, მერე ნიგოზს წვრილად დაუწყო ჭრა. შაქროც შესცეკროდა დედას ხელებში და რაღასაც ელაპარაკებოდა, რომლის სიტყვები მაგდანას სრულიად არ ესმოდა.

მაგდანა ამ დროს სხვა ფიქრებში იყო გართული. ის ფიქრობდა თავისს ავადმყოფ ქმარ-



ზე. ეს ორი დღეა, რაც გიგოლას პირიდგან  
სისხლი ამოსდის და ი ეს აფიქრებს მაგდანას.  
„ვაი თუ აღარ მორჩეს და..“ მალ-მალ გაურ-  
ბენს ხოლმე ეს ფიქრი თავში და სულ ერთია-  
ნად შეარყევს. უნდა მოიშოროს თავიდგან ეს  
მწარე ფიქრი, მაგრამ იმის დაუკითხავად აეჭ-  
ლება ხოლმე. მალ-მალ წარმოიდგენს თავის  
თავს ქვრივად, შაქროს კიდევ—ობლად, ყველა-  
საგან დაბრიყვებულად, და ეს ხომ ჩაჰუფქავს  
და აადულებს. თვალიდგან ნაკადულსავით გად-  
მოჰქმდეთქს ხოლმე ცრემლი; ეხლაც ერთი წყვი-  
ლი ცრემლი გადმოვარდა მაგდანას და დაჭ-  
რილს ნიგოზში ჩავარდა; პირველს წყვილს მე-  
ორე მოსდევდა, მაგრამ მოწმენდა მოასწრო.  
მაგდანას არ უნდოდა თავისი ცრემლი შაქრო-  
სათვის დაენახვებინა. ბედნიერმა დღემაც ვერ  
მოაშორა მაგდანას ცრემლი. იმას ეხლა არაფ-  
რის მომზადება არ უნდოდა, ყველაფერს უგუ-  
ლოდ ეკიდებოდა,—ყველა ეს სიხარულისათვის,  
სიამოვნებისათვის მზადდებოდა, მაგრამ იქ სია-  
მოვნებას ადგილი არა აქვს, სადაც მწუხარება  
სუფევს, სადაც, შავ ყორანსავით, მწარე ფიქრე-  
ბი დასჩავიან. როცა კაცის გულში ნამდვილი  
მწუხარებაა, მაშინ იმას ვერა ასიამოვნებს-რა...“

მაგდანასაც ბედნიერის დღისათვის მზადება

უფრო უცხოველებდა შავ ფიქრებს, უფრო ფრთხებს ასხამდა. უცრად წარმოუდგა გიგა-ლა კუბოში, თავისი თავი კიდევ — კუბოს თა-ვით, შავებში, თმა-გაწეწილი და ლოყებ დაკაწ-რული მჯდომი. ამას ვეღარ გაუძლო, დაანება ხელი დანას, საჩქაროდ პირჯვარი გადაიწერა და წამოიძახა: „ლმერთო, მაშორე! ლმერთო, შენ დამიფარე!..“

— დედი, დედი, თაფლი გადმოვა! — შეს-ძახა ამ დროს შაქრომ და ტაფას წასწვდა.

შაქროს სიტყვებმა მაგდანა გამოაფხიზლა. საჩქაროდ გადმოილო ცეცხლიდგან ტაფა და კოვზით რამდენჯერმე აუქაფა. შემდეგ წვრი-ლად დაჭრილი ნიგოზი ტაფაში ჩაყარა და ისევ ცეცხლზედ შემოდგა. მაგდანა ისევ თავის შავს ფიქრს მიეცა. შაქრო-კი მოუთმენლად უცქე-როდა აღუღებულს თაფლში არეულს ნიგოზს. მალ-მალე წაეტანებოდა ამოსალებათ, მაგრამ მაგდანა თვალს შეასწრობდა და დაუშლიდა.

— მოიცადე, შვილო, თორემ ხელებს დაი-ფუფქავ.

„შაქრო მაინც არ უჯერებდა თავისს დედას. მაგდანამ თავი ძირს ჩაჰკიდა. შაქრომ იფიქ-რა: „ახლა-კი ვეღარ დამინახავსო“, და თითი ტაფაში ჩაატაკა. საცოდავმა არ იცოდა, რა

ექნა! დამწვარი თითი მაშინვე პირისაკენ გააქანა, ეგონა, დამიტკბებაო, მაგრამ თითზე მიკ, რულმა ცხელმა თაფლმა ტუჩები და ენა დაუდალა. ეხლა-კი ვეღარ გაუძლო სიმწვავეს, შეჰყვირა და თვალებიდგან ცრემლები ლაპა-ლუპით გადმოსცვივდა.

— რა მოგივიდათ, რა ამბავია?! — კვნე-  
სით იკითხა გიგოლამ.

— რა მოგვივიდა, ამასა და ამის თავს, კარგი რამ ეს არის! წუწკი კატასავით, საკა არა მგონია, თითს წაჰყოფს, — უპასუხა მაგდანამ და თანაც თითს უწმენდდა შაქროს.

შაქრო გრძნობდა, რომ დამნაშავე თითონვე იყო, და ამისათვის ჩქარა დაჩუმდა, თუმცა თითი და ტუჩი ძალიან აწუხებდა.

— მოდი ჩემთან, შვილო! — დაუძახა გიგოლამ. — რაღას მოსჯდომიხარ და არ დაიძინებ, დილაზე ადრე უნდა ადგე... ჩვენი მეკვლე შენ იქნები.

შაქროს არ ეძინებოდა, მაგრამ რას იზამდა, ხმის ამოულებლივ წავიდა მამისაკენ და გვერდით მიუწვა. შაქრო ხანდახან ლოგინიდგან გადაპე-  
დავდა ბუხარს და ისევ მიწვებოდა. ბოლოს, მოე-  
წყინა ისე შორიდგან ხმის ამოულებლივ ცქერა,  
მოუვიდა ძილი და ცოტა ხნის შემდეგ ტკბილად ამოუშვა ხვრინვა.

მაგდანა-კი ისევ ბუხართან იჯდა თავ-ჩაკი-  
ლული და შავს ფიქრებში გართული.

არც გიგოლა იყო დამშვიდებული. თვა-  
ლებ-ჩახუჭული გულ-აღმა იწვა და ათასნაირი  
სურათი ეხატებოდა თვალწინ. გიგოლას ისე თა-  
ვისი თავი არ ენანებოდა, როგორც თავისი ცოლ-  
შვილი; თავისი თავი იმდენად აგონდებოდა,  
რამდენადაც საჭირო იყო იმათვეის. გრძნობდა,  
რა მწარე დღეში ჩავარდებოდა ეს ორი ძვირ-  
ფასი არსება იმის სიკვდილის შემდეგ. ქვეყანა-  
ზე არავინ ეგულებოდა, რომ ეპატრონებინა  
მაგდანასა და შაქროსთვის: „ყველას თავისი თა-  
ვი გასჭირებია,—ფიქრობდა გიგოლა:—და აბა  
ჩემს ქვრივსა და ობოლს ვინ მოუვლის!“ ამას-  
თან ერთად სხვა აზრმაც სწრაფად გაურბინა  
თავში: „მაგდანა ჩქარა სხვა ქმარს იშოვის და  
ისე გამოიხსნის თავს გაჭირებისაგან.“ გიგოლას  
ეს ფიქრი ტყვიასავით მოჰქვდა გულში, გაახილა  
თვალები და მძიმედ გადმოჰქედა მაგდანას. დაი-  
ნახა მაგდანა თავ-ჩაკიდებული, ჩაფიქრებული.  
იმისს მშვენიერს სახეს ცეცხლის აღზედ ლაპ-  
ლაპი გაჰქონდა. მაგდანა სიცოცხლით სდულდა  
და გადმოდიოდა. მწარე ფიქრებისაგან დაღვრე-  
მილი სახე უფრო გაჰშვენიერებოდა. გიგოლას  
თვალებში ხომ იმისი სიმშვენიერე გაათკეცდა

და ყველა ქალებში პირველი აღგილი და-  
ჭირა.

გიგოლას დაენანა დათმობა, გულს უკლა-  
ვდა ის აზრი, რომ ჩემს სიკვდილს შემდეგ სხვა  
გახდება პატრონი ამ მშვენიერებისათ. „განა,—  
გაიფიქრა გიგოლამ:—მაგდანა სხვაზე გამცუ-  
ლის?!.. ჩემს სიკვდილს შემდეგ სხვას დაუწყებს  
ხვევნას?!.. არა, მაგდანა ამას არ იზამს. მაგდანა  
ისე ვუყვარვარ, რომ სხვაზედ არ გამცულის!..“  
ფიქრობდა გიგოლა და თან მაგდანას თვალს  
ვერ აშორებდა. უნდოდა ხმა მიეცა მაგდანას.  
თვის და ფიცი ჩამოერთმია, რომ ჩემს შემდეგ  
სხვას არ მისთხოვდეო, მაგრამ ვერ ახერხებდა.  
„ვაი თუ ძალიან შევაშინო მაგდანა და მერე...  
მერე რაღა ვქნა? ეეჲ!..“ გიგოლას უნებურად  
ამოსკდა გულიდგან ოხვრა... და უეცრივ ფი-  
ქრად გაუელვა: „თუ არ გათხოვდა, მაშ რითი  
ირჩინოს თავი, რითი გამოზარდოს ობოლი...  
ვაიმე!“ წამოიძახა გიგოლამ და თვალებიდგან  
წყვილი ცრემლი გაღმოვარდა, რომელმაც  
კვალი დააჩნია იმის გამხმარსა და ჩაცვივნულს  
ლოცებს. თითქოს ამ ერთმა წყვილმა ცრემლმა  
თან გამოიტანა, რაც-კი რამ გიგოლას ნაღველი  
აწუხებდაო; ცოტა არ იყოს, დამშვიდდა, დახუ-  
ჭა თვალები და ხმის ამოუღებლივ შეევედრა

ლმერთს: „ლმერთო, მიშველე“... ეს ორი სი-  
ტყვა იყო იმისი ლოცვა...

გიგოლა დამშვიდდა, მაგრამ ამ დამშვიდე-  
ბამ დიდხანს არ გასტანა. ისევ ჩქარა აეშალა  
შავი ფიქრი, ისევ ისე დაუწყო ქენჯნა გულმა.

— ჭივ-ჭავ!..—გარედგან შემოესმა ბაიყუ-  
შის ხმა.

ცოლიცა და ქმარიც ამ ხმაზედ შეკრთნენ,  
გაფითრდნენ, ორსავე ცივმა ოფლმა დაასხა,  
ორსავე ტანში ურუანტელმა გაურბინა.

— ჭივ-ჭაუ!—დაიძახა კიდევ ბაიყუშმა.

— გათავდა!..—ისეთის ხმით წამოიძახა გი-  
გოლამ, რომ კაცს შეაერეოლებდა.

— ფუი, დაგწყევლოს წმინდა გიორგიმ!..  
— გიგოლასთან ერთად სთქვა მაგდანამ და პირ-  
ჯვარი გადაიწერა.

— აბა თუ ხმა გაიწყვიტოს იმ წყეულმა!—  
მაგდანამ აიღო ჯოხი და კარებისკენ წავიდა.

— სად მიხვალ?—გულ-ჩაწყვეტილი დაე-  
კითხა გიგოლა.

— ის წყეული მინდა გავათრთხო.

— ეხლა... ეხლა თუნდ გაათროთხე და თუნდ  
ნუ!..—სთქვა გიგოლამ და ცრემლები გადმოჰ-  
ყარა,—ქალო, აქ მოდი!..—ტირილის ხმით დაუ-  
დახა.

მაგდანა მივიღა და გვერდით მიუჯდა. ხმის  
ამოულებლივ ცრემლიანის თვალებით ერთმა-  
ნეთს შესცეკვილდნენ ცოლ-ქმარი, თითქოს ისეც  
იცოდნენ ურთი-ერთის აზრი. ორსავეს ხმის ამო-  
ლებისა ეშინოდათ, არ უნდოდათ სიჩუმე დაერ-  
ლვიათ... ბოლოს, გიგოლამ გაუწიოდა ორივე  
ხელი და წამოიძახა:

— მშვიდობით, ჩემო მაგდან!

ამ სიტყვებმა მაგდანას თავ-ზარი დასცა, და  
შმაგსავით დაეცა გიგოლას გულზე. გიგოლამ  
მოჰევია ორივე ხელი, რაც ძალი და ლონე  
ჰქონდა, მიიკრა გულზე და მაგდანას ტუჩებს  
ჩაეკონა. მაგდანამ იგრძნო ქმრის ალერსი, მო-  
ვიდა გონს და იმანაც მოჰევია ხელები...

სიცოცხლით სავსე მაგდანა და სიკვდილის  
პირას მისული გიგოლა ერთად იყვნენ შეერთე-  
ბულნი, ერთ არსებათ გადიქცნენ, ერთნაირად  
სცემდა იმათი მაჯა, ერთნაირად ფეთქავდა იმა-  
თი გული, ორნივე ერთნაირად სუნთქავდნენ,  
თითქოს მაგდანამ თავისი ნახევარი სისალე სუნ-  
თქვასთან ერთად გიგოლას გადასცა და ისე  
მოიყვანა ჯანსაო...


დიდხანს იყვნენ ესე. ამათ ეხლა აღარა  
ადარდებდათ-რა. ამათი სურვილი ის-ლა იყო,  
რომ საუკუნოდ ესე ყოფილიყვნენ. ეხლა აღარ

ესმოდათ ბაიყუშის ძახილი, თუმცა იმან ერთი-  
სამჯერ კიდევ შემოსძახა.

მაგრამ, დახეთ!.. გიგოლას ბედმა ჩქარა  
უმტყუნა!

ავადმყოფის მიმქრალმა სხეულმა ვერ აი-  
ტანა ასეთი ძლიერი მღელვარება სულისა, ამან  
შეუმოკლა სიცოცხლის წუთი, და შფოთვა და  
ბრძოლა დაიწყო. გრძნობა დაჰკარგა და, პირვე-  
ლად რომ მამალმა შეჰყივლა, სული განუტევა.

1891 წ.



# ს რ ფ ლ ე დ

(სურათები ყმაწვილების ცხოვრებისა)

## I

— დილილმე, დილილმე, ხვალ ჩურჩხევ-  
ლებსა ვჭამო, გოზინაყსაცა ვჭამო!.. — სიხარუ-  
ლით ვიძახოდი ახალწლის ღამეს და თან ლო-  
გინში ტანისამოსიანი ვგორაობდი და ყირაზე  
ვდგებოდი.

— დედი, დედილო!.. ჰა დედა!.. აბა თუ  
ხმა გამცეს, ეე!.. — ვუყვიროდი დედა-ჩემს, რო-  
ცა ის ბუხართან იჯდა და მეორე დღისთვის  
ტკბილეულობას ამზადებდა. საქმეში გართული  
იყო და ჩემი ყვირილი არ ესმოდა.

— დე... დი... ლო!.. — ბოლოს გაგრძელე-  
ბით დავუყვირე.

— რა მოგივიდა შე... უი, შე თავმკვდარო,  
წინაღამ თავი არ დამაწყევლინე ამ ბედნიერ  
ღამეს! — მშეიდათ მითხრა დედა-ჩემმა.

— ხი, ხი, ხი! — ჩავიხითხითე, როცა ეს მი-  
თხრა, და თან გავაჯავრე: — „თავმკვდაროვო“,  
და თანაციძახი: „წინაღამ თავი დამაწყევლინეო“.

— შენ ვის არ წააცდენ!

— დედილო!

— რა გინდა, რა?.. ნუ გაჰვიუდი. ხომ  
იცი, ხვალ ახალი წელიწადია. ნუ ცელქობ,  
თორემ დაგეკვებება და მთელს წელიწადს მაგე-  
თი. დამთხვეული და ყველასი თავმომაბეზრე-  
ბელი იქნები.

— მართლა, დამეკვებება?

— მართლა, მაშ გატყუება?

— აღარ ვიგიუბ, ღმერთმანი! — ავდეჭი და  
დედა-ჩემს მუხლის ძირში გამოვენასკვე.

— აი, ესე ჭიკვიანად ვიჯდები.

— ემაგრე არა სჯობია! ცოტა იქით კი  
მიიწიე, თორემ მიშლი.

— აჰა! მივიწიე იქით. რამდენ ჩურჩხელას  
მომცემ? — ცოტა ხანს შემდეგ ისევ ჩურჩხელებ-  
ზე დავუწყე ლაპარაკი.

— რამდენიც იქნება.

— ღმერთმანი, დედილო, რამდენს მომცემ?

— აჲ, აჲ! თავის სარქველი-კი ამხადე მა-  
გდენის ჩიჩინით! თუ გამაჯავრებ, არც ერთს  
არ მოგცემ! — დამიყვირა დედა-ჩემმა.

დედამ ამ დროს ამოილო ცხელი შაქრის  
პურები და ზედ ფხვნილი შაქარი წააყარა. მე  
წავატანე, მინდოდა ერთისოფელის ხელი დამეცა,

მაგრამ დედა-ჩემია თვალი შემასწრო და კოეზი  
ხელის ზურგში ჩამკრა.

— აი, შე მსუნავო კატავ, შენა! ლმერთი  
გათენებას აღარ დაგაცლის?!

— ერთის მეტს ხომ არ ავიღებდი, რა! უ, უ, უ... — ზუზუნით ავდექი და ლაგინში პირქვე წავწექი.

დავწექი, მაგრამ ჩემი სული და გული შა-  
ქრის პურებთან იყო. ერბოს შრიტინი ხომ უფრო  
მბნედავდა, მაღას უფრო მიღვიძებდა. კარგა ხანს  
ვიწექი და უფრო დიდის ხმით ვზუზუნებდი,  
რომ, ოა არის, დედა-ჩემს ყურადღება მიექცია  
ამისთვის და მოეცა შაქრის პური; მაგრამ ჩემს  
ზუზუნს აინუნშიაც არ იგდებდა. მე, ის-ის იყო,  
უნდა ავმდგარიყავ და ისევ დედასთან მივსუ-  
ლიყავ, რომ, ცქერით არის მაინც, გავმძლარი-  
ყავ. სწორედ ამ ღროს დედა-ჩემმა დამიძახა და  
მე ისევ ლოგინს გავეკარ და გავტვრინ-  
დი.

— გაიქნა, გენაცვალოს, შვილო, დედა! მრიოდე ხმელი ღერი შეშა შამამიტანე, თორებ ამ კუნძს მოკიდება არ ელირსა.

— ჰო, „შეშა შამამიტანე“! — ბუზღლუნით  
ვუთხარი.

— ნუ ხარ, შვილო, გაუგონარი, და!

— ერთი შაქრის პური არ მომცა, და „შეშა შამამიტანე“-ო!..

— შენი ბუზღუნის თავი არა მაქვს, წადი ჩქარა, შამაიტანე!

— შაქრის პური მამეცი და შემოვიტან.

— ჰო, კარგი!

— გაშ მამცემ?

— ჰო, ჰო, წადი ჩქარა, შამაიტა.

მე საჩქაროდ გავიქეცი და კარები გავაჭრიალე. მშვენიერი ნათელი ლამე იყო. სავსე მთვარე ნაზად დასკეროდა ჩვენს თეთრად შემოსილს სოფელს და უხვად უგზავნიდა მკრთალს ნათელს. იმას ფიქრადაც არ მოსდიოდა, რომ ეს ახალწლის ლამე იყო. ისევ ისე კეკლუცად მისცურავდა, როგორც წინა ლამეს. ქვეით-კი, ძირს დედამიწაზე, ყველა რაღაც მოძრაობაში და მზადებაში იყო, ყველას ერდოდგან ბოლი და ნაპერწკლები ამოდიოდა. მოისმოდა ლაპარაკი, ძალლების არა ჩვეულებრივი ყეფა და ყმუილი, ქათმების ჩხავილი, ფთხრიალი.

აგერ, ჩვენმა მეზობელმაც საქათმიდგან ჩხავილით გამოიყვანა ქათამი.

— კეკე, ცული გამაიტანე! — დაუძახა ქიტუამ. ხმაზე ვიცანი, ჩვენი მეზობელი ქიტუა იყო. ქათამი-კი ისევ ჩხაოდა.

— რა გაყვირებს, შე მუდრევო, ხომ არ  
გიპარავ! — წაუტია ქიტუამ ქათამს.

— Իս լացըմարտա, զոցո!

— მამაქვს, — მომესმა კეკეს ხმაც. კეკე ქიტუას და იყო. ჩვენს სოფელში იმისთანა ლამაზი არავინ იყო. ეხლა აღარ არის. საწყალი, ერთი წლის პატარძალი მოკვდა.

ქათამი გაჩუმდა. „დუ“... მომესმა ცულის  
ბრახუნი და შემდეგ ქათმის ფთხრიალიც.

— თავი მანდ არ დაგრჩეს! — უთხრა კეკე-  
ლას ქიტუამ.

— სანდრო! — გამომძახა შიგნილგან დედა-  
ჩემმა.

მე აღარც-კი მახსოვდა, რომ შეშისთვის  
გამოველ, დედა-ჩემმა რომ დამიძახა, მაშინ-ლა  
მომაგონდა. ავიღე რამდენიმე ნაჭერი და შევი-  
ტანე შინ. დედას რომ არ დაეძახნა, ვინ იცის,  
რამდენი ხანი ვიდგებოდი.

— ტყეში ხომ არ გაგვზავნე, აქამდის რა  
დაგემართა? .

მე ყური არ ვათხოვე და პასუხიც არ მი-  
ვეცი. საჩქაროდ დავყარე შეშები და შაქრის  
ჰური ავილე.

— ხელი-ხელთ არა მაქვს, შენვე შეუკეთევ.

— იჰ, იჰ, რა გემრიელია! — ადგილობრივ

ვფუნდრუკობდი და ტუჩების წყაპა-წყუპით ვი-  
ძახდი.

— არ გეყურება, შეშა შეუკეთე მეთქი?

— ერთიც მამეცი და შევუკეთებ.

— მე ვიცი, რასაც მოგცემ!.. ე შეშა შე-  
უკეთე, თორემ, ღვთის წყალობა ჰქონდეს სან-  
დროს, რომ მე ის გველივით ავაჭრელო! — გა-  
ჯავრებით მითხრა დედა-ჩემმა.

ვიცოდი, თუ გავაჯავრებდი, მუქარას ამის-  
რულებდა, და ამისათვის ხმის ამოულებლივ და-  
ვემორჩილე და შეშები შევუკეთე. საახალწლო  
კუნძს ჩქარა მოეკიდა და ყუათიანი გუგუნი  
მორთო.

შაქრის პურების კეთებას მორჩა დედა-ჩემი  
და ახლა გოზინაყს შეუდგა.

— დედი, ალვახაზსაც გააკეთებ?

— ჰო, შვილო.

— მაჟმევ, განა? მერე რანაირად მიყვარს!..

— მე მითხრეს, სანდროს ეჯავრებაო!

— ვინ გითხრა?

— ვინც იყო. ძალიან ეჯავრებაო.

— ღმერთმანი, დედი, ძალიან მიყვარს.

— არცა გწყენს?

— დედა არ მომიკვდება, არცა: მწყენს!

— სტყუი!



— არა ვსტუუ! არა ვსტუუ, ლმერთმანი!

— არა, შვილო, რო გაწყინოს, მერე რა-  
ლა მეშველება?

— არა მწყენს მეთქი, ადამიანო, არ გუ-  
ურება?!

— არც გოზინაყი?

— არა-მეთქი, აბა იმე!..

თაფლი რომ არ გადმოსულიყო და დედა-  
ჩემს კიდევ ეთქვა რამ, მე ტირილსაც დავიწ-  
ყებდი, ისე ამიჩუყდა გული დედი-ჩემის სიტყვებ-  
ზე. რას ამბობთ, მე სული-მწარედ მოველოდ-  
დი ალვახაზის ჭამას და ის-კი მეუბნებოდა:  
„არ გიყვარს, გაწყენსო“. რაც ყველაზე ძა-  
ლიან მიყვარდა, ის ძალათი უნდა შეეჯავრები-  
ნათ. განა ხუმრობა საქმე იყო?

ვიდრე დედა-ჩემი გოზინაყს გააკეთებდა,  
კარგა ხანმა გაიარა. როცა მორჩა, ცხელი გო-  
ზინაყი პატარა სპილენძის სინზე დაასხა და  
გასაციებლად ტახტზე. გადადგა. მე ცხელს  
გოზინაყს წამოვუწევი გვერდით; დედამ-კი ფა-  
ლუსტაკის კეთება დაიწყო. გოზინაყს დავადე  
თითი, მინდოდა გემოთი მენახა, მაგრამ თითი  
ისე დამეწვა, რომ კინალამ არ შევყვირე.

— ეჰე, ე მანდ რო წამოუწევი, ხელი არ  
ახლო, თორემ!..—დამიყვირა დედა-ჩემმა

- ხელს როგორ ვახლებ, ძალზე ცხელია.
- იქნება, კიდევაც გასინჯე!..
- გავსინჯე კი არა-და!..

დედა თავისს საქმეში გაერთო; მე-კი ისევ ისე წამოწოლილი ვიყავი და მოუთმენლად ველოდი გოზინაყის გაციებას. ოშეივარი ცხვირთან მომდიოდა, პირში ნერწყვსა მგვრიდა და სურვილს მიღვიძებდა. ვიწექ და ვფიქრობდი: დედა-ჩემმა რომ მთელი სინი მომცეს, რა კარგი იქნება... მე მაშინვე გარედ გავიტანდი და სოფელში ისე ვივლიდი; თანაც ნება-ნება ჭამას დავუწყებდი. ვუყურებდი ჩვენებურს ბიჭებს, როგორ დამედევნებოდნენ და თხოვნას დამიწყებდნენ. მეც თითო ბეწოს მივცემდი. დანარჩენს კი მე, სოსო, შაქრო, გიგლა დავსხდებოდით ჩვენს ბანზე და... აგერ, მართლა, მომცა დედა-ჩემმა და მე სიხარულით ბანისაკენ მივარბენინებ. ავედი ბანზე და წინ დავიდგი სინი. სიხარულით გარს ვუვლი, მინდა გვერდით მოვუჯდე. ამ დროს დავინახე: სოსო, შაქრო და გიგლა იცინიან, ხელში ჩურჩელები უჭირავთ და ერთმანეთს დასდევენ... მე დავა-დე პირი, მინდა დავუძახო... იმათ ამ დროს თვალი შემასწრეს და ჩემკენ გამოიქცნენ... სინს გარს შემოვუსხედით. იმათაც ჩურჩული დაიწყეს...

— ამოდენა გოზინაყი ვინ მოგცა? — მეკი-  
თხება გიგლა.

— დედა-ჩემმა... ჩვენ ბევრი გავაკეთეთ.

სოსომ ამოიღო დანა და უნდოდა დაეჭრა.

— მოიცა, ჯერ ცხელია. — ვუთხარი მე.

— მაშ ჩურჩხელები ვჭამოთ!

ჩურჩხელებს ვჭამთ და თან ვიცინით.

— აი, თქვე ეშმაკებო, თქვენა!..

ავიხედეთ მაღლა. ქიტუას და კეკე თავს  
დაგვდგომოდა. მორთული იყო და ლიმილით  
დაგვცეროდა ზემოდგან.

— ესე ტკბილად დაბერდით! — ყველას თი-  
თო კამფეტი მოგვცა და გვაკოცა.

— ეგრე შენ შენის ენითა! — მივაწოდეთ  
ჩვენც ჩურჩხელა.

— გოზინაყი მომეცით, ჩურჩხელა არ მინდა!  
სოსომ გოზინაყს დანა დაუგდო.

— ნუ სჭრი, ნუ! სინიანად მომეცით.

ჩვენ ერთმანეთს გადავხედეთ.

— არ გემეტებათ?

ჩვენ ხმას არა ვცემთ.

— მაშ თუ აგრეა, აი! — დაეწოდა და სი-  
ნი აიღო. კეკე გაიქცა.

— სად მიგაქ, ეი! უ, უ, უ!.. — დავიწყო  
ტირილი.

— სანდრო, რათა სტირი, შვილო?

— ჰა!.. — გავახილე თვალები და დედა-ჩემი დავინახე; ჩემკენ მობრუნებულიყო.

— რა გატირებს? — მკითხა კიდევ.

— გოზინაყი მომტაცა!.. — ტირილის ხმით ვუპასუხე.

— ვინ მოგტაცა? ემანდე, მანდვე არა სდგა!

— აბა? — დავხედე და, მართლა, იქ იდგა სინი. — სიზმარში მინახავს!

— აი, რა სულელი რამა ხარ, სიზმარშიაც გოზინაყი გელანდება! წადი, ლოგინში დაწექ, თორემ შეგცივა.

მეძინებოდა და ამისათვის ხმის ამოულებლივ გავიხადე და ჩაწექ ლოგინში.

## II

— სანდრო, სანდრო!.. ადექი, შვილო, ნუ გამაჯავრებ კია და!..

— დაიცადე, აბა იმე!..

— ადე, კარგი, ნუ ხარ ჯიუტი!

— ეხლავ, ეხლავ!..

— ადე, გოზინაყი ჭამე!

— აბა?! — წამოვჯექ ლოგინში.

ეხლა-ლა მომაგონდა, რომ მეკვლედ შე

უნდა ვყოფილიყავი. მეკვლეობა ჩემთვის დიდი რამ სასიამოვნო ამბავი იყო და ამისათვის მარდად ჩავიცვი.

დედა-ჩემმა სავსე ხონჩა მომცა ხელში და კარები გამიღო.

— ხომ გახსოვს, როგორ უნდა მოიქცე?

— როგორ არ მახსოვს!

იმ წელიწადს პირველად ვიყავი მეკვლედ და ამისათვის დედა-ჩემმა წინა დღით გამაზები-რებინა, რა სიტყვებიც უნდა მეთქვა, როცა შინ მოვბრუნდებოდი, და ან გარედ როგორ უნდა შემოვტრიალებულიყავ.

ხონჩა გარედ გავიტანე. ჯერ ისევ ბნელოდა.

„ნაუ!“ — გაისმა ამ დროს დიდის ზარის ბოხი ხმა და მოეფინა მთელ სოფელს. რამდენისამე ადგილიდგან ზარის ხმასთან ერთად მომესმა ძალლების ყმუილი. ჩვენმა მურიამაც სხვებს მიჰმადა და მორთო უსიამოვნო წემუტუნი.

— მურია, მურია! აჸაა, შენი თავი ამოიჭამე! — კარებიდგან გამოსძახა დედა-ჩემმა და გაჩუმდა.\*)

\*) ზოგ-ზოგს სოფელში სწამთ, რომ ვისი ძალლიც ზარის რეკვას ყმუილით აჸყვება, იმის პატრონს ზარალი მიეცა მათ.

მე ხონჩა შემოვატრიალე დერეფანში და,  
კარებში რო შევედი, წარმოვთქვი:

„შამოვდგი ფეხი, გწყალობდესთ ღმერთი,  
ფეხი ჩემი—კვალი ანგელოზისა!“—ეს სიტყვები  
სამჯერ გავიმეორე და მერე ხონჩა დედა-ჩემს  
გადავეცი ამ სიტყვებით:—„დაესწარით მრავალს  
ახალწელიწადს სიხარულით, ჯანმრთელობით და  
სიცოცხლით!“

— ეგრე შენ შენის ენითა, შვილო!—მი-  
პასუხა დედა-ჩემმა და ხონჩა გამომართვა.

შემდეგ მივედი ბუხართან და საახალწლო  
კუნძს ჩინჩევლა დავუწყე. ნაპერწკლები რომ  
ბლუჯა-ბლუჯა ადიოდა, მე ვიძახდი: „ამდენი  
ძროხა, ამდენი ცხენი, ამდენი ხარი, კამეჩი,  
ამდენი ფარა ცხვარი, ამდენი ქათამი, ამდენი  
სკა-ფუტკარი, ამდენი.... ოოო! დედი, დედი,  
დედი, აქ უცქირე, რამდენი ნაპერწკალი ადის!  
ამდენი, ამდენი... უჰ!.. უცქირე, უცქირე... ამ-  
დენი, რა?.. ამდენი ძალლი!..“

— ძალლები რაღად გინდა, სულელო!

— მაშ ამდენი საქონელი ხო დაგვიჭამეს  
მგლებმა! „ამდენი, ამდენი“...

— კარგი გეყოფა!

— უჰ, რამდენი საქონელი გვეყოლება!

— წამოდი ახლა, დაგაბერო!



დედა-ჩემმა მიმიყვანა ხონჩასთან და მითხრა:

— ესე ტკბილად დამიბერდი, შვილო, ლმერთმა შენს ბედნიერებას და თეთრად დაბურებას შემასწროს! — აიღო თითო ნაკერი გოზინაყისა, ალვახაზისა და სხვა ტკბილეულობისა და შაშვესავით პირში ჩამიდო.

— ესე ტკბილად მეც დავბერდე! — თითონაც შეჭამა რამდენიმე ნაკერი.

— სანდრო, აბა ჩურჩხელები წვრილად დაიჭერ და, ვინძლო, ჭკვიანად მოიქცე დღეს. თუ დაგაბეროს ვინმე, შენც თითო ნაკერი მიეცი. — მომცა რამდენიმე ჩურჩხელა და დანა.

მე მივჯექი ბუხართან და ნება-ნება დავუწყე ჭრა. ისე გავერთე ჩურჩხელების ჭრაში, რომ არ დამინახავს, დედა-ჩემი ამ დროს რას აკეთებდა.

— აბა, შვილო, — მითხრა დედა-ჩემმა, როცა სოფელში გასვლას ვაპირებდი, — თუ შეხეიდე სადმე, ფრთხილად იყავი, ქვეშ ნაკმაზი არავინ დაგიყაროს!\*)

პირდაპირ ძალუანთას წავედი. მილოცვის შემდეგ ძალუამ დამაბერა და მითხრა:

ფეხებს დაგამტვრევ, თუ ცუდი ფეხი გექნება!

\*) ახალწელიშადს თუ ქვეშ ნაკმაზი დაუყარეს ვისმეტათამს ვეღარ გაზრდიანო.

— ღმერთმანი, ძალო, კარგი ფეხი მაქვს!

— ი გამოჩენდება, თუ კაი ფეხი გაქვს. იცი,  
სანდრო, თუ მართლა კაი ფეხი გაქვს და ბევ-  
რი ქათამი გავზიარდე, ერთ ქოჩორა ვარიას  
ბერზვარად დაგიყენებ!

— რატომ არ დაჯდები? — მითხრა ძალუამ  
ცოტა ხნის შემდეგ, როცა მე იმის პატარა  
თამროს მასხარაობა დავუწყე.

— გინდა კი, ქვეშ ნაკმაზი დამიყარო!

— ხა, ხა, ხა! — თავისებურად გადიხარხარა  
ძალუამ. — ეგ ვიღამ გასწავლა?

— ვინ უნდა მასწავლოს!..

— გაბრო, ნაკმაზი გამოიტა, სანდროს  
ქვეშ მინდა დავუყარო. — სიცილით დაუძახა  
თავისს შვილსა და თან დასაჭრად მე წამომეტანა.

რაკი ეს გავიგე, მაშინვე კარებისაკენ მოვ-  
კურცხლე და ერთს თვალის დახამხამებაზედ  
გარედ გამოვირბინე.

— აბა დამიყარე! — გარედგან შევსძახე.

— სად გარბიხარ, გეხუმრები, შე სულე-  
ლო, განა მართლა დაგიყრი! — სიცილით მეუბ-  
ნებოდა.

— სანდრო! — ვიღაცამ დამიძახა ამ დროს.

მივიხედე იქით, საიდანაც ხმა მომესმა, და  
გიგლა დავინახე.

— გიგლა! — წამოვიძახე უეცრად და იქით  
გავექანე.

— ბიჭო, მე თქვენსა ვიყავი!

— ესე ტკბილად დამიბერდი! — მივეცი ერ-  
თი ნაჭერი ჩურჩხელა და ერთმანეთს ვაკოცეთ.

— ესეც შენ შენის ენითა! — იმანაც სა-  
მაგიერო მომტა.

— რატომ ჩვენსა არ მოხვედი? — საყვედუ-  
რით მითხრა გიგლამ.

— რატომ შენ კი არ მოხვედი? — კითხვი-  
თვე ვუპასუხე.

— აკი გეუბნები, თქვენსა ვიყავი მეთქი!  
ბიჭო, დედა-შენმა რამდენი რამე მაჭამა!..

— შინ იყო დედა-ჩემი?

— შინ იყო. წამოდი ახლა ჩვენსა! ჩვენს  
უბანში ბიჭები თამაშობენ და ჩვენც ვითამაშოთ!

— წავიდეთ.

— ჯერ შაქროსთან წავიდეთ. იმასაც და-  
ვუძახოთ!

— წავიდეთ.

მე და გიგლა შაქროსთან წავედით. იმისი  
სახლი იქვე იყო და, ამისათვის, საჩქაროდ მი-  
ვედით, შესვლა კი ვეღარ გავიძედეთ. დერეფან-  
ში ხალხი ირეოდა, ყველას სახეზედ მწუხარება  
ეხატებოდა.

ვიდექით ისე დიდხანს; ვერც არავის ვკითხეთ, თუ რა მოხდა და ჩვენც შიგ შესვლას ვერ ვახერხებდით. ბოლოს, როგორც იყო, გავბედეთ და სახლში შევედით.

შევედით თუ არა, მოგვესმა მარინეს ხმა: „გიგოლა, გიგოლა!“ — მოსთქვამდა სიტყვებს და სხვა, იქ მსხდომი, დედაკაცები ბანს აძლევდნენ. ყველა ლექსს მარინე ისე ათავებდა: „ვაი იჸ, იჸ,“ დედაკაცებიც იმასთან ერთად იმეორებდნენ. მარინე განთქმული იყო, როგორც მომტირალი. თითქმის ყველა მკვდრის დამტირებელი და გამაპატიოსნებელი, როგორც ჩვენში ამბობენ, ის იყო. ისე მიცვალებული არ იქნებოდა, რომ მარინესთვის არ დაეძახნათ. ხან-დახან სხვა სოფელშიაც მიიპატიუებდნენ ხოლმე...

— ადე, ადე, გიგოლი! — დაიძახა მარინემ, როცა ჩვენ თვალი შემოგვასწრო: — ადექი, ნუ ხარ გაუგონარი! ადე, ბედნიერი დღე ნუ გაუმწარე შენს შაქრიკასა; აგერ იმისი ტოლები მოვიდნენ და სათამაშოდ იწვევენ! ვაი იჸ, იჸ...

ეს რომ გავიგონეთ, კედელს ავეკარით და მოვიბუზენით. შეგვრცხვა და ვიგინებოდით გულში, ჩვენ რად გვახსენაო. ჩვენ იმაზედ უფრო შეგვრცხვა, რომ მარინემ, თითქოს გულთმისა-

ნიაო, ისე მართლა სთქვა, „შაქრიკოს სათამა-  
შოდ იწვევენო“.

— ეს-კი შენ ჩამოგტირის და თავს ვეღარ  
განებებს! — დაიწყო კიდევ მარინემ.

— ვაი მე დამწვარს! — წამოიძახა მაგდა-  
ნამ, რომელიც თმა-გაწეწილი და ლოუებ-და-  
სისხლიანებული ორს დედაკაცს გაკავებული  
ეჭირა, მალ-მალ თავს ხან იქით აქნევდა და ხან  
აქეთ. შაქრიკა კი იქვე დედის ზურგს უკან იდ-  
გა და ცრემლით თვალებს ითხრიდა.

— მამი! — უეცრივ წამოიძახა შაქრიკამ.

— მამა მოგიკვდა, შვილო, მამა-შენი ხმას  
აღარ გაგცემს! — დაიღრიალა მაგდანამ ისეთის  
ხმით, რომ ტანში ურუანტელმა დამიარა.

ყველამ ქვითინი დაიწყო. მეც ვეღარ და-  
ვიმაგრე ცრემლები და ნაკადულივით გაღმომ-  
სკდა; გიგლა ხომ ხმა-მალლა ღრიალებდა...

1891 წ.



# აბრეშუმის ცხვირსახოვი.

## I

ვინც ზაფხულობით ტფილისში დარჩენილა,  
 მარტო ის იგრძნობს, რა გემო აქვს აქაურ სიც-  
 ხეს. თერთმეტ უამამდე კიდევ შეიძლება კაცმა  
 თავი გარეთ გამოჰყოს და, თუ საქმე აქვს, ისა-  
 ქმოს; შემდეგ-კი ღმერთმა დაიფაროს ყველა  
 სულდგმული. ყველგან სიცხის ბუღი ტრიალებს.  
 სიცხეს კიდევ ჯანი და სული წაუვიდეს, ამაზე  
 ხმას ვინ ამოიღებდა, რომ სიცხესთან სხვა სენი  
 არა სჭირდეს ტფილის. ავის სუნით და მტვრით  
 ჰაერი ისეა მოწამლული, რომ კაცს სუნთქვას  
 უხუთავს; სუნთქვის ღროს ჰაერის მაგივრად,  
 გეგონებათ, ტყვია მხვდება გულ-ღვიძლშიო.  
 მტვერი და ტფილისი ისეა დაკავშირებული ჩემ  
 გონებაში, რომ ერთის ხსენებაზედ უეპველად  
 მეორე უნდა მომაგონდეს. თუ ტფილისი ახ-  
 სენა ვინმემ ზაფხულობით, მაშინვე მტვრის  
 ნისლი და ბუღი მომაგონდება, ის ნისლი  
 და ბუღი, რომლითაც მოცულია ტფილისის  
 არე-მარე.

აი ამისთანა მდგომარეობაში იყო ტფილისის ჰაერი, როცა ამ რამდენისამე წლის წინად პირ-ველად ვესტუმრე ქალაქს. რაღანაც სულ ერთის კვირის სტუმარი ვიყავ, დაფაციცებული დავდიოდი და ჩემს თავს მოსვენებას არ ვაძლევდი; დილიდგან მოკიდებული სალამომდის ჩემი ფეხი არ ჩაიდრიკებოდა. მინდოდა ტფილისის ყველა კუნჭული მენახა, გამეცნო და ისე წავსულიყავ.

შუადღე იქნებოდა. შეე ტფილისისკენ უხვად ისროდა ცეცხლის ისრებს. როგორც საკირეს, ცეცხლის ალი ისე ასდიოდა ქალაქს. აელაბრისკენ მივეშურებოდი. აღმართს შევუდექი. სიცხემ და მტვერმა რომ ძალა დამატანა, ერთის სახლის კედელს ავეტუზე; კედლის ჩრდილი ძლივს მფარავდა. ამ დროს ისე ვიყავ დარეტიანებული, რომ არ ვიცოდი, სად ვიყავი და სად არა. ვიდექ ისე გაშტერებული და თვალებს აქა-იქ ვაცეცებდი... არ ვიცი, ვფიქრობი რასმე მაშინ თუ არა; ხშირად მოუვახოლმე კაცს ასე: ჰელნია, ვფიქრობო, მაგრამ ანგარიში რომ მოსთხოვოს თავის-თავს და ჰკითხოს: რასა ვფიქრობო, პასუხს ვერ მოახერხებს. აი სწორედ ამისთანა მდგომარეობაში ვიყავი მაშინ.

ამ გამოურკვეველი მდგომარეობიდან გამო-  
მიყვანა უცნაურმა ხველამ. მივიხედე, საიდგა-  
ნაც ხველა მომესმა, და დავინახე თავ-თავქვე  
მომავალი ცამეტისა თუ თოთხმეტის წლის, ძონ-  
ძებში გახვეული, ფეხ-შიშველა და თავ-მოხდილი  
ქალი. ზურგზედ კარგა მოზრდილი კოკა ეკიდა.  
იმისმა მინაზებულმა სახემ, ტანჯვით სავსემ,  
ძალა-უნებურად მიმიზიდა და თვალი ველარ  
მოვაშორე. რამდენადაც დამიახლოვდა და დავუ-  
კვირდი იმის მეტყველ სახეს, იმდენად უფრო  
მიიპყრო ჩემი გონება, იმდენად უფრო გულს  
ჩამწვდა... კუპრივით შავი თვალები, გრძელი,  
ისრებივით გადაჭიმული წარბები, დაუვარცხნე-  
ლი, ცოტათი მოყვითალო თმა, რომელიც მხა-  
რზედ გადაჭენოდა და გარს ეხვეოდა იმის ლო-  
ყებს, მშვენიერებას უმატებდა ამ ქალს. ისე  
გამოიცქირებოდა ძონძებში, როგორც წვიმის  
შემდეგ ნაწყვეტ-ნაწყვეტა ლრუბლებში მთვარე  
გამოიცქირება ხოლმე... აი, დამიპირდაპირდა.  
ერთი ნაბიჯი წინ წავსდგი, მინდოდა ხმა გამე-  
ცა, მაგრამ, როცა მძიმედ ასწია თვალის ქუ-  
თუთოები და მძიმედ გადმომხედა, მაშინვე ენა  
მუცელში ჩამივარდა და ადგილიდგან ველარ  
დავიძარ. ქალმა ჩაიარა. მე ასე გაშტერებული  
ვიდექი და ვუმზერდი მიმავალს. ცოტათი რომ

დამშორდა, უკან მოიხედა და უკან-უკან ცქერით მიდიოდა. ოლბათ უნდოდა გაეგო, ასე გაშტერებული რად დამაცქერდათ. საწყალმა ჩემს ცქერაში ფეხი ქვას წამოჰკრა და პირქვე დაეცა; კოკა კი წინ გაგორდა და ლუკმა-ლუკმად იქცა.

ქალი საჩქაროდ წამოდგა და კოკის ნამტვრევებს დააცქერდა. დიდხანს იდგა ისე, მერე მე შემომხედა. რა არ იხატებოდა იმის თვალებში! საყვედურიც, ჩემდა მომართული, სირცხვილიც და შიშიც. დამნაშავედ დავსახე ჩემი თავი და საჩქაროდ მივედი ქალთან.

— ქალო, ხომ არა იტკინე რა?

პასუხის მაგივრად, შიგ თვალებში ჩამაცქერდა და ისე დამიწყო ყურება, თითქოს სურს შეიტყოს, გულწრფელი იყო ჩემი სიტყვები თუ არა. მე ვერ გავუძელ ამ ცქერას და რაღაცნაირი ტოკვა დავიწყე.

— ნეტავი თავი გამეტებნა და კოკა კი არ გატეხილიყო! — მითხრა მან ბოლოს.

— შენს პატრონს განა კოკა შენზე ძვირად უდირს?

— მგონი, თავი რომ გამეტებნა, დედა-ჩემი ხმას არ გამცემდა; ეხლა კი, ვინ იცის, ცემით ტყავი გამაძროს.

ამ სიტყვებთან ერთად კოკის ყურს დაე-

წოდა და ხელში აიღო. რამდენჯერმე გადა-  
ატრიალ-გადმოატრიალა, ამოიოხრა და შორსა  
სტყორცნა. ამ დროს შევნიშნე, რომ ხელის  
გულიდგან სისხლი სდიოდა.

— ეგ რა არის, ქალო? — ვკითხე და მივა-  
ქციე მისი ყურადღება სისხლს.

ქალს სისხლი არ შეენიშნა, დაიხედა ხე-  
ლის გულზედ და მერე ისე მომცა პასუხი.

— ხელის გული გადამგლეჯია, — დინჯათ  
მიპასუხა და კაბის კალთა გადიხვია.

ჯიბიდგან აბრეშუმის ცხვირსახოცი ამო-  
ვიღე, სხვა თან არ გამომყოლოდა, და, თუმცა  
ქალი უარზე იყო, მაგრამ მაინც შევუხვიე.

— გმადლობ! .. — გრძნობით მითხრა და  
ლრმად ჩაფიქრდა.

დიდ სიამოვნებასა ვგრძნობდი. ხმის ამოუ-  
ლებლივ შევცქეროდი და ვნატრობდი, რომ  
ჩქარა არ წასულიყო.

— გმადლობ, ყმაწვილო! — მითხრა კიდევ  
და წასვლა დააპირა.

— არ შეიძლება, მითხრა, კოკა რა ლირს?

— არ ვიცი, მაგრამ რად გინდა გაიგო  
ფასი?

— ისე! — ვუპასუხე და ფული მივაწოდე.

ქალს თვალები გაუბრწყინდა. სახეზედ სი-

ხარულმა გადუარა. იდგა ისე და შემომცეკვეროდა. სახეზედ სიამოვნების აღმური ასდიოდა. „ამ ოხერ ფულს რა შეუძლიან! ფული როდაინახა, როგორ სიხარული შეეტყო!“ — ძალაუნებურად გავიფიქრე.

— რატომ არ გამომართმევ, აპა!

— ყმაწვილო, ფული ისევ ჯიბეში ჩაიდე, მე მაგას არ გამოგართმევ, — დამიჭირა ქალმა მარცხენა ხელი და მაგრად მომხვია ორივე ხელი.

„პატარა ხარ, მაგრამ კუდიანობა-კი დიდი გაქვს, გინდა, რომ შეგეხვეწო,“ — ვიფიქრე კიდევ, რადგანაც იმისი სიხარული ფულის დანახვაზედ სულ არ შეესაბამებოდა იმის სიტყვებს.

— შენ, იქნება, გგონია, რომ ფულის დანახვა გამეხარდა?! არა, მაგას ნუ იფიქრებ! თუ გინდა გაიგო, რა გამეხარდა, აი გეტყვი. აქამდე მე ვფიქრობდი, რომ ქვეყანაზედ ისეთი კაცი არ იქნება მეთქი, რომელსაც ჩემთვის გული შესტკივნოდეს, მაგრამ ეხლა კი ვხედავ, რომ ყოფილა ისეთი კაცი; ეს კაცი შენა ხარ.

— ძალიან ადრე მოგძულებია ადამიანი. ეხლა ხომ ნახე, რომ შენი გულშემატკივარიც ყოფილა ქვეყანაზე! მაშ გამომართვი ფული, რომ დედა-შენმა არა გცემოს.

— არა, მაინც არ გამოგართმევ. ფულიც

რომ მივუტანო, დედა-ჩემი მაშინაცა მცემს, და  
აბა ტყუილად შენ რაღად დაგაკლო.

— როგორ, ფული რომ მიუტანო, მაინ-  
ცა გცემს?!

— დიალ.

— მეც რომ წამოვიდე და ვუთხრა, კო-  
კა მე გავტეხე-მეთქი და ფული მივცე, მაშინა-  
ცა გცემს?

— იქნება არა მცემოს!

— მაშ წავიდეთ!

— ოჰ, რა კეთილი გულისა ჰყოფილხარ? —  
სიხარულით წამოიძახა და უფრო მაგრად მოხ-  
ვია ხელები ჩემს ხელს.

— მაინც არა მჯერა, რომ კაცები მაგეთი  
კეთილი გულისანი იყვნენ; მე მგონია, შენც  
იმიტომ გაქვს კეთილი გული, რომ ჯერ ახალ-  
გაზდა ხარ. მარტო ახალგაზდებს უნდა ჰქონ-  
დეთ კეთილი გული, თუმცა ჯერ შენ მეტი  
არავინ მინახავს მაგეთი გულისა. განა, ჯერ ოცი  
წლისა არ იქნები?

— მე?! ჰო! — და დავიწყე ჭოჭმანი. მარ-  
თლაც მაშინ თვრამეტი წლისა თუ ვიყავი.

— აკი გეუბნები, მარტო ახალგაზდებს შეუ-  
ძლიანთ შეიბრალონ კაცი! რამდენიც ხანში შედის  
ადამიანი, იმდენი თან-და-თან გული უქვავდება.



იმისმა ლაპარაკმა გამაკვირვა. ისე გონიერულად სჯიდა, ისე დარბაისლურად და წყობისად, რომ კაცი ვერ წარმოიდგენდა, თუ ეს ცამეტის წლისა არისო. იმისი გონებრივი განვითარება სრულებით არ შეესაბამებოდა მის წლოვანობას... ბევრ ჩვენს, ვითომ მოზრდილ, ქალებს, შეჰშურდებოდათ იმისი კუუა-დამჯდარი ლაპარაკი... მაგრამ რას ვამბობ?!.. განა ვითომ ზრდილთ შეჰშურდებათ ვისიმე გონებრივი განვითარება?! რომ შეჰშურდეთ, ხომ კიდევაც ეცდებიან განვითარებას. იმათი სასურველი საგანი მარტო ჩატარა-დახურვაა, ტუალეტია და აკი კიდევაც ცდილობენ იმის შეძენას.

ლაპარაკით ავიარეთ აღმართი. ჩვენი ბაასი დედ-მამის და შვილების ერთმანეთში მოთავსებას შეეხებოდა.

— რა ვქნა, მე კიდევ ვერ გამიგია! აი, რამდენი რამა სთქვი დედ-მამის შესახებ, რამდენიმე მაგალითიც დამისახელე, რომ მშობლები დიდის ალერსით და სიყვარულით ეკიდებიან თავიანთ შვილებსაო, მაშ ეს დედა-შენი რაღა გამოვიდა, რამ გაუქვავა გული, რომ ეგრე, როგორც შენ ამბობ, ცეცხლის ალში ჰყევხარ? — ვკითხე ბოლოს.

— დედა-ჩემს რამ გაუქვავა გული?! ვმ!...—

ქალმა მწარედ გაიღიმა და ისე ამოიოხრა, რომ, გეგონებოდათ, გული თან ამოატანაო.—დედა-ჩემზედ ნულარას მკითხავ. დედა-ჩემს დედას ვერ დავუძხებ. ის ჩემი დედა არ... არა, ვერ ვიტყვი!.. იქნება, შენც შეგაშინოს ამ საიდუმლომ და ეხლავე თავი დამანებო.

— რა საიდუმლომ?— დავეკითხე განცვიფრებული.

— გთხოვ, ნულარას მკითხავ! შენ ხომ კეთილი გული გაქვს და ამ თხოვნის ასრულებას არ დაიზარებ, თორემ ამაზედ ლაპარაკი გულს მიკლავს... ეჭ!..— კიდევ ამოიოხრა და, სანამ სახლის კარებამდის არ მივედით, ხმა არ გაუცია. მეც გაჩუმებული გვერდით მივსდევდი და მთელი ჩემი არსება ამ ქალის შესახებმა ფიქრებმა აავსო.

— აი, ჩვენი ეზოს კარები, აქეთ მოდი! — მითხრა და შევიდა ერთ მინგრეულ ალაყაფის კარებში. მე მივყევი უკან. ეზო ძალიან უსუფთაო იყო: შუა ეზოში ერთი ვეებერთელა წუმპე იდგა, რომელსაც საშინელი ავი სუნი ასდიოდა. ეზოს სამი შხარე დაჭერილი იყო დაბალ მინგრეულ-მონგრეული უყავრო ოთახებით. ერთ ოთახთაგანში შევედით და შესვლისათანავე თვალებში გამეჩირა უზარ-მაზარი, ტლანჯი, ლა-

შებ-გადმობრუნებული, შავი, როგორც ნახშირი, ტახტზე გაგორებული დედაკაცი.

— აი, დედა-ჩემი! — მიიშვირა ქალმა ხელი ამ ჯადოსან დედაკაცისაკენ.

„ნუ თუ ეს ჯოჯო ამ მშვენიერების წყაროა!.. დახე, ბუნების სიცელქე-კუდიანობას! ამ უმსგავსისთვის რა მშვენიერი უშობინებია?“ გავიფიქრე ჩემდა უნებურად.

მაჯლაჯუნა, — სწორედ მაჯლაჯუნასა ჰგავდა, — წამოხტა, გადაატრიალა ჩასისხლიანებული თვალები და ერთი ისეთი წამოირუხხრუხა, რომ გული გამინეთქა.

— გოგო, აგრემც ბრაგვა გაგცვივა, კოკა რა უყავი? იქნება გასტეხე!..

ქალი კარებს აეტუზა; მეც ენა მუცელში ჩამივარდა; მაჯლაჯუნამ-კი ხელი ჯოხს წამოაელო და უნდოდა გოგოსთვის ესროლა, მაგრამ მე მოვიკრიბე უკანასკნელი ძალა და დავუჭირე ხელი, თუმცა მეშინოდა, რომ გოგოს მაგივრად ჩემთვის არ ედრუზნა.

— ეს ვიღა მოთრეულა და ხელს მიჭერს! გამიშვი, თორემ შენ მოგხვდება!

— მე... მე... — სიტყვის თქმა ველარ მოვახერხე.

— შენ-და ღვთის რისხვა, გაიგე თუ არა?

ამ სიტყვებმა გამომაფხიზლა, დამიკარგა შიში და გული ამიმღვრია. ვგრძნობდი, რომ სისხლი თავში ამივარდა, თვალებში მომერია.

— რას რუხრუხებ, შე ქოფაკო, შენა?!— შევუტიე და ერთი ისეთი დავწიე იმის მკლავს, რომ მაჯლაჯუნამ ტახტზედ ბრახვანი მოილო.

— რა გინდა, შვილო, ჩემგან, რა დაგიშვევე?—დაბალის და მოლბილებულის ხმით მითხრა.

— ღმერთმა დამიფაროს შენი შვილობისასაგან! არა, რო ღრიალებ, ვითომ ვინ უნდა შეაშინო! ჯერ გაიგე, რისთვის მოვსულვარ და ისე ირუხრუხე.

— რისთვის მოსულხარ, რატომ არ მეტყვი?!—უფრო დაიდაბლა ხმა. .

— რისთვის მოვსულვარ?.. აი რისთვის: ამ ქალს ხელი არ ახლო, თორემა... ეხლავე...

— კრინტი გამიწყდეს, თუ ხმა გავცე!

ჩემმა ბრძანების კილომ ძალიან შეაშინა ეს რუხი და ჯოჯოხეთის მაშხალა დედაკაცი.

— კოკაც რომ გაეტეხნოს?—ვკითხე მე.

კოკის ხსენებამ ბრაზები მოურია. უნდოდა დაეჭვექნა, მაგრამ თავი შეიმაგრა და სიბრალულის ხმით დაიწყო:

— აბა, შენ თითონ მითხარი, ნურაფერს

ვეტყვი? ვინ იცის, ეს რამდენი რამ გაუტეხნია.  
 ხომ ხედავს შენი კაი თვალები, როგორა ვცხო-  
 ვრობთ, საიდან ან რითი ვიყიდი?

— ცემის შემდეგ კოკა გაგიმთელდება?..

— არ გამიმთელდება, მაგრამ...

— მაგრამ თავი დაანებე და ეს მითხარი:  
 ხომ არაფერს ეტყვი?

— აკი გითხარ, ხმას არ გავცემ მეთქი,—  
 ჩმუჩინით მითხრა. ალბალ, უნდოდა ჩქარა თა-  
 ვიდგან მოვეშორებინე და მერე ამოეყარა  
 ჯავრი.

— ის კოკა მე გავტეხე და აი ამის ფასიც.—  
 ამოვიღე ერთი მანეთი და მივეცი. მაჯლაჯუ-  
 ნამ ფული სიხარულით გამომართვა.

— ეხლა ხომ აინაზლაურე კოკა? მაშ სი-  
 ტყვა მომეცი, რომ შენს ქალს აღარას ეტყვი.

— წმინდა მარინე იყოს თავდები...

— ამას-კი ხელს ნუ ახლებ და თავდები  
 ვინც გინდა დააყენე, თორემ, თუ გავიგე...  
 ეხლა-კი მშვიდობით.

ამ სიტყვასთან ერთათ გამოველ გარედ.  
 ეზოს კარებში ქალის ხმა შემომესმა, — უკან  
 გამომყოლოდა.

— ყმაწვილო, რატომ მე კი არ გამომემ-  
 შვიდობე?

მე შევდექი, ცოტა არ იყოს, იმისმა სიტ-  
ყვებმა გამაწითლა.

— დედა-შენმა ისე გამაბრაზა, რომ სულ  
დამავიწყდა.

— არა უშავს-რა! ეხლა გამომემშვიდო-  
ბე.—გამომიწოდა ხელი, რომელიც მე გრძნობით  
ჩამოვართვი: ქალი ხელზედ საკოცნელად დამე-  
წოდა, მაგრამ ნება არ მივეცი.

— ნუ, ნუ, ამაზედ უარს ნუ მეტყვი! მაშ  
მაღლობა რითი გადაგიხადო?!

— აი რითი!—მე მოვხვიე ხელი და მარ-  
წყვის-ფერ ტუჩებში ვაკოცე.

— მშვიდობით!

— მშვიდობით, მშვიდობით, კეთილო ყმა-  
წვილო!—მითხრა და კიდევ მომეხვია.

ჩავეკონევით ერთმანეთს და ისე ვიყავით  
რამდენსამე ხანს. ამ სურათის მოწმად მარტო  
მპნგრეულ-მონგრეული ალაყაფის კარები იყო.

— შენი სახელი მაინც მითხარ?—მთხოვა  
ქალმა.

— ჩემი სახელი თედოა. შენი?

— ჩემი—თამარ.

— თამარ, მშვიდობით!

— მშვიდობით, თედო, გთხოვ, არ დამი-  
ვიწყო!

— ჩემო თამარ, უეჭველად გნახავ, თუ როდისმე ჩამოვალ ტფილისს. ეხლა კი სოფელში მივდივარ.

ამ სიტყვებით დავშორდით ერთმანეთს.

რაღაც გამოუთქმელ სიამოვნებასა ვგრძნობდი. თავ-დაღმართი ისე ჩამოვიარე, რომ არა დამინახავს-რა, არც გამიგია, როგორ ჩამოველ მარტო თამარი მეხატებოდა თვალწინ, მარტო ისა ტრიალებდა ჩემს თვალში...

## II

გავიდა ხუთი წელიწადი. ამ ხუთი წლის განმავლობაში ბევრი რამ შეიცვალა, ბევრმა კოკა წყალმა ჩაიარა, მაგრამ ტფილისი-კი ისევ ისეთი იყო. ვერატერი ცვლილება ვერ შევატყე-რა... ისევ ის სუნი, ისევ ის ოლრო ჩოლრო.

დიალ, ტფილისი ისევ ისეთი დამხვდა, როცა ხუთი წლის შემდეგ მეორედ ვესტუმრე. თუმცა ძალიან სურვილი მქონდა ტფილისის ნახვისა, უფრო კი თამარისა, მაგრამ გარემოებამ ნება არ მომცა ადრე ჩამოვსულიყვავ... არ ვიცი, რად და რისთვის მაგონდებოდა ყოველს წამს თამარი. იმისი სახე ამ ხუთი წლის განმავლობაში სულ თვალ-წინ მედგა. ისეთ

დღეს ვერ გამოვარჩევ, რა დღესაც ის არ მომ-  
გონებოდეს.

ჩამოვედი თუ არა, მაშინვე თამროსკენ  
გავეშურე. საჩქაროდ მივირბინე ნაცნობ ალმარ-  
თამდის. აქ უეცრივ თავში გამიელვა იჭვმა და,  
ცოტა არ იყოს, შემაფერხა. ნელის ნაბიჯით  
შევუდექი ალმართს. პირველს იჭვს მოჰყვა მე-  
ორე და ისე მოება ერთი-მეორესა. ამ დრომდე  
ერთხელაც არ დამბადებია ამ გვარი იჭვები,  
ახლა-კი თითქმის სულ იჭვებათ გარდავიქეცი.  
„სად მისდიხარ ან რისთვის?“ ჩამომძახოდა რა-  
ლაც იდუმალი ხმა: „თამარ მაშინ ბავშვი იყო  
და იმისთვის ასიამოვნა შენმა საქციელმა; მა-  
შინ დედისაგან დატანჯული იყო და შენმა  
გულკეთილობამ განაცვიფრა და დაგიწყო ალე-  
რსი; ეხლა რომ გნახოს, სირცხვილი დას-  
წვავს. შენს საქციელს მოწყალებად ჩასთვლის  
და დიდათ დაიტანჯება!“ — „მართლა და, — და-  
ვუმატე ახლა ჩემ თავად; — უნდა მივიდე და მოვა-  
გონო, რა მოწყალებაც გავუწიე!.. უნდა ვუთხ-  
რა: გახსოვს ამა და ამ დროს, დედა-შენს ერ-  
თი მანეთი მივეცი, რომ შენთვის არ ეცემა-  
მეთქი. ან ეხსომება-კი? იქნება, გათხოვდა კი-  
დეც და ეხლა ქმარიც გვერდით ჰყავდეს. რომ და-  
მინახავს, ხომ... ან ის რომ მოაგონდეს... რა ის?

ჰო, კოცნა... მაშინ... არა, ისა სჯობია, არა  
 ვნახო.“

ამ ფიქრებში გართულმა ისე ავიარე აღმარ-  
 თი, რომ ვერ გავიგე. აღმართის თავს შევდეჭი  
 და უკან დაბრუნებას ვაპირებდი.

„არ გცხვენიან,—ახლა მეორე ხმამ ჩამდახა,  
 —ტყილისში ჩამოხვედი და თამრო კი არ გინ-  
 და ჰნახო, ის თამრო, რომელმაც სიყვარულით  
 მიგიღო, რომელიც ყოველ დღე გაგონდებოდა!  
 მოიგონე შენი პირობა: „თუ როდისმე ჩამოვე-  
 დი, უეჭველად გნახავ.“ იქნება რა გაჭირვე-  
 ბაშია და შენგან ელის შველას...“

„ჰე!..“ ამოვიოხრე და გავსწიე თამროსა-  
 კენ.

ოთახის კარი ლია იყო. შევედი შიგ და-  
 დავინახე ფანჯარასთან ახლო მჯდარი, ჩაფიქ-  
 რებული ქალი, რომელსაც ზურგი მთლიად და-  
 ფენილი ჰქონდა გრძელის გაშლილის თმით.  
 ზურგი კარებისკენ ჰქონდა შემოქცეული, ამი-  
 ტომ ჩემი შესვლა ვერ გაიგო. მე შევდეჭი და  
 გამოსვლას ვაპირებდი, ვიფიქრე, იქნება სხვა  
 სახლში შევედი მეთქი, მაგრამ ბოლოს ვარჩიე  
 გამოვლაპარაკებოდი.

— თუ უკაცრავად არ ვიყო...

— ვინა ხართ? — აღარ დამათავებინა სათ-

ქმედი ქალმა, მობრუნდა ჩემკენ და შემომაც-  
ქერდა...

— თედო!.. თამარ!.. — თითქმის ერთად  
წამოვიძახეთ ორთავემ. თამარი მაშინვე წამოხ-  
ტა და მომეხვია. მგონია, კარგა ხანი ვიყავით  
ესე ერთმანეთს მოხვეულები და ხმის ამოუღებ-  
ლივ ვსტკბებოდით.

— თედო, თედო! — დაიწყო თამრომ, რო-  
ცა ცოტათი დავმშვიდდით: — სული ამომხდა შენს  
ლოდინში! ეს ხუთი წელიწადი ჩემთვის ხუთ  
საუკუნეთ გარდაიქცა. სადა ხარ აქნობამდის?  
ნუ თუ ამ ხუთი წლის განმავლობაში ერთხელ  
მაინც არ ჩამოხველ ტფილისს?!

— რო ჩამოვსულიყავ, არა გნახავდი? თუმ-  
ცა ისიც-კი უნდა გითხრა, რომ ეხლაც მიძნელ-  
დებოდა შენი ნახვა...

— რად გიძნელდებოდა, რა იყო მიზე-  
ზი?! — გაოცებით დამეკითხა და თან გაფით-  
რდა: — ხომ არა გაგიგონია-რა?

— რა უნდა გამეგონოს, მაგრამ ისე: მე  
მეგონა, გეწყინებოდა ჩემი ნახვა.

— თედო! თედო! რა აზრი მოგდის, ეგ  
რა საფიქრებელი იყო! — საყვედურის კილოთი  
მითხრა თამრომ. — შენი ნახვაც რომ მეწყინოს,  
მაშ ვიღას ნახვა გამეხარდეს! განა აგრე მიცნობ?

იქნება შენ ტყუილი გეგონოს, ეგ შენი ნებაა,  
მაგრამ მე კი უნდა ვითხო, რომ ჩემ გულში,  
ცამეტის წლიდგან, როცა პირველად გნახე, მარ-  
ტო შენ იყავ ჩემი სალოცავი...

— მჯერა, მჯერა, ჩემო თამრო,—გავაწ-  
ყვეტინე ლაპარაკი,—და ვხედავ კიდეც, რომ  
აგრეა. განა შენი სახე და საქციელი ნათლად  
არ მიმტკიცებს, რომ ეგ სიტყვა მართალია?  
რომელი თავ-ხედი ქალი გადაეხვევა კაცს, თუ  
განუსაზღვრელად არ უყვარს?

— მართალია, გჯერა, მაგრამ მე იმისთვის  
უფრო...

— თამრო! — გავაწყვეტინე კიდევ ლაპარა-  
კი,—დავანებოთ თავი მაგას. ორივე ცხადათ  
ვხედავთ და ვგრძნობთ, რომ გვიყვარს ერთმა-  
ნეთი, რომ უერთმანეთოდ ვერ გავძლებთ და  
რომ ძნელია ჩვენი დაშორება, განცალკევება.  
მაშ რაღა გვიშლის? დავიწეროთ ჯვარი და ისე  
ვიცხოვროთ.

თამარ გაჩუმდა და მისდიოდა და მოსდიოდა  
ფერი.

— თამარ, რატომ არას იტყვი, ხომ თანახმა  
ხარ? — დავუჭირე ორივე ხელი და ისე შევცერო-  
დი თვალებში. იმან მაინც ხმა არ გამცა. სულ  
ჰკანკალებდა და ცივ ოფლს ასხამდა ხელ-პირზედ.

— რა გემართება, რათა ჰყანკალებ? მითხარ, მითხარ, ნუ გაჩუმებულხარ!

თამარ მივიზიდე ჩემკენ და მაგრად ჩავიკარ გულში.

— ვაი მე უბედურს! რატომ ამ ორის წლის წინად არ მითხარი ეგა, რომ ბედნიერები ვყოფილიყავით... ეხლა გვიანდაა.

— როგორ? — ტყვიასავით მეცა გულში იმისი პასუხი. — განა თანახმა არა ხარ?

— არა!

— იქნება, დედამ ნება არ მოგცეს? სად არის დედა-შენი? — მაშინ-ლა მომაგონდა იმისი დედა.

— არც ეგ არის. დედა-ჩემს არ დავეკითხებოდი ჩემის ბედნიერების შესახებ.

— მონაზნობის ალთქმა ხომ არ დასდე? სწორედ ასე იქნება, რადგანაც...

— არა! არც ეგ არის. ვერას გეტყვი „არას“ მეტსა, რაც უნდა მკითხო.

— „არას“ მეტს ვერას მეტყვი?! . მაშ სმენად გადავიქცევი და ხმას არ ამოვილებ, მაგრამ ერთ რასმე კიდევ გკითხავ და იმაზე-კი „არას“ ვერ მეტყვი. მითხარ, რა არის მიზეზი, რომ „არას“ მეუბნები?

თამარ გაფითრებული იდგა და ძლივს-და



ჰსუნთქავდა. იმისი სახე ხან შეიკმუხხნებოდა და ხან გაიშლებოდა. მეც ვიდექ გაჩუმებული და ათასნაირი ფიქრი მეხატებოდა თავში და მიკიდებდა ცეცხლს. ბოლოს თამარმა შემომხედა და გაშტერებით დამიწყო ცქერა. თვალები ცრემლით ჰქონდა სავსე. თუმცა ცდილობდა შეეკავებინა ცრემლი, მაგრამ ვეღარ მოახერხა, ამოდულდა ქოთანივით და ლაპა-ლუპით გადმო-ჰყარა ცრემლები. ურუანტელმა დამიარა ტანში და მეც გული ამიჩუყდა.

— თამარ, რატომ არ მეტყვი, რა გტან-ჯავს? რა არის შენის ცრემლების მიზეზი? მითხარ, ნუღარ მტანჯავ?! — ვეხვეწებოდი გულ-ამომჯდარი.

— თედო! — წამოიძახა ბოლოს ცრემლის ყლაპით თამრომ და ყელზედ ჩამომეკიდა. — თედო, გეხვეწები, ნურას მათქმევინებ და ამაზედ მეტათ ნუღარ დამტანჯავ! შემიბრალე, გვედრები! .. — მეუბნებოდა ტირილით თამრო და აპნევდა თან მდუღარებას.

— ლამის არის, გავგიშდე, ვეღარა გამიგია-რა! .. — ვწუწუნებდი მეცა და, ჩემდა უნებურად, მცვიოდა ცრემლები.

— შენ გენაცვალე, შემიბრალე! შენს მეტი ქვეყანაზედ გულშემატკივარი არავინა მყავს. ამ

უკანასკნელ ორ წელიწადს ის იყო ჩემი სანატრელი, რომ შენ მენახე და სიყვარულით გამოგოხვებოდი. ამ ნატვრამ გადამარჩინა დღემდე ცოცხალი, თორემ ეხლა ჩემ ძვლებსაც ვერა ნახავდი. აი, ეხლა ამისრულდა ნატვრა, ბელნიერი ვარ და ამ უკანასკნელ წამის სიამოვნებას ნულარ მომიწამლავ. დე, მქონდეს ამ უკანასკნელ დროს სანუგეშოთ, რომ ქვეყანაზედ მოიპოვება ისეთი კაცი, რომელსაც ვუყვარვარ და ვებრალები. თუ ჩემი სიყვარულის ნაპერწყალი, ოდნავაც არის, კიდევ გილვივის გულში, ნურას მათქმევინებ, თორემ შენც შეგძულდები, შენც ხელსა მკრავ, და მაშინ ხომ მე... მე... ოჰ, თედო, ნუ წამართმევ ამ უკანასკნელ ნუგეშს!

ის უფრო მომეკრა.

თამრომ უფრო მოუმატა ქვითინს და ცრემლების ფრქვევას.

— თამარ! მაკვირვებს შენი ქცევა და თანაც მაშინებს. ვგრძნობ, რომ რაღაც შესაზარი რამ უნდა მოვისმინო.

— კიდეც ამიტომ გეხვეწები, ნულარას მკითხავ-მეთქი, ჩემო კარგო!

უცნაურმა ცნობის-მოყვარეობამ ამიტაცა და იმისმა მდუღარე ცრემლებმა ვერ შეჰქვეცა

ფრთა ამ ჩემს გახელებულ სურვილს თამარის საიდუმლოს გაგებისას. მე მაინც ჩავაცივდი და რაკი შევატყე, რომ არაფრის თქმა არ უნდოდა, ვკარი ხელი და წამოსვლა დავაპირე.

— თედო! — შევლრიალა შესაზარის ხმით:  
— შემიბრალე, ნუ მიხვალ, გეტყვი ყველაფერს!  
თამარმა გიჟივით მომხვია ხელები და შემაყენა.

— ოჯ, რატომ მიწა არ გასქდება და შიგ არ ჩამიტანს მე საცოდავს! რატომ მეხი არ დამეცემა და სიცოცხლეს არ მომისპობს, რომ აღარ შემეძლოს იმის თქმა, რის გაგებაც შენა გსურს!

— თამარ, დამშეიდდი და ისე მიამბე, რა მოხდა, რა იყო ისეთი!

— მაშ ყური დამიგდე: მე დედ-მამა არა მყავს...

— როგორ, განა დედაც მოგიკვდა და ეხლა მარტო ხარ?..

— არა, მე ისევ იმასთანა ვარ, ვისთანაც ვიყავი, მაგრამ ის ჩემი მშობელი დედა არ არის.

— სჩანს, მაშ მაგიტომ გექცეოდა ისე ცუდათ!.. მაშ ვინ იყვნენ შენი მშობლები, ვინ ჩაგაგდო მაგ ტარტაროზის ხელში და ვინ გახდა შენი მოვალე?

— ვინ იყვნენ ჩემი მშობლები? ეგ არც  
მე ვიცი. არ ვიცი, რა გვარისა ვარ, რა სჯუ-  
ლისა: ქართველი, რუსი, თუ ვინ. უფრო ქარ-  
თველი უნდა ვიყო, რადგანაც თამარი დაურ-  
ქმევიათ სახელად. მე... მე... ნაბუშარი ვარ!..

— ნაბუშარი?!

— ნაბუშარი. იქნება მე პირველად დავე-  
ბადე ჩემს მშობლებს, დავებადე პირველსავე სი-  
ყვარულის ნაყოფად! ვინ იცის, რა სიტკბოე-  
ბითა და სიხარულით ეხვეოდნენ ერთმანეთს  
ისინი პირველში, მაგრამ ბოლოს გაუმწარდე-  
ბოდათ ის სიხარული, როცა მე დამინახავდნენ.  
ღმერთო, ნეტა რად არის ესე მწარე ნაყოფი  
სიყვარულისა, რომ გავჩნდი თუ არა, როგორც  
უხმარი ნივთი, ისე მომიშორეს თავიდან? ზედაც,  
თურმე, ასეთი ქალალდის ნახევი დამაგდეს: „მოუ-  
ნათლავია. სახელად თამარი დაარქვითო.“ ჩემის  
ვინაობისა მეტი არა ვიცი-რა.

— ნაბუშარი!.. ნაბუშარი!.. თამარი ნაბუ-  
შარია!.. — ნაწყვეტ-ნაწყვეტათ ვისროდი მე ამ  
სიტყვებს.

— თამარ, არა მჯერა, რომ შენ ნაბუ-  
შარი იყო! რომელი ნადირი გადაგაგდებდა,  
რომელი?..

— შეგაშინა ამ სახელმა?! ეხლა ხომ ხე-

დავ, რადაც ვუარობდი ჩემის თავ-გარდასავალის  
თქმას?

— შემაშინა?! ჰა!.. ჩემო თამარ, მე ვე  
ვერ შემაშინებს. კიდევაც გიმეორებ: წამოდი,  
წავიდეთ და ჯვარი დავიწეროთ.

— ნუ ჩქარობ, ჩემო ნუგეშო, ჯერ არ  
გამითავებია ჩემი ამბავი.

— მიამბე, მიამბე.

— ხომ კარგათ იცი ნაბუშრების გარემო-  
ება? მაწოვარ დედაკაცებს ურიგებენ და გამო-  
საკვებ ფულს თვიურად აძლევენ, ვიდრე შვიდის  
წლისა არ გახდება. მე ბედმა ეგ მარგუნა, რო-  
მელსაც შენ ტარტაროზი უწოდე. შვიდის წლი-  
სა რომ გავხდი, მოვიდნენ ჩემს წასაყვანათ. მა-  
გრამ მაგან აღარ დამანება და შვილად ამიყვანა.  
მაშინ გავიგე ჩემი ვინაობა და მას აქეთ სიცო-  
ცხლე მოვიძაგე და ქვეყანა შემძაგლა. ოჰ, რა-  
ტომ არამ გამსრისა, რატომ სული არ ამომხდა,  
როცა ჩვრებში გახვეული გარედ ვეგდე?! რის-  
თვის მიპოვეს ცოცხალი და ან რისთვის გამოწ-  
ზარდეს!..

თამარი გაჩუმდა. ჩაჰკიდა თავი და რამდე-  
ნსამე ხანს ისე იყო. მეც ვიჯექ გაჩუმებული  
და თვალს ვადევნებდი მისი სახის ცვლილებას.


## III

— რაც თავი შემისწავლია, — დაიწყო ისევ თამარმა, — ერთი დღე კარგი არ მახსოვს, თუ იმ დღეს გამოვაკლებთ, რა დღესაც პირველად შენ გნახე და გამომემშვიდობე. ოჰ, თედო, არ ვიცი, როგორ გამოვსთქვა ის სიამოვნება, რომელიც მე ვიგრძენი მაშინ, როცა ხელზედ მინდოდა მეკოცნა და მის მაგიერ შენ პირზე მაკოცე! მაშინ მთელი ქვეყანა ჩემი შეგონა. ვიგრძენ, რომ მეც ადამიანი ვიყავ, აღარავის ვეჯავრებოდი, ყველა შემირიგდა, ყველამ დაივიწყა ჩემი ვინაობა. იმ კოცნას ეხლაცა ვგრძნობ, მაგრამ ჩემი სიხარული ნააღრევი იყო. ამ დღესვე მაგრძნობინეს მეზობლებმა, ვინც ვიყავ და რაც ვიყავ. ისევ მალე ამიგდეს მასხარად, ისევ მალე დამჩაგრეს და კვლავ შემაძულეს ადამიანი. კაცის დანახვა კვლავ გულს მიკლავდა; იმის სიხარული და სიამოვნება ჩემთვის ვაება იყო. ტარტაროზი ჯერ-კი კარგათ მექუეოდა, ექვსი თვის განმავლობაში ხმას არა მცემდა. როცა-კი ცემას დამიპირებდა, მაშინვე შენ გახსენებდი და ისიც მიყუჩდებოდა ხოლმე, მოიბუზებოდა და ტკბილად დამიწყებდა ლაპარაკს. იმ ექვს თვეს შენი შიში ვერ მოიშორა იმან თავიდგან. ერ-

თხელ გველივით შემომიჩნდა და მათქმევინა, რომ შენ სოფელში წახვედი. ისიც-ჭი ვუთხარ, რომ იმის სოფლის სახელი არ ვიცი-მეთქი. ამის თქმა და ჩემი მიბეგვა ერთი იყო. მომდევ მაშინვე და რაც ექვს თვეს დამაკლო, სულ ერთად შემისრულდა. გიძახდი, გნატრობდი, მაგრამ შენ არსად სჩანდი, მეზობლებს ვეხვეწებოდი, მაგრამ იმათ სეირი უხაროდათ. ამ ცემის შემდეგ დაიწყო კვლავ ჩემი გამუდმებული ტანჯვა. სამ წელიწადს გასტანა ასეთმა ცხოვრებამ. სამის წლის შემდეგ შევსრულდი თექვსმეტის წლისა და მას უკან ხომ სულ უკულმართად დატრიალდა ჩემი ბედი.

— საწყალო თამარ, — ვუთხარი მე შებრალებით, რანაირად გიტანჯნია, რამდენი ვაება გამოგივლია! მე კი ერთხელაც არ ვიკითხე შენი ამბავი.

— ყოველ დღე მოგელოდი. ბევრჯელ თავის მოკვლა დავაპირე, მაგრამ მაშინვე შენი სახე წარმომიდგებოდა თვალ-წინ და თავს შევიმაგრებდი ხოლმე, ამოვილებდი შენს მოცემულს ცხვირსახოცს და იმაზედ ვიკლავდი შენ სიყვარულის ჟინს. ის ცხვირსახოცი გვერდიდგან არ მომიშორებია; დღეცა და ლამეც თანა მაქვს.



ამ სიტყვებთან ერთად ამოილო უბიღვან  
ცხვირსახოცი და მაჩვენა:

— აი, ხომ ეს არის?

— თამარ, თამარ!.. — გიჟივით მოვხვიე ხე-  
ლები და ჩავიკარ გულში. — თამარ, ლირსი არა  
ვარ შენის სიყვარულისა, მაპატივე!

— მაგას ნულარ მეტყვი, — საყვედურით მი-  
თხრა თამარმა: — მე ვიცი, ვინ ვისი სიყვარულის  
ლირსი არ არის და შენც ჩქარა დაგიმტკიცებ  
ამას.

ქალი ადგა და ჭიქაში რაღაც ფხვნილი  
გახსნა, რომელიც შემდეგ გვერდით მოიდგა.

— ეგ რა არის, თამარ? — ვკითხე, როცა  
ისევ გვერდით მომიჯდა.

— გულის დასამშვიდებელი წამალია.

— მერე რად გინდა?

— იქნება ძალიან ავლელდე და ეს დამიმ-  
შვიდებს გულს.

— ისე რამ უნდა აგალელვოს, რომ წამა-  
ლი დაგჭირდეს?

— ეხლავ მოისმენ, ჩემო თედო... რაზე  
დავდექი?!.. ჰო, თექვსმეტის წლისა რომ შევ-  
სრულდი, სულ სხვანაირად შეიცვალა ჩემი ცხო-  
ვრება. ტარტაროზი ალერსით მექცერდა, წყალ-  
ზედაც აღარ მგზავნიდა. მიკვირდა, ვერ მიმ-

ხედარიყავ, რა უნდა ყოფილიყო მიზეზი ასე-  
თის დატკბობისა. შემდეგ-კი მივხვდი. ერთ დღეს  
მომიჯდა გვერდით და კოცნა დამიწყო. მეზი-  
ზლებოდა ასეთი ალერსი იმისი, მაგრამ ვერა  
მოვახერხე-რა. „შვილო,—მითხრა ბოლოს:—  
არ იცი, ჩვენი წუთი-სოფელი როგორია და  
ქალმა როგორ უნდა იცხოვოს!“—რას მეუ-  
ბნები, ვერ მიმხვდარვარ-მეთქი, —დავეკითხე მე,  
ვითომდა არ ვიცოდი... „შენ სხვა კუდიანი  
ხარ, ყველაფერი იცი!“—ლიმილით მითხრა მე-  
რე... ოჯ, რატომ მაშინვე თავი არ მოვიკალ!  
დამიწყო რჩევა: ასე და ასე უნდა მოიქცე, თუ  
გინდა, რომ რიგიანათ იცხოვო, კარგი გეცვას,  
კარგი გეხუროსო. ამ ლაპარაკის გაგონებაზედ  
სულ ცეცხლი მომეკიდა, სირცხვილმა დამწვა.  
გონ-დაკარგული წამოვხტი და გარეთ გამოვ-  
ვარდი.

— ის ქოპაკი, ის ტარტაროზი ისა! მოსა-  
კლავია ჩემის ხელით!

— სალამომდის შინ არ შემოვსულვარ,—  
განაგრძო თამარმა:—არ მინდოდა დაბრუნება,  
მაგრამ სად წავიდოდი, ვის მივადგებოდი კარს?  
შენი სოფლის სახელი რომ მცოდნოდა, იქნება  
შენთან მოვსულიყავ. ბევრი ვიტირე, ბევრი  
თავში ვიეც, ბევრჯელ გახსენე, მაგრამ ამან

არა მიშველა-რა. მერე მომივიდა ფიქრად უკანვე დაბრუნება, ხოლო დროებით, ვიდრე მოვიკითხავდი სადმე მოახლის აღვილს. მივედი შინ. კარგა შებინდებული იყო. იმას ჩემთვის ხმა არ გაუცია. გავიდა რამდენიმე კვირა. აღვილი ვერსად ვერ ვიშოვე, თუმცა-კი დამპირდნენ. ტარტაროზი ალარას მეუბნებოდა. თითქოს დარცხვენითაც მელაპარაკებოდა. მე მეგონა, შეინანია თავისი საქციელი და ამის შემდეგ ვეღარას გამიბედავს-მეთქი. მართლაც ალარა უხსენებია-რა. თავის ბოროტების შესასრულებლად თურმე სხვა გზა ამოერჩია. ერთ დრამეს ძილში ტუტუნი შემომესმა. გავახილე თვალები და რა დავინახე?.. ჩემ ლოგინთან იდგნენ ტარტაროზი და ვილაც ორი კაცი. „ვინა ხართ, რა გინდათ მეთქი!“ წამოვიყვირე მაშინვე. „ვინ უნდა ვიყვნეთ, ადამიანები ვართო“, მიპასუხა ერთმა კაცმა უსირცხვილოდ. „ადამიანები-კი არა, ეშმაკები ხართ! აქედან დაიღუპენით, თორემ!..“ „თორემ რაო?“ მიპასუხა ისევ იმან. „შენ გაზდას, ნუ სცხარობ, ჯერ გაიგე, რა თუმნიანები დავუთვალეთ დედა-შენსა და“... „ოჰ, შექოფაკო შენა!..“ წამოვხტი ლოგინიდგან და ყელში წავუჭირე ტარტაროზს, მაგრამ ჩქარა გამაგდებინეს ხელიდან. ახლა ამ კაცებს დავუ-



წყე კბენა, ფხაჭვნა, კაწვრა სახისა, დავიწყე ლრია-  
ლი, მაგრამ... ოჯ, აღარ შემიძლიან მეტი!..—  
მიითარა ხელები პირზედ და ქვითინი ამოუშვა.

— მერე, მერე?!— შევდრიალე და ხელები  
პირიდგან ჩამოვაცალე.

— მერე?.. ამიხვიეს პირი, რომ აღარ მე-  
ყვირნა, გამიკრეს ხელები, შემკრეს მაგრა და...  
ვაი!.. მომკალ, ნულარ მაცოცხლებ!.. ხომ ხე-  
დავ, მე სიცოცხლის ღირსი აღარა ვარ... აქნო-  
ბამდისაც მოვიკლავდი თავს... მაგრამ შენის  
ნახვის სურვილმა გადამარჩინა ცოცხალი.

თამარი მომვარდა და მეხვეოდა.

თვალი დამიბნელდა, სული მიგუბდებოდა,  
სიტყვის თქმას ველარ ვახერხებდი. თითქოს  
თავში დამკრეს რამეო, ისე დავრეტიანდი და  
თავს ველარ ვიმაგრებდი.

— თედო, თედო, რა გემართება? გონი  
მოდი!..— ტირილით მეხვეოდა თამარი...

— შორს, შორს! შეე... მაგის შემდეგ,  
ცოცხალი როგორ-ლა ხარ?!.. რატომ თავი არ  
მოიკალ?.. ღმერთო!

— შენ ნახვას ველოდი!..

— ჩემსას?!.. ეხლა ხომ გნახე! ოჯ, რატომ  
ენა მუცელში არ ჩაგვარდა, რატომ სული არ  
ამოგხდა, ვიდრე მაგას მეტყოდი!..



— ვაი მე უბედურს!.. მშვიდობით!.. მშვი-  
დობით!..

თამარმა წამოავლო ჭიქას ხელი და უეც-  
რად დალია ჭიქაში მომზადებული გახსნილი  
ფხვნილი.

— ჰო, გინდა დამშვიდდე?!.. ღმერთო!..  
სად არის შენი სამართალი?!

ვიტაცე თმაში ხელი და ტახტზე დავეშვი.  
ისე წამერთვა ღონე, რომ მუხლები მეკეცებოდა.

— მიშვერეთ!.. — ამოვილუდლუდე ძლივს.

— თედო, წყალი დალიე! აჲა! ეს მომი-  
ვიდა და რა ღმერთი გამიწყრა, რომ გიამბე  
ყველაფერი! — მეხვეოდა ტირილით თამარი.

წყალი დავლიე და იმან ცოტათი დამამშ-  
ვიდა. თავბრუმ სულ გამიარა.

— მაღლობელი ვარ, ჩემო თამარ, რომ  
წყალი დამალევინე. ოჲ, რა მომივიდა?!.. თა-  
მარ, წამო ჩქარა, წამოდი, წავიდეთ აქედგან,  
თორემ დავიხრიობით ორივენი.

— თედო, შენ მეუბნები მაგას? მაშ არ  
შეგძულდი?!. მაშ ისევ გიყვარვარ?!. — სიხარუ-  
ლით მეუბნებოდა.

— ჩაიცვი დროით, ნულარ აგვიანებ! — ვა-  
ჩქარებდი მე თამროს.

— ეხლავ!

თამრო საჩქაროდ მივარდა სკივრს, ამოშა-  
 ლა, ამოწეწა და მიჰკრა-მოჰკრა თავისი საც-  
 ლები ბოხჩაში. ბოლოს ჩაიცვა ტანთ და ბოხ-  
 ჩიანი სიხარულით ისევ მე მომვარდა.

— წავიდეთ, წავიდეთ, თედო! ოჭ, დმერ-  
 თო, განა მოვიფიქრებდი ასეთ ბეღნიერებას!

მე ხელი ჩავავლე და კარებისკენ გამოვე-  
 შურე, მაგრამ თამრო უეცრივ შედგა, გაფით-  
 რდა და წამოიყვირა:

— ვამე!

— რა მოგივიდა, ეგრე რამ გაგაფითრა,  
 ან რათ შეჰყვირე?!


— მე... მე... თედო!.. ოჭ, რა ჩქარა  
 იმოქმედა ამ წყეულმა!..

თამროს ტანი სულ ერთიანად უკანკალებ-  
 და. ფერი დაეკარგა და ცივმა ოფლმა დასხა-  
 პირის სახეზედ. ბოხჩა ხელიდგან გავარდა და  
 ბარბაცი დაიწყო.

— მიშველე!.. სული მეხუთება... წყა-  
 ლი!..

— მითხარ, მითხარ, რა მოგივიდა? — ვე-  
 კითხებოდი თვალებ დაჭყეტილი და გონზე ვე-  
 ლარ მოვედი.

თამრო დავსვი სკამზედ და საჩქაროდ წყა-  
 ლი შევურბენიე.



— აჲ!.. — დაშვიდებით ამოიოხრა თამარშა,  
როცა წყალი დალია, — თედო! იცოცხლე დიდ-  
ხანს, იყავ კარგათ, სიხარულით დაბერდი. მე-  
კი გამომეშვიდობე... ვკვდები... ბედმა არ მა-  
ლირსა შენის სიყვარულით დავმტკბარიყავ... —  
თვალ-ცრემლიანი მეუბნებოდა თამრო და თან  
გული უკვდებოდა.

მე-კი ენა აღარ მემორჩილებოდა, ნერწყვი  
გამიშრა და გაშტერებული ვიდექი. ვერ მომე-  
ფიქრებინა, ასე უეცრივ რა მოუვიდა.

— თედო!.. — განაგრძო კვლავ თამრომ: —  
ვერა ხედავ, დასამშვიდებელმა წამალმა როგორ  
გასჭრა... ის... ის საწამლავი იყო...

— საწამლავი?! ექიმი! — შევყვირე მე.

— რა ვიცოდი მე უბედურმა, თუ კიდევ  
გულს მოიბრუნებდი ჩემზე იმ ამბის შემდეგ,  
რაც გიამბე... შენის სიყვარულის დამკარგველს  
სიცოცხლე რაღათ მინდოდა... ამიტომ დავლიე.

— თამარ... საყვარელო თამარ!.. — მხეცი-  
ვით მივვარდი და დაუწყე ხვევნა ძალზე მისუს-  
ტებულს თამროს.

— თედო, მიშველე!.. სიკვდილი აღარ  
მინდა, თავი მენანება... ვაიმე!.. გულ-მუცელი  
მეწვის, ცეცხლი მეკიდება!..

— ექიმი, ექიმი! — საშინლად ვლრიალებდი

ოთახში კუუა-შეშლილივით. ამოდენა ღრიალზედ  
დე ხორციელი არსად გაჩნდა და ზედ არავინ  
შემოგვხედა.

— ექიმი, ექიმი!.. — გამოვარდი გარედ  
ყვირილით.

— ნურსად მიხვალ!.. — მომესმა თამარის  
ხმა.

მაგრამ მე იმისათვის ყური ალარ მიგდია  
და ერთ წუთას ქუჩაში გავჩნდი. სწორედ გიჟა  
ვგავდი იმ დროს, და ვინ იცის, რამდენი ცნო-  
ბის-მოყვარეობით და გაკვირვებით შესდგა და  
ცქერა დამიწყო, რომა მე თავშიშველა, თმა-  
გაწეწილი ეტლში ვიჯექი, ვიჯექი-კი არა, ვი-  
დექი მეეტლეზე გადაყრდომილი, რომელსაც  
ხედიდგან მათრახი წავგლიჯე და ცხენებს ვე-  
რეკებოდი ყვირილით: „ჩქარა, ექიმთან, ექიმ-  
თან-მეთქი!..“ ყოველი წუთი ჩემთვის საუკუნეთ  
გარდაიქცა...

როგორც იყო ექიმი ვიპოვე...

ექიმთან ერთად გულის კანკალით მივუახ-  
ლოვდი ოთახის კარებს; ოთახიდგან დედა-კა-  
ცების ხმა მომესმა. თმა მაღლა წამივიდა, მე-  
გონა, ვაი თუ თამრო გათავდა კიდევაც-  
მეთქი.

— ერთხელ კიდევ დამანახვეთ!.. — მომეს-

მა დედა-კაცების ღრიანცელში თამარის მისუსტებული ხმა.

სიხარულმა ამიტაცა და წამოვიყვირე: „ცოცხალია მეთქი.“ ექიმი და მე ურთად შევედით ოთახში.

თამარი ბალიშზე იყო გადასვენებული, იმისი გრძელი და სქელი თმა გადაშლილიყო ზედ და მთელს ბალიშს ჰფარავდა, თითქოს სურათის ფონიაო. ამ შავ ფონს შუა თამარის მთლიად მიმჭრალი თვალები და მილულული სახე გამოიცქირებოდა. ტუჩები სისხლისაგან ჭიაფერივით ჰქონდა შეღებული. მარტო ტუჩების სიწითლე და აჩქარებული სუნთქვა-ღა ამტკიცებდა, რომ ჩემ წინ ცოცხალი ადამიანი იყო და არა სურათი.

ჩვენს შესვლაზე ყველანი გაჩუმდნენ. ჩამოვარდა მდუმარება. თამარმა თვალები ძლივს გაახილა, მძიმედ გადახედა ყველას და უგონოდ იცქირებოდა აქეთ-იქით. ხელი მაღლა აიღო და ისევ ტახტზედ დაუშვა, თითქოს მოწყვეტილი აქვსო. ხელში აბრეშუმის ხელსახოცი ეჭირა.

— ოჰ, თედო, მო... — სიტყვა ვეღარ დაათავა და მიხუჭა თვალები.

— თამარ!.. — მივიწიე იმისაკენ, მაგრამ მკურნალმა ხელი დამიჭირა და შემაყენა.

— მოიცადეთ! — მითხრა მკურნალმა და თვითონ მივიდა. ალბათ თამარმა ჩემი ხმა იცნო, რომ ესე უეცრივ თვალები გაახილა და წამოიწია.

— ჰა, აქა ხარ?!

— დამშვიდლი, ქალო, ნუ მღელვარებ! — უთხრა მკურნალმა და მოჰკიდა ხელი.

— ვინა ხარ?..

— მკურნალი ვარ, ნუ გეშინიან.

— მკურნალი?! მე აღარა მომარჩენს-რა... ტყუილათ ნუ... ოპ!..

ექიმმა გასინჯა და მითხრა:

— საშველი აღარ არის.

— ნუ თუ აღარა ეშველება-რა?.. ბატონი მკურნალო, ნუ მომიკლავთ ჩემს თამარს, გევედრებით, უშველეთ რამე!.. — შევყვირე მე:

— ნუ ჰყვირით, ქალს შეეშინდება! — მითხრა ჩუმად მკურნალმა.

— თედო, აქა ხარ?.. მოდი!..


თამრომ წამოიწია და ორივე ხელი გამომიწოდა.

— თამარ, ჩემო სიცოცხლე? — მივვარდი თამარს და მოვეხვიე.

— თედო... მიხარიან, რო... შენს ხელში... ვაი... მითხარი, რო... გიყვა...

— ତାମାର, ମିଧୁବାରକ୍ଷାର!..  
 — ମିଶ୍ରି...ଲୋଭିତ.  
 — ତାମାର, ତାମାର!..—ହାଙ୍ଗବଦୀନଙ୍କି ମେ, ମାଗରାମ  
 ଫାଲି କଥାର ଅଳାର ଲେଖିଲା.

1891 ଫ.



„მომიღოვნია ახალი წელი!..“

(ფსიხოლოგიური ეტიუდი)

„ხვალ ახალი წელიწადია!..“ — წამოიძახა მთლად ჩამომხმარმა და წელში ორად მოხრილმა დედაბერმა, რომელიც ჩულის ნაგლეჯებზედ მიგდებულიყო სარდაფის პატარა ნესტიან ოთახის ერთ კუნჭულში და ზევიდგან ისეთივე ჩულის ნაგლეჯი წაეხურა...“

„ახალი წელიწადია!..“ — სიცივისაგან აკანკალებულის ხმით და თავის კანტურით გაიმეორა და თავისი მორდვეული თვალები გამურულ, გვერდით მდგომ ლამპრის შუშას მიაპყრო, რომელიც ისე ბჟუტავდა, როგორც იმისი თვალები.

ვერც ერთი მათგანი ერთი მეორეს ვერ ეტყოდა: „არა, მე შენზედ უკედ ვანათებ, არა მეო.“ ორივეს ერთგვარად გამოჰლეოდათ სინათლე და ერთმანეთის ტანჯვის ძალა-უნებური მოწმენი იყვნენ.

დედაბერს ტანჯვისაგან მთლად ჩანაოჭებული სახე ხან გაეშლებოდა ოდნავ და ხან

უფრო ჩაუნაოჭებოდა; ლამპარი-კი წრიპინებდა  
და უფრო ჰმურავდა შუშას.

— ღმერთო, ძილი მაინც მომგვარე! — წა-  
მოიძახა კარგა ხნის სიჩუმის შემდეგ დედაბერმა  
და თვალები ვედრების ნიშნად ქერს მიაპყრო.

— რა დაგიშავე ისეთი, — განაგრძო მან, —  
რო ამ მდგომარეობამდის მიმალწევინე?!. ერ-  
თად-ერთი ცხოვრების სახსარიც, მოძრაობა,  
რითაც თავს ვირჩენდი, მომისპე ამ უკანასკნელს  
დროს. შემეძლო სიარული და ნაგავში კონკებ-  
სა და ჩვრებს ვაგროვებდი, შემდეგ ვყიდდი და  
მის ნაფასურით თავს ვირჩენდი. ეხლა?! მოძრა-  
ობაც მომისპე და დამაგდე ისე... ჰა, დასტუბი,  
დასტუბი ჩემის ტანჯვით!.. ამაზედ მეტს რაღას  
მიზან?! — წამოილრიალა მან და ხელები მალლა  
აიწოდა, მაგრამ მაშინვე ჩამოუშვა, და ერთბა-  
შად გაკვესებულმა თვალებმა ისევ ლმობიერად  
ბჟუტვა დაიწყო.

— ღმერთო, მაპატივე, რომ ასე კადნიე-  
რად... არა, არა... პატივებას არა გთხოვ!.. —  
დაილრიალა მოხუცმა და უეცრივ წამოჯდა.  
— უარესი ტანჯვაც რომ მომერგოს, რასაც  
აუცილებლივ მოველი, მაინც შენ აღარ მო-  
გმართავ, არა... ამაზე კადნიერადაც რომ მო-  
გიხსენიო, მაშინაც არა გთხოვ პატივებას! მე

მუდამ შენგნით დევნილი ვიყავ: ბევრჯელ  
 მოგმართე გულწრფელად, ბევრჯელ მოგაპყარ  
 ცრემლიანი თვალები, მაგრამ შენგან ნუვეში  
 ვერ მივიღე. ეხლა, როცა ჩემი დღენი დათ-  
 ვლილია, არ მინდა შენი შველა, უშენოდაც  
 მოვკვდები...

— ოჰ, სანატრელო სიკვდილო, რაღას  
 იგვიანებ?!.—გულის სიღრმიდგან ამოსკდა ქს  
 ნატვრა და თვალთ ცრემლები მოერია.

ლიდხანს იჯდა და პირდაპირ კედელს გაშ-  
 ტერებით გასცემეროდა, თუმცა-კი ამ საგანს  
 სრულებით ვერა ხედავდა. მის მაგივრად თვალებ  
 წინ დაუხტოდნენ ბჟყვრიალა წერტილები, რო-  
 მლებიც იმის თვალში ჩასახტომად ერთმანეთს  
 ეცილებოდნენ.

თვალის სიღრმეში მოგროვილი ცრემლი  
 ძლიეს დარგვალდა და ქუთუთოებს წყვილად  
 გადმოეკიდა. ცოტა ხანიც და ორი მსხვილი  
 ცრემლის მარცვალი იმის ლოკებზე ჩამოეკიდა.  
 თვალის კაკლები მოეწმინდა და გაუსინათდა;  
 ბჟყვრიალა წერტილებიც უეცრივ მიიმალა, და  
 პირდაპირმა, სინოტიოსაგან ჩაშვებულმა კედე-  
 ლმა ლამპრის ბუნდ შუქზედ რხევა დაიწყო...

— ღმერთო! — გულ-ჩაწყვეტით წამოიძახა  
 დედაბერმა და თვალებზედ ხელები მიიფარა; ისე

აწვებოდა თვალებს, თითქოს სურდა თვალის კაკლები გაესრისნა, რომ იმით გამოწვეულ ტანჯვას სულიერი ტანჯვა გაექარვებინა, მაგრამ სულ ამაოდ, იმის სულის კვეთებას არა აკლდებოდა-რა.

— ჰმ...—თავის ქნევით მწარედ გაიღიმა დედაბერმა ლრმად ჩაფიქრების შემდეგ და სასოწარკვეთილებით ხელები მუხლებზედ დაირტყა.

— ჩემის წარსული ცხოვრებისათვის მარგუნე ეს დღე?.—ლიმილითვე და თავის ქნევით დაიწყო მან:—ჩემი წარსული ცოდვად მიგაჩნია და იმისთვის მსჯი?.. მერე მე ვარ დამნაშავე?.. უმანკო, გამოუცდელ თექვსმეტ-ჩვიდმეტი წლის უთვის-ტომო ქალს რა უნდა მომეგვარებინა?.. ყველას ენდობი, ყოველივე სიმართლედ მიგაჩნია, მაგრამ, თურმე ნუ იტყვი, ყოველივე შხამი ყოფილა და მათი მიკარება ადამიანს უწყალოდ სწამლავს. ჩემი გულწრფელი გრძნობა, ჩემი წმინდათა-წმინდა უსინიდისოდ შემილახეს, მიწასთან გამისწორეს, ტალახით შემითხუპნეს და, ვაი, სათქმელადაც ძნელია, იქამდე მიმიყვანეს, რომ ჩემ ხორცს, ხორცს ყიდვა დავუწყე... დახელოვნებულ ვაჭარსავით, ვფლიდობდი, ვთვალთმაქცობდი: ვეხვეოდი იმას, ვინც მძაგდა, ვიცინოდი, ვხარხარებდი, დავხტოდი და დავ-

ფუნდრუკებდი მაშინ, როდესაც მეტირებოდა... განა ის ტანჯვა არ კმაროდა, რომ ეხლა ესეც არ დაგემატებინა?.. აპა, შემომხედე, ორმოც-დაათი წლის დედაკაცი რასა ვგევარ?.. ოთხმოც-დაათის წლის დედაკაცივით დავუძლურებულვარ და მშიერ-მწყურვალს სული მერთმევა... ნუ თუ გგონია, ქუჩაში გავცურდები და ლუკა პურისათვის ხელს ვისმე გავუწვდი?. არა, არა... მეყოფა ამდენი დამცირება! ხა, ხა, ხა... გავუწოდო ხელი იმათ, ვინც ამ დღემდე მიმიყვანა, გავუწოდო ხელი, რომ მოწყალება მოილონ ჩემ-ზედ... კმარა, მე იმათ ხელს არ გავუწვდი, რო-მელთაც მსრისეს, მტანჯეს, ვიღრემდის ჩემი სახე ხიბლავდა, და ეხლა-კი, როგორც უხმარი ნივთი, ამ სოროში ჩამომიძახეს... არა, არა!.. — წამოი-ყვირა დედაკაცმა და უეცრივ ფეხზე წამოვარდა.

მამაცათ გაიმართა წელში, და თვალებში საშინელი ელვარება დაუწყო.

ვინ იტყოდა, რომ ეს დაუძლურებული აღამიანია?

მან მაგრა დაიკრა მჯილი გულში, რომელ-მაც დაიგრიალა, და სხაპა-სხუპით წამოიძახა:

— რატომ არ შემიძლიან, რომ ეხლა ყველა, ყველა გავსრისო, ჩემი დამცირებისათვის სამაგიერო მივუწყო?!.. ნეტავი ეხლა მოვიგდო

ვინმე ხელში, რომ ჩემის კბილებით დავგლიჯო, დავფლითო და იმის ტანჯვით დავსტუბე, იმის ვაებაზე ვიკასკასო!..

ამ დროს ზევიდან ჩამოესმა ბრახა-ბრუხი და ხმაურობა. ცოტა ხნის შემდეგ მოესმა როიალის გრიალიც.

— ააა!.. — უკნაურის ხმით დაიღრიალა მან, და ტანი აუთროთოლდა.

— ააა!.. — კიდევ დაიღრიალა, შემდეგ კბილებით თავის გამხმარ ხელს დასწრედა და ერთი ლუკმა ხორცი ამოგლიჯა.

სისხლით შეთხუპნული სწორედ გამძეინვარებულ მხეცს ჰგვანდა. \*

— ახალი წელიწადი უკვე დადგა!.. ახალ წელს ეგებებიან! ერთმანეთს სიხარულით ულოცავენ!.. ჩემი მტანჯველნი მხიარულობენ!.. — მეტის-მეტი სიასპიტისაგან მიხრინწიანებულის ხმით ჰყვიროდა და გამალებული დარბოდა ოთახში იმ დროს, როდესაც როიალის გრიალი და ხმაურობა უფრო და უფრო მკაფიოდ მოისმოდა.

— იმათ უნდა იმხიარულონ?! არა, მაგ მხიარულებას ვაებად გადაგიგცევთ, თქვე მტარვალნო!.. — წამოიძახა ბოლოს და ლამპარს ხელი დაავლო.

დედაკაცი გიუივით ეზოში გავარდა და სა-

ჩქაროდ ნავთი მიასხ-მოასხა იმ კარებთან და  
ფანჯრებთან, საიდგანაც მნიარულების ხმაურობა  
მოისმოდა. სულ არ გასულა რამდენიმე წუთი,  
რომ ცეცხლი გაჩაღდა და მთელი ეზო გა-  
ასინათა.

სახლში უეცრივ როიალის გრიალი და  
ხმაურობა შესწყდა. ყველანი გაელვარებულ ფან-  
ჯრებს მოაწყდნენ და გულ-დახეთქილებმა ყვე-  
რილი მორთეს.

— ხა, ხა, ხა!.. მომილოცნია ახალი წელი!..

ხარხარით შესძახა ამ დროს დედაბერმა სარ-  
კმლიდგან და გაძლიერებულ ცეცხლს შეუ-  
ერთდა.

31 დეკემბერს 92 წ.



# ჩემთვის დავ!

(სურათი)

## I


ლამის სიბნელეს ერთი ალიაქოთი შეუდგა  
 და შიშისაგან ტუჩისფერი დაჰკარვა, როცა დღის  
 ნათელს თვალი შეასწრო. სიბნელე ჰემინავდა,  
 ფორთხიალობდა, ებრძოდა სინათლეს, მაგრამ  
 ვერას გამხდარიყო. სასოწარკვეთილებით მიჰ-  
 მართა თავისს დარაჯ-ვარსკვლავებს და საშვე-  
 ლად იხმობდა. მაგრამ ისინიც შიშისაგან სად-  
 ლაც მიმალულიყვნენ და თავის დედის—სიბნე-  
 ლის მომაკვდავი ხმა არ ესმოდათ. მარტო შორს,  
 სადღაც ცის კიდეს, გამოჩნდა ამ ხმაზედ ერთი  
 დარაჯი, მალვით გამოაბუუტა თვალები და,  
 თავისი დედა—სიბნელე მთლად ნაცრისფრად  
 ქცეული რომ დაინახა, ნალვლიანად ჩაიქნია  
 თავი და ისევ მიიმალა.

დარაჯთ ამნაირ სამარცვინო საქციელი-  
 სთვის ხმელეთიდგან ფრინველთ ყიფინა დასცეს  
 და სინათლეს-კი „ვაშა, ვაშა“-ს დასძახოდნენ.  
 ტოროლა მაშინვე წამოვარდა თავის ბინიდგან

და სიხარულით გაეშურა ცისკენ სინათლის მი-  
საგებებლად...

ჯერ ისევ ნორჩმა, ხავსივით მწვანე ბალა-  
ზმა ღამის სიბნელისაგან მოხრილი წელი აიმარ-  
თა და ღიმილით შეჭხედა სინათლეს, რომელიც  
აღერსით დასტეროდა ზემოდგან. აგერ, ახლად  
გაფურჩქვნილმა ვარდმაც მორცხვად და კეკლუ-  
ცად დაუწყო მზერა სინათლეს; ვითომდა ყურა  
არ უგდებსო ბულბულის გულსაკლავს სტვენას,  
რომელიც, აგერ რამდენი ხანია, სასოწარკვე-  
თილებით დაჭკვნესის და ეტრფიალება. საწყალი  
ვარდი მთლად დამთვრალია ბულბულის აღერ-  
სით. მაგრამ რა ჰქნას, როცა მეტის-მეტი მორ-  
ცხვი და კრძალული არსებაა და ვერ გამოუ-  
თქვამს ბულბულისთვის თავისი გრძნობა! აგერ,  
როგორ გაწითლებულა გულის-თქმით და ალ-  
მული ასდის... ბულბული-კი ვერ მიმხვდარა  
ამას და, ვარდის ამ გაათკეცებული სიმშვენიე-  
რით დამწვარი, უფრო გულსაკლავს ხმებს დაჰ-  
კვნესის და სტვენს, თითქოს გული უნდა ამოი-  
გლიჯოს და ვარდს ესროლოს, რომ, ამით მაინც  
არის, დაიმსახუროს მისი ყურადღებაო.

ძირს, ხმელეთს ფრინველთ უკანასკნელად  
კიდევ დასცეს სიბნელეს ყიფინა, სინათლეს გა-  
მარჯვება მიულოცეს და საზრდოს საძებნელად



გაემგზავრნენ სხვა-და-სხვა მხარეს. ყვინჩილამაც მიჰპაძა სხვა ფრინველთ, ფრთხიალით გადმოეუვა ძირს ხის ტოტიდგან და იქვე ნაგვის გროვას რუკ-რუკით ქექა დაუწყო და ეძახდა თავისთან დედლებსა და ვარიებს, რომელთაც დიდხანს არ ალოდინეს და ნაგვის ქექით მხარში ამოუდგნენ.

ქაომებთან ერთად სოსოს დედაც წამოდგა, საჩქაროდ დაჭვავა სახლი და დერეფანი. ნაგავს კიდევ ახალი ნაგავი მიუმატა და ამით ყვინჩილა და იმისი ჯალაბობა ძალიან გაახარა. სოსო-კი დილის ძილში იყო და ტკბილად ხერინავდა დერეფანში. დედა მივიდა, უნდოდა გამოეღვიძებინა, მაგრამ შენანდა თავისი შვილი, ისევ თავი დაანება და, საწველელით ხელში, ხბო გამოუშვა; ხბომ მაშინვე შეჰქმდავლა და ხტუნაობით თავის დედისკენ გაეშურა, რომელიც მხიარულად მიეგება და ზმუილით ლოკვა დაუწყო, როცა ხბო თავისს პატარა თავს ცურზედ უსვამდა და თან ხან ერთს ძუძუს ჩაიდებდა პირში და ხან მეორეს. სოსოს დედაც საწველელით იქვე იდგა და ხბოს ჰუკველოდა ძუძუების მორიგებას.

— ჯერ ეს გეყოფა, ჩემო ფუჩინავ! — სოქვა სოსოს დედამ და ხბო ძროხას წინ მიუ-

ბა, თითონ-კი მიუჯდა ცურს და ცოტა ხნის  
შემდეგ საწველელში რძეს ჩხრიალი დაწყებინა.

საწყალი ხმო ამ ჩხრიალზედ მაღა-გალე-  
ძებული გამალებით იწევდა ცურისაკენ, მაგრამ  
თოკი არ უშვებდა.

— ბაბალე, — ლობის გარედგან გადმოსძახა  
შუახნის კაცმა, როცა სოსოს დედამ წველა გაა-  
თვა და ხმოს მოსაწოვად უშვებდა. — დილა  
მშვიდობისა, — მიესალმა ისევ ის, როცა ბაბალემ  
იქით მიიხედა, საიდგანაც ხმა მოესმა.

— მშვიდობა მოგცეს ლმერომა, ჩემო ქი-  
ტესავ!

— ჯერ სოსო არ ამდგარა? ნულარ დააგ-  
ვიანებ!

— ეხლავ გავალვიძებ.

ბაბალემ საწველელს ხელი დაავლო და, ის  
იყო, უნდა შინ შესულიყო, რომ ამ დროს  
სოსოც გამოვიდა გარედ.

— ოჰ, ამდგარხარ კიდეც, შვილო! — სიყ-  
ვარულით უთხრა დედამა.

— გუთნი-დედამ ხომ არ გაიარა? — ჰკიოთა  
სოსომ დედას.

— გუთნი-დედა აქ გელისო. — გადმოსძახა  
ლობის გარედგან კიტესამ, რომელიც სოსო  
აქამდე ვერ შეამჩნია.

სოსო ამ ხმაზედ გაწითლდა და დედას სა-  
კუედურის კილოთი უთხრა:

— აკი გითხარი, დილაზე, როცა შენ ად-  
გე, მეც გამაღვიძე მეთქი.

— არა გრცხვენიან, მაგოდენა კაცი სხვამ  
უნდა გაგაღვიძოს! — გაეხუმრა ქიტესა.

— როცა ლოგინში ჩაწვება ხოლმე, სულ  
იმას მეჩიჩინება: „დილაზე ადრე გამაღვიძე,  
გუთნი-დედას მინდა ავუსწროვო“, — ლიმილით  
უთხრა ბაბალემ ქიტესას.

— ღმერთმა მოგცეს და მაგის ბედნიერე-  
ბას ორივე შეგვასწროს, და აი ეს დღე ნიშანი  
იყოს, — ეგ ისეთი ვაჟკაცი დადგება, რომ ამ  
ჩვენს სოფელში ცალი არ ეყოლება. ჯერ რა  
არის, სულ თითის სიგრძე ბალლია და...

— ჰო, მეთერთმეტე წელშია გადამდგა-  
რი, — გააწყვეტინა სიტყვა ბაბალემ.

— ჰო და, აკი ვამბობ, ჯერ თითის სიგრძე  
ბალლია-მეთქი და ახლავ ისეთს უნარს იჩენს,  
რომ კაცი ვერ წარმოიდგენს. ეგ რო არ გვან-  
დეს გუთანზე, სულ უგემური იქნებოდა ჩვენი  
ხვნა. ამ ქალაქია-დღე ისეთს „ოროველას“ და-  
ძახის და ისე ერეკება წინა ხარებს, რომ კაც-  
საც და ხარსაც დალალვას არ გვამჩნევინებს...

ბაბალეს გული სიხარულით თავის ადგილს

აღარ უდგებოდა, როცა ქიტესა ასეთის ქებით ამ-  
კობდა სოსოს. სოსო-კი ამ დროს ხბოს ეალერ-  
სებოდა და ქიტესას ქებას ყურს არ უგდებდა.

— ხარიც რო ისეთი ჰყავს, ი დალო-  
ცვილი! ქედ-მადლიანია, ისე მუყაითად ეწე-  
ვა, რო ტოლი არა ჰყავს მთელ გუთნეუ-  
ლში.

— ამის გაზრდილია. ექვსი წლისა იყო  
ჩემი სოსო, ენაცვალოს თავისი დედა, როცა  
ის ძროხამ მოიგო, და მას აქეთ სულ ეს უელის.  
ისე შეუყვარდა, რომ თითქმის ღამე გვერდით  
მიიბამდა ხოლმე და ისე ეძინა. ყოველს ცისმა-  
რე დღეს ახალ-ახალი ბალახი მოჰქონდა და თა-  
ვისი ხელით აჭმევდა.

— კაი ხარი-კი დამდგარა-და... ღმერთმანი,  
სოსოზე და მაგის ხარზე ორი დღის ანეულიც  
აღალია. თუ ღმერთმა დარები დაგვიყენა,  
სწორედ ორი დღის ანეულს გადვუჭიმავ...

— მადლობელი ვარ, ჩემო ქიტესავ, მა-  
გრამ მოდგმებმა რო არ იყაბულონ? ჩემს სოსოს,  
როგორც დღის მეხრეს, ერთი დღისა ერგება;  
ცალ-ხარს კიდევ — ნახევარი დღისა. აი, ულელი  
ხარი რო მყვანდეს, მაშინ სხვა იქნება: მაშინ  
ორი დღისა გვერგებოდა.

— რას ამბობ, ადამიანო, რომელი მოდგმე

არ მიყაბულებს?! განა ისინი არა ჰხედავენ, რომ  
გიჭი ძალზე მუყაითად ეკიდება?!

— დედი, — დაუძახა სოსომ თავისს დედას:  
— ძროხას ძუძუებს დააჭრის, მოვაშორო?

— მოაშორე, შვილო!

— ჰე, ფუჩინო, აბა თუ მოჰშორდეს!..  
აბამე, აბამე, რანაირი ლონიერია!..

სოსო აშორებდა ხბოს, მაგრამ ის ისევ  
ხელიდგან უსხლტებოდა, ძროხის ცურს ჰეარ-  
დებოდა და გულიანად ჰლოლნიდა.

— ღმერთმანი, სამი წლის შემდევ მოზვე-  
რი დადგება და ჩემს შვინდას ოოლობას გაუ-  
წევს, — სთქვა სოსომ და ორივე ხელი ხბოს  
კისერზედ მოჰშვია.

— წამოდი, გეყოფა, ხომ ჰხედავ, დედა-  
შენს რძე ალარ უდგა, — უთხრა სოსომ ხბოს  
და გამოათრია. მაგრამ ხბო ცდილობდა, ისევ  
გაჰსხლტომოდა ხელიდგან.

— აბა წავიდეთ, სოსო, თორემ ლამის მეხ-  
რეები, სანამ ჩვენ გავალთ, გუთნეულს კიდეც მიჰ-  
რეკენ, — სთქვა ქიტესამ და თავისს გზას გაუდგა.

— მე თითონ მოვაშორებ, შვილო, — უთ-  
ხრა ბაბალემ სოსოს, როცა ის კიდევ ხბოს  
დაეჯაჯურა, რადგანც ხბო კიდევ გაუსხლტა  
და ახლა მეორე მხრიდგან დაუწყო წოვნა.



სოსომ ხბოს თავი ანება, წამოაულო ჰელი  
საგუთნე სახრეს და ქიტესას დაედევნა. ცოტა  
ხანს შემდეგ ქიტესას ამოუდგა მხარში და ორ-  
ნივე ბაასით წავიდნენ. ბაბალე-კი გაჰყურებდა  
თავისს იმედს და თავისთვის იძახდა: „ნეტა, ვე-  
ლირსები იმ დროს, რომ ჩემი სოსოც ქიტესა-  
სავით დაბინავებული და ცოლ-შეილით გა-  
ხარებული იყოს!?” თვალი არ მოუშორებია  
შვილისათვის, სანამ სოსო და ქიტესა საბძელს  
არ მოეფარნენ...

## II

— სადა ხართ, კაცო? — შეჭმუხვნილის სა-  
ხით უთხრა ქიტესამ ღამის მეხრეებს, როცა  
იმათ გუთნეული მორეკეს: — აბა მალლა აიხე-  
დეთ, მზე ორი შუბის სიგრძეზეა აწეული.

— სადა ვართ რა, განა ხალითაფასა ვჭამ-  
დით! აი, ი ვერანა ხარს დავეძებდით! — მკვახედ  
უბასუხა ერთმა ღამის მეხრემ.

— რა ვერანა ხარს, რას ამბობ, ბიჭო? —  
ჰკითხა ქიტესამ.

მეორე ღამის მეხრემ კი ამ დროს თავისი  
გუთნის ხარები შეაბა ულელში და ელოდა და-  
ნარჩენებს, ისინი როდის-ლა შეაბამენო.

— ენდე, ე ბალლის სამგლე ხარს! — მიუ-  
თითა ლამის მეხრემ სოსოზე, რომელიც ამ დროს  
გაფიტრებული გუთნის დედასთან მოვარდა.

— ჩემი შვინდა სად არის? — აკანკალებუ-  
ლის ხმით დაეკითხა სოსო ლამის მეხრეს.

— ჯანაბას! — გულ-ცივად უპასუხა იმან.

— მერე, შე ოჯახ-დანგრეულო, — დაუყვი-  
რა ქიტესამ: — თვალები სადა გქონდა? ეხლა  
აგება თვალები, როცა ჩემი ჯერია? .. შვიდ-  
ულლივ რა ეშმაკი უნდა ვხნათ!

— ოჯახ-დასანგრეო და არც-რა იცი-რა? —  
უფრო მაღლა შეტყვირა იმან: — შვიდ-ულლივ  
რათა ჰენამ, იმის საბადლოდ ჩემი ხარი მოვი-  
ყვანე.

იქნება ჩხუბიც მოსვლოდათ ქიტესასა და  
პირველს ლამის მეხრეს, რომ მეორე ლამის მე-  
ხრე არ ჩარეულიყო ლაპარაკში და პირველი  
იქით არ წაეყვანა.

— რა გულ-არეული რამა ხარ, კაცო, —  
უთხრა მეორე ლამის მეხრემ: — შენზე უფროსმა  
რო სიტყვა გითხრას, როგორ არ უნდა დაუთმო?

სოსო კი იმ ლამის მეხრეს თავს არ ანებე-  
ბდა და მალ-მალე დაეკითხებოდა:

— კაცო, რატომ არ მეტყვი, სად დაგრ-  
ჩათ ჩემი ხარი?



— თავი დამანებე, ბალლო, თორემ, არ, ა  
ლვთიშობლის მადლმა, ისეთ ალიუურს გაჭვი  
ამ გაჯავრებულს გულზედ, რომ ხარი-კი არა,  
თავიც დაგავიწყდეს! — შეუტია ლამის მეხრებ.

— რათაო, ე, რატომ არ მეტყვე? — ტუ-  
რილით უთხრა სოსომ.

პირველი ლამის მეხრის მაგიერად მეორემ  
უამბო სოსოს ლამის ხარი საითაც ჰყოლოდათ  
და სად დარჩენოდათ იმისი შვინდა. სოსომ მა-  
შინვე დააპირა საძებნელად წასვლა, მაგრამ ქი-  
ტესამ არ გაუშვა, რადგანაც წინა ხარების გა-  
მომრეკი აღარავინ ეყოლებოდა. ისიც ძალა-  
უნებურად დარჩა, მაგრამ სოსო ის სოსო აღარ  
იყო, როგორიც დილას ქიტესამ იგვიწერა. საჭ-  
ხობამდე ერთხელაც არ შემოუძახნია „ორო-  
ველა“ და ხარებსაც ისე მუყაითად არ ეკიდე-  
ბოდა, როგორც წინად. ქიტესა მალ-მალე წას-  
ძახებდა ხოლმე: „აბა, ჩემო სოსო, ნუ მოვი-  
წყენია, ერთი შენებური „ოროველა“ შემოს-  
ძახე“-ო, და თან ანუგეშებდა: „რისა გე შინიან,  
შე კაი კაცო, ხარს არა უშავს-რა! ის თითონ-  
ვე მოვა დილაზე და ან საღამოზე“-ო. მაგრამ იმის-  
თანა ნუგეში სოსოსთვის ნუგეში არ იყო. „ამა-  
ღამ რომ ჩემი შვინდა უპატრონოდ მინდორში  
გაუშვა, — ჰფიქრობდა სოსო, — ხო მგლები შემი-

კამენ და მერე?.. მერე?..“ „ვინ იცის, — პფი-  
ქრობდა სოსო, როცა სადილს შემდეგ ისევ  
უღელზედ შეჯდა და პირველს კვალს უვლი-  
დნენ: — იქნება მგლებმა კიდეც გამოფაშვეს ჩემი  
შვინდა!“ სოსოს ამ ფიქრზედ გული ამოუჯდა  
და ცრემლები ვეღარ შეიმაგრა. თითქოს იმის  
ჯავრს სხვებიც თანაუგრძნობენო, ყველანი რა-  
ლაცნაირად დალონებულები და ღრმად ჩაფი-  
ქრებულები იყვნენ. ასე გაჩუმებულები ხან ერთს  
კვალს აუვლიდნენ და ხან მეორეს ჩამოუვლი-  
დნენ. მარტო, როცა ერთს კვალს ბოლოს ან  
თავში გავიდოდნენ და მეხრეები უღლიდგან  
ჩამოხტებოდნენ და ქიტესაც გუთანს აუგდებდა,  
მაშინ თუ ამოილებდნენ ხმას, ისიც ხარებს ან  
კამეჩებს გამოეხმაურებოდნენ, რომ ახლა მეორე  
მხრის კვალში ჩაეყენებინათ, თორემ დანარჩენს  
დროს, რაკი კვალში ჩადგებოდნენ, სულ გაჩუ-  
მებულნი იყვნენ. ხარებიც ცოხნითა და კუდის  
ქნევით მიიჩლაზნებოდნენ და სჭიმავდნენ ჭაპანს.  
მზე-კი თან-და-თან ზემოდ იწევდა და ისე ც-  
სუნებდა, რომ ზოგი კამეჩი გაალექა და პირი-  
დგან ენა გამოაყოფინა.

— ეს ოხერა, რა ნაირად ჩამოცხა და იკბინება, უთუოდ გაავდარდება! — წამოიძახა მეორე ლამის მეხრემ.

როცა სამხრობისას გუთნეული გამოუშვეს, იქვე თელის ქვეშ რძის კორკოტს შემოუსხდნენ და ჭამა დაუწყეს საჭმელს, რომელიც ქიტესას თოთხმეტის წლის თეკლემ ის-ის იყო მოუტანა.

— წვიმისაგან ღმერთმა დაგვითაროს, ჯერ არ გვეჭირება! — უპასუხა ქიტესამ და ერთი დიდი ლუკმა მაღიანად ჩაიდო პირში. საჩქაროდ გადაყლაპა და მერე თეკლეს მიჰმართა:

— ეე, შენი მამა ცხონდეს, თეკლე, ე რა გემრიელი რძის კორკოტი გაგიკეთებია! შენ გააკეთე, შვილო, თუ დედა-შენმა? — პკითხა ცოტა ხნის შემდეგ ქიტესამ.

— მე, — ჩუმად წამოიძახა თეკლემ და თან თავ-ჩალუნულს ელიმებოდა.

— იმიტომ არის ესე გემრიელი, რო შენ გაგიკეთებია! — წამოიძახა მეორე ლამის მეხრემ.

ამ სიტყვების გაგონებისათანავე, თეკლე სულ ერთიან წამოწითლდა. აქამდის ფეხზე იდგა, ეხლა-კი დარცხვენით თავის მამის ზურგს უკან ჩაჯდა და კარგა ხანს მაღლა აღარ აუხედნია.

ყველანი ჭამაში გაერთვნენ. ზოგმა მეორე ჯამიც მიიმატა და ხელმეორედ შეუდგა ჭამას. მოქანცული გუთნის ხარიც იქვე დაყრილიყო

და უმაღურად იცოხნებოდა. ზოგი ისე დალა-  
ლულიყო, ნამეტნავად კამეჩები, რომ კუდის  
გაქნევის თავი აღარა ჰქონდათ და ფშუილით  
ბუზებს ძლივს-და იგერებდნენ.

— შენ გენაცვალე, ჩემო სოსო, ეგრე და-  
ლონებული რადა ხარ და პურს არა სჭამ? —  
ჰკითხა თეკლემ, როცა სოსოს თვალი შეასწრო..

სხვებმა მაშინ-და მიაჭიეს ყურადღება და  
დაინახეს, რომ სოსოს თავის ჯამისათვის ხელი  
არ ეხლო და ისე გაჩუმებული და თავ-ჩაღუნუ-  
ლი იჯდა.

— ე ბალლი დღეს მშიერი მოკვდება, მა-  
გას არც სადილობას უჭამია რამ. — სოქეა პირ-  
ველმა ლამის მეხრემ, რომელსაც სოსოს უმან-  
კო და დალვრემილმა სახემ ამაყი გული მოულბო.

— ე რა ღმერთი გაგვიწყრა და მაგის ხა-  
რი დავკარგეთ! — განაგრძო ისევ იმან. — სოსო,  
თუ დილაზედ შენი შვინდა აქ არ მოვიყვანო,  
მაშ კაცი ნუღარ ვყოფილვარ!

სოსო აქამდის გაჩუმებული იყო და სულ  
თავის შვინდაზედ ჰფიქრობდა. ეხლა, როცა  
ყველამ იმას შეჰქედა და სიბრალულის თვალით  
დაუწყეს ყურება, ტირილი მოუვიდა და ცრემ-  
ლები ვეღარ შეიმაგრა.

— ჩემო ქიტესო, ეხლა მაინც წავალ სა-

ძებნელად? ჩემ მაგიერად აგერ, აი, მეხბორეს გამოვგზავნი? — ტირილით ეხვეწებოდა ქიტესას.

— კარგი, შვილო, წალი, მაგრამ ჭალაში-კი არ გაება და არ დაგილამდეს.

— ე წყლის პირს დაჰყევი, მანდ ეგდება სადმე. თუ მანდ არ იყოს, ჭალის პირას, გრილოში იქნება, იქ მოძებნე, — ურჩია პირველმა ლამის მეხრემ, როცა სოსო სიხარულით წამოვარდა ფეხზე, რაკი ქიტესასაგან ძებნის ნებართვა აიღო.

— მოიცა, შენ გენაცვალე, ჩემო სოსო, პატარა შეჭამე რამე, — უთხრა თეკლემ, — თორებ მშიერი მოჰკვდები.

— არა მშიან.

— ცარიელი კორკოტი მაინც დახვრიტე, აი, რა გემრიელია! იჳ, იჳ! - თეკლემ აიღო სავსე ჯამი ხელში და რამდენიმე კოვზის პირი შეხვრიტა. მერე ჯამი სოსოსთან მიიტანა და გაუშვირა. სოსომ უარი ვეღარ უთხრა და საჩქაროდ დააცარიელა ჯამი...

სოსომ და მეორე დღის მეხრემ გუთნის ხარი აშალეს და წინ გაირეკეს. ლამის მეხრეები გუთნის დედით თელის ქვეშ წამოწვნენ და ძილს თავი მისცეს. თეკლემ-კი საჩქაროდ ჯამები ჩალაგა ხურჯინში და შინისკენ გაეშურა.

— ბიჭი, გუთნის ხარი არ დააგვიანო, ჩქა-  
რა მორეკე, თორემ ვეღარას მოვხნავთ, კიდეც  
დალამდება! — გასძახა ქიტესამ მეორე დღის მეხ-  
რეს, როცა ისა და სოსო თელის კარგა დაპ-  
შორდნენ.

### III

კარგა შეღამდა. ცა საშინლად მოიღრუბ-  
ლა და განრისხებული სახე მიიღო, თანდათან  
უფრო იქმუხნებოდა და დედამიწას მუქარით  
ჩამორუხრუხებდა. ხან ერთს ცისკიდეს, ხან მე-  
ორეს გველივთ გაიკლაკნებოდა ელვა და ერთს  
წამს გაასინათლებდა ხმელეთს, თითქოს ცას  
სურს თვალი გადაავლოს ქვეყანასათ. დედამიწა-კი  
ძრწოდა განრისხებულის ცის დანახვით და რაღაც  
საშინელებას ელოდა. ჩამი-ჩუმი არსაიდგან ის-  
მოდა. ის ფრინველნიც, რომელნიც ისე სი-  
ხარულითა და უივილ-ხივილით მიეკებნენ დღის  
სინათლეს, ეხლა სადღაც მიმალულიყვნენ და  
ხმას არ იღებდნენ; ზოგს მათგანს ხშირი ფოთ-  
ლები მოენახა და ცდილობდა ამ ფოთლების  
შემწეობით აეცდინა ის ვაება, რა ვაებასაც ცა  
უქადოდა. აგერ ბეღურები ჯაგის ქვემო ტო-  
ტებზედ ჩამწკრივებულან და ერთმანეთს რას-  
აც ჩასჩურჩულებენ. ამ ჩურჩულზედ იქვე ჯა-

გის ძირს განაბული კურდღელი აცქვეტს ყურებს და სიფრთხილით გადაავლებს თვალს გარეშემო მიდამოს. აგერ, ეშმაკი ქედანი მუხის ფულუროს შეჭარებია და საწყალს გვრიტს-კი, რომელიც იქვე ფულუროს პირს ჩამოსკუპებულა, აღარ უშვებს თავისთან და განრისხებული ცის ანაბარა სტოვებს. სხვა სულდგმულთაც მოუნახავთ თავშესაფარი და აქ ელიან ცის რისხვას. მგელსაც-კი, ამ ღამით მოწანწალიც ცხოველს, მოუძებნია სორო, კურთ-უკულმა შემძვრალა და იქიდგან გამოაკვესებს თვალებს. ყველა სულდგმული უფრთხის და ემალება განრისხებულს ცას. მარტო ერთი სულდგმული არ უფრთხის და გულ-მოდგინედ რასღაც დაეძებს. ეს სულდგმული სოსოა, რომელიც სამხრობისას წამოვიდა თავის შვინდას საძებნელად, მაგრამ ჯერაც ვერ უპოვია. თუმცა მთლიად შემოიარა წყლის ნაპირები, მაგრამ იმის კვალიც ვერ იპოვა და აი ებლაც შუა ჭალაშია და სასოწარკვეთილებით იძახის: „შვინდავ, ფშვიე...ე...ე, ჩემო შვინდავ!“ მაგრამ პასუხი არსაიდგან მოესმის!

„ამ ბნელში საღლა წავიდე და სად მოვნახო?! არ ვიცი, რა ვქნა?!“ აკანკალებულის ხმით იძახდა სოსო.

უეცრად შედგა, თითქოს რისლაც ფაჩუნი მოესმა. სახე გაუბრწყინდა და გულს იმედი ჩაესახა. სულ ერთიანად სმენად გარდაიქცა. და თავი იქით გადიხარა, საიდგანაც ფაჩუნი მოესმა.

„შვინდავ!“ — აჩქარებით და დაბალის ხმით წამოიძახა და უფრო გატვრინდა. რამდენსამე ხანს ისე გატვრინებული იდგა. მაგრამ გარშემო ისევ წინანდებური სიჩუმე ჰმეფობდა და არა ხმაურობდა-რა.

„შვინდავ, შვინდავ... სადა ხარ?!“ გასძახა ერთი კიდევ და როცა დარწმუნდა, რომ იმედი ტყუილი გამოდგა, მერე ღაპა-ღუპით ცრემლები გადმოყარა.

ამ დროს ცა ერთის კიდიდგან მეორემდე გაიხსნა და მთლად არე-მარე ერთს წამს გაანათა... შემდეგ ერთი ისეთი დაიჭექა, რომ კაცს ეგონებოდა, ცა სულ ერთიანად გადმოანგრიაობევრი მძინარე დააფეთიანა ამ ჭექამ და პირჯვარი დააწერინა. სოფელში ძალლებმა ღმუილი შეჰქნეს, კალაში-კი ყველა სულდგმული შეირყა და ხმაურობა მორთო. თითქოს ამ ცის დაჭექებას ელოდა ქარიო, უეცრივ დაჭეროლა ძლიერმა ზენა-ქარმა და მთელი კალა ერთ წამს ააშფოთა: ხეებს ჭრიალი დააწყებინა, ფოთლებს

შრიალი. ერთის ხიდგან მეორეზედ მარდათ  
ჰეტოდა და გაჰქონდა - შუილ-ზუილი. ცამ-კ  
ელვას და ქუხილს უფრო უმატა. ცოტა ხნის  
შემდეგ წამოუშინა ხშირი და მსხვილი წვიმა,  
რომელშიაც ჯერ წვრილი და თითო-ოროლა  
სეტყვა ერია, შემდეგ-კი წვიმა მთლად სეტყვად  
გადაიქცა და ხეების ტოტებს ლაწა-ლუწი აუ-  
ყენა. ქარის შრიალი და ზუილი, ხეების ჭრია-  
ლი და ტოტების ლაწუნი, თვით სეტყვის ხუ-  
ვილი სულ ერთად აირია და რაღაც გამოურ-  
კვეველი და საშინელი ხმაურობა ასტყდა შუა  
ჭალაში, სადაც ეხლა სოსო ერთის ხის ძირს  
ქვენა. მხრით ამოჰფარებოდა. სოსოს უეცრად  
მოესმა დიდი ზარის გუგუნი, რომელსაც იმის  
სოფელში სეტყვის მოსვლაზედ დაუწყეს ხში-  
რი. რეკვა იმ იმედით, რომ სეტყვას გატი-  
ლებსო. დიდის ზარის გუგუნს წვრილის ზარე-  
ბის წკრიალიც მოჰყვა და იმ გამოურკვეველმა  
და შემაძრწუნებელმა ხმაურობამ უფრო გამო-  
ურკვეველი ხასიათი მიიღო. სოსომ მოიხადა  
ქუდი, ცრემლიანის თვალით რამდენჯერმე წა-  
მოიძახა: „ღმერთო, შენ მიშველეო!“ და პირ-  
ჯვარი გადაიწერა. ბოლოს ამოიოხრა და გულ-  
საკლავად ხმა-მაღლა დაიძახა: „ვაიმე, ჩემო  
შვინდავ!.“

## IV

რაკი ჯავრი ამოიყარა, ცა დაიშაშრა და უჯრებად დაიწყო, ვარსკვლავებმა გამოიხედეს და ბჟყვრისალი დაიწყეს. ცოტა ხანს შემდეგ ცა სულ ერთიანად მოიწმინდა. მარტო ალაგ-ალაგ ღრუბლის პატარა ნაგლეჯები-ლა იყო მიკრული, რომელიც თანდათან ფერსა ჰქარგავდა და გაურბოდა ლამის მნათობს, რომელმაც აგერ მთის წვერიდგან თავი ამოქმო და თეთრად შემოსილს ქვეყანას მკრთალი ნათელი მოჰვინა. შესაბრალისს სურათს წარმოადგენდა იმ დროს ჭალა, სადაც მთლად გაწუწული და გაზუნზლული სოსო დააფლატუნებდა და სიცივისაგან კანკალი გაჰქონდა. ერთი ხეც აღარ მოიძებნებოდა მთელს ჭალაში, რომ ან ფოთოლი და ან ნორჩი ტოტი შერჩენოდა. სულ ძირს იყო გაფენილი და მიწასთან გასწორებული. ვინ იცის, რამდენს ფრინველს და პატარა გარეულ ნადირთ, უსაფაროდ დარჩენილთ, თავი გაეჭერყა და სამუდამოდ გამოესალმა წუთი-სოფელს! ებლა იმათი სხეული ფოთოლთან ერთად არის არეული. აგერ, ერთს ამისთანა დამახინჯებულს გვრიტის სხეულს სოსომ ფეხი წამოჰკრა და ხელში აიღო... ამან უფრო მწარე ფიქრები აუშალა სა-

ცოდავს სოსოს: „იქნება, ჩემი შვინდაც ეხლა  
 ამ გვრიტივით თავ-გატეხილი გდია საღმე და  
 მგლები ჰეარობენ იმის ხორცითაო“, — ჰაფუქრო-  
 ბდა სოსო და თან ცრემლებს აფრქვევდა. ამ  
 მწარე ფიქრებში გართულმა, გაიარა ხშირი ჭა-  
 ლა და მეორე ნაპირს გავიდა. საცოდავი აქ  
 შესდგა და იმედის გადაწყვეტით გაპხედა ჭალას.  
 რამდენიმე წუთი დაპყო ასე გაჩუმებულმა და  
 და ჩაფიქრებულმა: „განა ჩემს შვინდას ველარა  
 ვნახავო?!“ და გაშტერებით უმზერდა ჭალას.

— შვინდავ, შვინდავ, ფშვი...ე...ე, ჩემო  
 შვინდავ! — უეცრად ისეთის ხმით წამოიძახა, რომ,  
 ხეებს რომ გული და გრძნობა ჰქონდათ, ისი-  
 ნიც ტირილს დაიწყებდნენ.


— მმუ...უ...მმუ...უ...უ?! — პასუხად მოე-  
 სმა იქვე ახლოდგან რაღაც ზმუილი და ფაჩუნი.

— ჰა... შვინდავ, შვინდავ... ისაა... — ზე-  
 დი-ზედ ისროდა სიტყვებს სოსო და ძლივს-ლა  
 ჰსუნთქავდა.

— მუუ...უ... მუუ...უ... — თანდათან უფ-  
 რო ახლო მოისმოდა ზმუილი.

— ჩემო შვინდავ! ჩემო შვინდავ! .. — ძახი-  
 ლით გაექანა სოსო იქით, საიდგანაც ზმუილი  
 მოისმოდა.

ამ დროს ჭალის პირას მშვენივრად დარ-



გვალებული და ჩასუქებული შვინდა-ფერის ხა-  
რი გამოჩნდა.

— შვინდავ!.. — მიჰვარდა სოსო და კოცნა  
დაუწყო.

ხარიც ალერსით შეჭიმულდა გახარებულს  
სოსოს და კოცნის მაგივრად პირს ულოკავდა.

1892 წ.



## ჭარამ-ხანის სურათი

(ფსიხოლოგიური ეტიუდი).

ლამის ორი უამი იქნებოდა, როცა სოლომონ ბერიკაშვილი უეცრად ლოგინში წამოჯდა აღშფოთებული და ერთს ადგილს დააცემდა. რამდენსამე ხანს გაშტერებული იჯდა, თითქოს ჯდომელას ჩაეძინაო, შემდეგ საჩქაროდ მოიფრინიტა თვალები და სთქვა: „სიზმარი ყოფილა“—ო. მერე მძიმედ მიესვენა ბალიშზედ და ხვრინვა ამოუშვა. იმისს ტკბილს ხვრინვას ბანს აძლევდა ერთის მხრით კედლის საუამის განუწყვეტლივი კაკუნი და მეორე მხრით—ლამის ლამპრის შრიალი... მაგრამ, სამწუხაროდ, ამ საამურს „ტრიოს“ ერთს უამზე მეტი ხანი არა ჰქონდა. კედლის საუამემ სამჯერ წამოაწკარუნა და სწორედ იმ დროს სოლომონიც დაჭრილი მშველივით წამოვარდა ლოგინიდგან და აჩქარებულად დაიწყო სიარული ნოხით დაფენილი იატაკზედ.

— ახა, ლმერთო! ამისთანა საშინელება-და იქნება რამე?.. — სირბილის დროს აკანკალებუ-

ლის ხმით ჰყვიროდა და თან ხელებს აფათუ-  
რებდა.—პირში მაფურთხებლნენ!.. მე... მე...  
იმოდენა ხალხში დამდგომოდნენ და მარცხვენ-  
დნენ!.. ნეტავი ხალხი მაინც არა ყოფილიყო  
და რაც უნდა ექნათ!

ნაწყვეტ-ნაწყვეტათ ამბობდა სოლომონი  
და მეტის აღელვებისაგან იმისი გული აღიოდა  
და ჩადიოდა და საშინელი ბაგა-ბუგი გაჰქონდა,  
რაიც სუნთქვას უსუთავდა და ლაპარაკს უშლადა.

— მიყვიროდნენ,—განაგრძო სოლომონმა:  
— რატომ პირობა არ შეასრულეო, შე უსირც-  
ხვილოვო, შე უსვინიდისოვო!.. ჰმ, ჰმ!.. იმ მას-  
ხარებმაც მე უნდა მარცხვინონ?!.. პირობა რა-  
ტომ არ შეასრულეო? ჰმ!—სოლომონმა მწა-  
რედ გაიღიმა: — მერე რა პირობა! იმისთანა სუ-  
ლელურის პირობის აღსრულება შესაძლებე-  
ლია?! განა შეიძლება კაცმა თავისს ცხოვრე-  
ბაში ის აზრები გაატაროს, რომელსაც ბავშვო-  
ბის დროს, ოცნებობით გატაცებული მაღლა  
ფარდებში ფრენის დროს, გაიძახის და რომ-  
ლის აღსრულებაზე ფიცსა და პირობასა სდებს?!  
ცხოვრების ყოვლად უმეცარნი, იმ დროს გავი-  
ძახით, ამასა და ამას გავაკეთებთ, ასე და ასე მო-  
ვიქცევითო; სიამოვნებით ფიცსა ვსდებთ, მაგ-  
რამ იმ აზრების, იმ ფიცის აღსრულება ყოვ-

ლად შეუძლებელია. მაშინ ის გატაცება ამის-  
 თანა აზრებით იმისთვის არის ისე ტკბილი,  
 რომ ოცნებაა და არა სინამდვილე; თორემ სი-  
 ნამდვილე რომ იყოს, ისე ტკბილი აღარ იქ-  
 ნება. შესაძლებელია იმ პირობის აღსრულება,  
 რომელიც ძალას გვატანს, რომ ჩვენის მოქმე-  
 დების ასპარეზად სოფელი გავიხადოთ, აღვად-  
 გინოთ დაცემული ხალხი, გავანათლოთ, ამო-  
 ვუდგეთ მხარში, იმათთან ერთად ვიტანჯოთ  
 და ამ ტანჯვით და შრომით, როგორც მაშინ,  
 ოცნების დროს, გავიძახდით, ვისიამოვნოთ? თუ-  
 კი ტანჯვითა და შრომით შესაძლებელია ისია-  
 მოვნოს კაცმა, მაშ რაღად გვინდა შევუმოკ-  
 ლოთ იმ ტანჯულთა და მშრომელთ ტანჯვა  
 და შრომა? ეჭ, ბევრი იმისთანა სისულელე წარ-  
 მოგვითქვამს და გვიყვირნია, მაგრამ იმათი შეს-  
 რულება ყოვლად შეუძლებელია! ვინც ამას  
 ასრულებს, მე ვიცი, იმისთანა სიკეთეს შეეყ-  
 რება, რომ მეტი აღარ იქნება. განა აქნამდის  
 ვერ დარწმუნდნენ, რომ განათლებული კაცი  
 სოფელში გამოტვინდება, გამოყრუვდება და ვე-  
 რას გაარიგებს? სულელები, სულელები! სხვა-  
 საც არცხვენენ, პირში აფურთხებენ გამოფხინ-  
 ლებისათვის, ოცნებიდგან გამორკვევისათვის.

სოლომონი ამ მსჯელობის დროს მშვიდე-

ბოდა და აჩქარებულს სიარულს უკლებდა. ბოლოს, ისე დამშვიდდა და გულმა ისევ ჩვეულებრივ დაუწყო მუშაობა, რომ კაცი ვეღარც-კი შეატყობდა, თუ ამ რამდენისამე წუთის წინ ისე გაშმაგებული და გაბრაზებული იყო ცუდის სიზრის გამო. ცოტა ხანს კიდევ სიამოვნობდა ბოლოთის ცემით და შემდეგ საწოლთან შეჩერდა. შეჩერებას გულალმა გადაწოლაც მოჰყვა. თუმცა დამშვიდდა, მაგრამ ძილი მაინც გაუფრთხა და, გულალმა გადაწოლილი, ათას ნაირს ოცნებასა და ფიქრს მიეცა. სოლომონმა გადაავლო გონების თვალი თავის წარსულს, თავის სტუდენტობის დროის ცხოვრებას.

ბევრი რამ კარგი მოაგონდა სოლომონს იმ ცხოვრებიდგან და ამ მოგონებამ ძალიან კარგს გუნებაზედ დააყენა. მოაგონდა ის საღამოც, როდესაც ამხანაგებმა უკანასკნელი ეგზამენის შემდეგ ერთმანეთთან გამოსამშვიდობებლად ნადიმი გამართეს. დასაწყისიცა და დასასრულიც ამ საღამოსი ისე ნათლად წარმოუდგა სოლომონს, თითქოს ლოგინზედ-კი არ არის გადაჭიმული, ამხანაგებს შუაა და იმათთან ერთად მუსაიფობს და მხიარულობს. აგერ, თავის ამხანაგის ის პატარა ოთახი, რომელშიაც ძლივს ეტეოდნენ სტუდენტობიდგან იმ დღეს გამო-

სული ამხანაგები; ის, ის მაგიდაცა, რომელზე-  
 დაც ლუდითა და არყით სავსე ბოთლები და  
 ცარიელი ჭიქები ეწყო, რადგანაც ჯერ კიდევ  
 რამდენიმე ამხანაგი არ მოსულიყო და ამათ  
 მისვლას-ლა ელოდნენ, რომ ჭიქები გაევსოთ...  
 აი, დანარჩენებიც მოვიდნენ. ეხლა უფრო გამ-  
 ხიარულდა ოთახი; ეხლა უფრო სხვანაირი ფე-  
 რი დაედო ამხანაგების წრეს, ეხლა ერთმანე-  
 თის სადღეგრძელოს სმენ და მხიარულობდნ. ბაასი უფრო გაცხოველდა, რომელიც ხან და  
 ხან, საერთო სიმღერებისა გამო, შესწყდებოდა  
 ხოლმე. ასე და ამ გვარად წამი წამს მისდევდა,  
 ჟამი ჟამს და შუა ლამე ისე გადავიდა, რომ  
 ვერც-კი შეიტყვეს. ბოლოს, ერთი მათგანი  
 წამოდგა, აიღო ხელში სავსე ჭიქა და ლაპარა-  
 კი დაიწყო. დანარჩენთ სული განაბეს და სმე-  
 ნად გადაიქცნენ.

„ამხანაგება, — ასე დაიწყო ორატორმა:  
 ვინ იცის, ეს უკანასკნელად ვართ ერთად შეუ-  
 რილნი, უკანასკნელად ვხედავთ ასე შეკრებილს  
 ერთმანეთს! დღეს, ხვალ, ზეგ სათითაოდ გავე-  
 შურებით ჩვენის ბუდეებისაკენ, ჩვენის ქალაქე-  
 ბისაკენ, ჩვენის სამშობლოსაკენ, სადაც სიხა-  
 რულით და გულის ფანცქალით მიგველიან ჩვენი  
 მშობლები, ჩვენი ძმები და ერთი. ვინ წარმოიდ-

გენს იმათს სიხარულსა და აღტაცებას, ოოდე-  
საც თვალს მოგვკრავენ? განა მარტო ჩვენი  
ნახვა. გაახარებსთ, განა მარტო ჩვენი ხილვა  
დააკმაყოფილებსთ? არა და არა! მარტო ჩვე-  
ნი ხილვა არა კმარა იმათთვის. ისინი უფრო  
სხვა რასმე მოელიან ჩვენგან, უფრო სხვა დიდ  
მოვალეობას გვდებენ კისერზედ, რომლის პირ-  
ნათლად აღსრულებაც ჩვენის მხრით საჭიროა.  
აბა, ყოველმა ჩვენგანმა მიიხედოს უკან, რას  
დაინახავს? დაინახავს ერთ უზარმაზარ მთას,  
კავკასიონის მთებზედ უმაღლესს (ამ სიტყვების  
ხსენებაზედ იმან სოლომონსა და სხვა იქ მყოფს  
ორს ქართველს სტუდენტს გადაჭედა და გაუ-  
ლიმა), იმ ნივთიერებისაგან შემდგარს, რომე-  
ლიც ჩვენს გამოზრდაზედ ჩენმა ტანჯულმა  
ერმა, ჩვენმა მშობელმა ერმა ცრემლითა და  
ოფლით შეადულა. განა ამას შემცირება, ამას  
სამაგიეროს გადახდა არ უნდა? განა ეს ამოდე-  
ნა მთა ვალად უნდა გვედოს კისერზედ? არა,  
თუ კაცნი ვართ და გვსურს კაცის სახელის  
ტარება, უნდა ვეცადნეთ, რომ ერთი-ორიც  
მივუწყოთ ჩვენ ტანჯულთ. ვიცი, ყველანი  
დამეთანხმებით, მაგრამ აი საქმე ის არის, რა  
გზით, რა საშუალებით, როგორ უნდა ვიშრო-  
მოთ ცხოვრებაში, რომ სამაგიერო გადავუხადოთ

ჩვენის მოქმედებით, რაღანაც ყოველს მოქმედებას არ მოაქვს სასურველი სარგებლობა. აი, ამისათვის მე მსურს, ჩემი აზრი წარმოვსოდეს იმის შესახებ, თუ რა უნდა ვაკეთოთ ცხოვრებაში, რომ თვალსაჩინო სარგებლობა მოვუტანოთ ერს, და ამითი მოვიშოროთ ის ვალი, რომელიც კისრად გვაწევს“. ამას შემდეგ ორატორმა დაწვრილებით განმარტა მომავალი მათი მოღვაწეობა.

სოლომონი ამ დროს ისე გატვრინებული იყო და გადაწოლილი თავისს ლოგინში, თითქოს იმისი ამხანაგი ეხლა ლაპარაკობდა და არა მაშინ. „იქნება,— მოესმა სოლომონს თავის ამხანაგის სიტყვებიც:— იქნება, მოხელეებათ ყოფნით, რომელსამე დაწესებულებაში სამსახურით რამე სარგებლობა მოვუტანოთ? არა მგონია, რომელმამე თქვენგანმა სთქვას: „იქნებაო“, რაღანაც კარგათ ვიკით, რომ სამსახურში შესვლისათანავე ისეთ თანამდებობას არ მოგვცემენ, რომ ამ თანამდებობის საშუალებით რაიმე კეთილი მოვიმოქმედოთ. ხომ ასეა: თუ გინდა სამსახური, უეჭველად პირველი საფეხურიდგან უნდა დაიწყო და მერე თანდათან ზემოთ წახვიდე. პირველის საფეხურიდგან სამსახურის დაწყება ჩვენთვის-კი შეუძლებელია... არა, შესაძ

ლებელია, მე იმას არ ვაშობ, ვითომც ვერ შევსძლებთ-მეოქი, ან კიდევ არავინ მიგვიღებს... არა, შესაძლებელია, მაგრამ ეს „შესაძლებლობა“ გამოყრუებას, გამოტვინებას ეთანაბრება, რადგანაც სამსახურში პირველი საფეხური ისეთი ეკლიანია, ისე არიან დატვირთულნი ამ საფეხურზედ მდგომნი, რომ გამოტვინება აუცილებელი შედეგია. ხომ ასეა: თითქმის მთელის დაწესებულების მეხანიკური ტვირთი პირველ საფეხურზედ მდგომთ, ეგრედ წოდებულ „გადამწერელთ“ აწევსთ კისერზედ. ეს ტვირთი-კი ისე მოქმედებს კაცის გონიერასა და გრძნობაზედ, როგორც ჭლექი ფილტვებზედ. კაცს ისე შეუმჩნევლად, ნელის ნაბიჯით, იმ მდგომარეობამდის მიახწევინებს, რომელსაც „გამოჩურჩუტება და გამოტვინება“ ეწოდება. საქმეც იმნაირად არის დაყენებული, რომ ვიდრე გამოჩურჩუტებას და გამოტვინებას არ შეგატყობენ, ვიდრე თავიანთებურად არ მოგაწყობენ და არ მოგმართვენ, წარმატებას არ გალირსებენ და ამასთან დროსაც არ მოგცემენ, და აბა ახლა თქვენ თვითონ წარმოიდგინეთ, გამოფიტებული რალას გააკეთებს? ყველას გეყოლებათ ის საცოდავი „გადამწერლები“ ნანახი. ისეთი გამორეცხილი და გამოშრეტილი,

ყოველსავე აზრის გამომეტყველებას მოკლებული თვალები აქვს, რომ კაცი პირველ შეხედვაზედვე შეატყობს, თუ რა საქაჯავში არის გამოსუტურებული. თუ ამნაირი თვალები არ გინახავსთ, მაში ნაშუადლევის ორიდგან თოხ საათამდე დადეჭით რომელისამე დაწესებულების კარებთან და ადვილად შეგიძლიანთ ნახოთ... ამ, რა თვალებს ნახავთ!.. ეხლაც ვხედავ ამ თვალებს; აი, თითქოს ამ ჭიქიდგან გამოიცქირება და უაზროდ ეცეცება!.. დახუჭე, დახუჭე, თქვენი გულ-გრილად ნახვა არ შემიღლიან!..“.

„აბა, გინდათ, თქვენც ამ დასში ჩაეწეროთ?..“ — ეს სიტყვები რომ მოაგონდა, სოლომონი შეიჭმუხნა და ხელები გააფათურა: „ეგ ტყუილია, მეც ვიყავი ცოტა ხნით, მაგრამ არ გამოვტვინებულვარ.“ ამ სიტყვების შემდეგ სოლომონს მოაგონდა ახლა სამსახურში შესვლა, — ის დრო, როდესაც უმაღლესი სწავლით აღჭურვილი დაბრუნდა სამშობლოში, მაშინვე ტფილისისკენ გაეშურა სამსახურში შესასვლელად და ჩქარაც შევიდა თავის დედიდა მარიამის წყალობით, რომელიც ფრიად განთქმული იყო (ჭიჭით და გონებით-კი არა, ამ თვისე-

პით ტფილისში დედაკაცი ძნელად გაითქვამს სახელს), თავისი სილამაზით.

მარიამი მართლაც ისეთი ლამაზი იყო, ძნელად თუ რომელიმე წვეროსანი გულ-გრილად დაუწყებდა მზერას. იმის დანახვაზედ კაცს, ღრმად მოხუცებულსაც-კი, პირში ნერწყვი მოუვიდოდა და თუ პირს მაგრად არ მოჰკუმავდა, იქნება ნაკადულივით დორბლსაც გადმოეხეთქნა. ამის-თანა სილამაზისა იყო დედიდა მარიამი და აბა რომელი თავხედი უფროსი არ აასრულებდა იმის თხოვნას!

აი, სწორედ ამ დედიდა მარიამმა შეაყოფინა თავი ერთ დაწესებულებაში, სადაც ეხლა კარგი ადგილი უჭირავს, თუმცა-კი ექვსი თვე უჯამა-გიროდ იყო და უბრალო გადამწერლის თანამ-დებობას ასრულებდა; მაგრამ ექვსი თვეც სა-კმარისი იყო, რომ სოლომონის თავის ჩარხები ისე მოეწყოთ, როგორც სურდათ, ან რო-გორც სხვა იქ მსახურების თავი იყო მოწყო-ბილი. იმ ექვსი თვის განმავლობაში იმნაი-რად მოიმართა და ისე მოეწყო, რომ სხვა თა-ვის ძმებს არ ჩამოუვარდებოდა. დაწესებულე-ბის ადამის ჟამის დროს მიღებული წერილების ფორმები ისე შეითვისა, რომ კალმით, ხელი რომ ისეც გაექნია, მაშინვე „მაქვს პატივი,

წარმოგიძლვნათ... და ამასთანავე უმორჩილესად  
 გთხოვთ...“ და სხ. გამოიხატებოდა. იმისი თავი  
 გამადიდებელის შუშითაც რომ გაგესინჯათ, ამა-  
 ზე მეტს ვერას ჰპოვებდით; მაგრამ სოლომონი  
 ამას გამოტვინებას არ ეძახდა და აი ამისთვის  
 წარმოსთქვა ეხლა ის წინააღმდეგი აზრი, არ  
 გამოვტვინდიო, როცა თავის ამხანაგის უკანა-  
 სკნელი სიტყვები მოაგონდა.

ამას შემდეგ სოლომონი ისევ გატვრინდა  
 და გონების თვალი ისევ იმ საღამოს დაუბ-  
 რუნდა. „..მაშასადამე,—მოაგონდა სოლომონს  
 ისევ თავისი ამხანაგის სიტყვები,—ჩვენ ამ ეკ-  
 ლით სავსე გზაზედ ბევრი გაჭირვება, ბევრი  
 უსამართლობა დაგვატყდება, მაგრამ, რაც ძა-  
 ლი და ლონე შეგვწევს, უნდა ვეწინააღმდეგოთ  
 ამ უსამართლობას, ამ გაჭირვებას. ეკლიანი  
 გზაა, მაგრამ ფხიზელია და სიფხიზლე ხომ ადა-  
 მიანის ერთი საუკეთესო განძთაგანია; მაშ ნუ  
 შევუშინდებით ამ ეკლიანს გზას, ზედ ვიაროთ,  
 თუ რამ უბედურება შეგვემთხვა, რაც ხშირად  
 მოსალოდნელია, ჩვენც ისე მოვიქცეთ, რო-  
 გორც მთავარ-ანგელოზი ურჩევს თავის ქვე-  
 შევრდომთ „ფაუსტში“:

„რაც არ მოგწონთ, უარჭეავით,  
 რაც გაშვითებთ უცნაურად,

ნე მთითმენთ, ეთვედ ძაღას.

წინ დაუხვდით ვაჟპატურად.“ \*)

„ამით ვათავებ ჩემს სიტყვებს და ამასთა-  
ნავე ჭიქასაცა ვცლი.“

სოლომონს მოაგონდა, როგორის „ვაშა,  
ვაშას“ ძახილით დააჯილდოვეს ორატორი და  
შემდეგ იმისმა სიტყვამ რა აყალ-მაყალი, სჯა  
და ბაასი გამოიწვია იმათ შორის. განთიადისას  
ერთმანეთს გამოეთხოვნენ, გადაჰკოცნეს, ყო-  
ველივე კეთილი ისურვეს ერთმანეთისთვის და  
დაიფიცეს, რომ ყველანი სინიდისიერად შევას-  
რულებთ, რასაც ვესწრაფვითო.

— კარგია ყველა ეს, მაგრამ ოცნებაა! —  
წარმოსთქვა სოლომონმა, როცა ყოველივე წარ-  
მოუდგა თვალწინ.

შემდეგ მძიმედ გაიზმორა, ერთი საშინლად  
დაამთქნარა, თვალები მილულა და მძიმედ და-  
იწყო სუნთქვა. ტუჩებზედ-კი ლიმი უხტოდა და  
უთამაშებდა. ბოლოს, მძიმედ გაახილა, მძი-

\*) Was euch nicht angehört,  
Musset ihr meiden,  
Was euch das innere stört,  
Dürft ihr nicht leiden.  
Dringt es gewaltig ein,  
Müssen wir tüchtig sein.

მედვე გადაატრიალ-გადმოატრიალი თვალები და პირდაპირ კედელზედ ჩამოვიდებულს ჰარამ-ხანის სურათს ჩაკვირდა, იმ სურათს, რომელზედაც მშვენიერნი და კეკლუცნი იყვნენ გამოხატულნი. სამი ქალი იყო ამ სურათზედ გამოხატული და სამივე ერთი ერთმანეთის მჯობი. ერთი მათგანი უდარდელად იყო წამოწოლილი და წამოხურული ჰქონდა ფარჩის საბანი, რომელიც მარტო ქვედა ტანს ჰქონდა. სიცოცხლით სავსე მკერდი და მოღიმარი სახე სოლომონისაკენ მიექცია. მეორე თავით ეჯდა ამ ქალს, მესამე-კი ფეხზე იდგა. სამსავე თითო თუთიყუში ეჯდა სალოკ თითზედ და ეალერსებოდნენ. „რა კარგი იქნება, რომ გაცოცხლდნენო,“ — ცოტა ხნის შემდეგ გაიფიქრა სოლომონმა და უფრო ძალიან ჩაკვირდა ამ სურათს.

ლამის ლამპარი-კი თავისებურად შიშინებდა. იმისი ალი მძიმედ იბუშტებოდა და ოთახს მკვარივით ანათებდა. მაგრამ უეცრად იფეთქავდა, მოილებდა ოდნავ ტკაცანს, ძირს ჩაექანებოდა და ოდნავ მბჟუტავს წერტილს-ლა ემსგავსებოდა. ასე ადიოდა და ჩადიოდა ლამპრის აღი, რომლის მოძრაობაზედაც მთელი ოთახი და მისი მოწყობილება ციმციმებდა.

სოლომონმა ინატრა იმათი გაცოცხლება

და მერე კვლავ ათასნაირს ოცნებას მიეცა. ფიქტურა წაიღო, როგორ ვისიამოვნებდი, რომ გაცოცხლებულიყვნენო. სურათისთვის თვალი აღარ მოუშორებია.

თითქოს სოლომონს ნატვრა უსრულდებათ, სურათი თანდათან მოძრაობაში მოდის. აგერ თუთიყუშებიც შეინძრნენ, ფრთები შეიბერტყეს, შეფრთხიალდნენ და ქალებს უეცრად ხელიდგან გაუსხლტნენ. ქალებს თუთიყუშების თავგახელება არ ესიამოვნათ და სახე შეიჭრება უსიამოვნების ნიშნად. ერთი მათვანი ისარივით იატაკზედ ჩამოეშვა და თუთიყუშებს დაედევნა. სხვა ორი ქალიც მიეშველა და ეხლა სამი ხოლოდშობილი ქალი ცდილობდა თუთიყუშების დაჭრას; მაგრამ გაეშმაკებული თუთიყუშები მაღლა დაფრინავდნენ და დაცინვით თავს დასჩაოდნენ. საწყალი ქალები დევნით მოიქანცნენ, ვერას გახდნენ-რა. თითქოს ამათმა მოქანცულობამ სხვა სურათების ქალებს შორის სიბრალული აღძრა, ისინიც მიეშველნენ ამათ. აი, ეხლა გაიმართა საზოგადო სირბილი, ყიჯინ-ყვირილი, სიცილ-კისკისი, ხვევნა-კოცნა...

სოლომონი ხედავს ამ სურათს, უნდა ისიც წამოდგეს და ამ ხოლოშობილთა გუნდში ჩაერიოს, მაგრამ ვერ მოუხერხებია.

აქამდის შეუმჩნეველი, ეხლა ერთმა ყველაზედ ლამაზმა პარამ-ხანის ქალმა, რომელიც იმის პირდაპირ შესდგა, შენიშნა სოლომონი. ქალმა გაულიმა, შეათამაშა მკერდი და იმისკენ სრიალით წავიდა. სოლომონი აღტაცებაშია. წამოვარდა ლოგინიდგან და ხელები მოსახვევათ გაშალა, მაგრამ... მაგრამ იატაკზედ-კი პირქვე გაიშხლართა. ამ დროს მოესმა საშინელი კისკისი.

„ჰა!“ შეპლრიალა სოლომონმა და მარდათ წამოდგა, მაგრამ მარტო-ოდენი საუამის კაკუნი და ლამპრის შრიალი-და მოესმა.

1892 წ.



„ა და მიანი!..“

თედო გელიაშვილმა გაჰკრა ასანთი და ყელ-მოლერებული ლამპარი აანთო. იმის ბუნდ შუქზედ პირველად თვით გელიაშვილის მიმკრთალმა სახემ დაიწყო ციმციმი და შემდეგ მთელი ოთახი კედლებით და მოწყობილობით გამოირკვა: ორი დაძველებული, თავებით ერთმანეთზედ მიღებული ტახტი, ორი დანჯლრეული მაგიდა და აგრეთვე ტაბლა, რომელზედაც დახროვებული იყო წიგნები და სხვა-და-სხვა საგნები, როგორც: ჭიქები, საწერ-კალამი, ცარიელი ასანთისა და თუთუნის კოლოფები, ნევსი და ძაფი, გამხმარი პურის ნამტვრევები და კიდევ სხვა ამისთანები. აი, მთლად ოთახის სამკაული, თუ-კი მხედველობაში არ მივიღებთ და სამკაულად არ ჩავთვლით ერთ თიხის მათრათს, რომელშიაც თედო და იმისი ამხანაგი გაბო აბურაშვილი პირს იბანდნენ, და თუნუქის ჩაიდანს, თუნუქისავე ნავთის ჭურჭელს და ნავთის სამზარეულოს, რომელზედაც ჩაისთვის წყალს ადუღებდნენ.

თედო თავისს დიდრონისა და მორღვეულის

თვალებით დიდხანს დასცემეროდა ყელ-მოლერე-  
ბულს ლამპარს და რასღაც ფიქრობდა.

— ეჭ, ამისთანა ცხოვრებაც დაიქცეს! —  
წამოიძახა ბოლოს იმან და წიგნებს წამოავლო  
ხელი; — დღეს თუ იმას ფული არ მისცეს, სი-  
ცივით დავიხოცებით! — განაგრძო ისევ და იქვე  
ტახტზედ მოწყვეტით დაეშო. ტახტი შეირყა,  
შეტორტმანდა და უეცრად შუა წელში ჩაიკეცა.  
თედოც დაჰყვა შუა წელს, რაღვანაც აღგომა  
ვერ მოასწრო, და, როგორც ხაფანგში, ტახ-  
ტის თავსა და ბოლოს შუა მოჰყვა.

— ფუ, შე ვერანო! .. — წამოიძახა თედომ  
და ხველა აუვარდა.

დიდხანს ახველა ყრუდ თედომ და, რო-  
დესაც ხველა გადაუვარდა, თავი გაითავისუ-  
ფლა.

— რა გატოკებთ, თქვე ოხრებო?!. — ბუზ-  
ლუნით წაუტია გადმოფანტულს წიგნებს, რო-  
მლებიც ტახტის შუა წელის ფეხების დანიშნუ-  
ლებას ასრულებდნენ, და შემდეგ ტახტს სწო-  
რება დაუწყო.

— მობრძანდით! შენ საფუძვლად დაედე,  
ხომ თითქმის შენზეა დამყარებული ეხლანდელი  
მეცნიერება. ახლა შენ ვინ დაგადო ზევიდან, რომ  
ჩხუბი არ მოგივიდეს?!. აბა შენ ვინა ხარ?.. ჰო შე-

ნა?! არა, შენ სულ არ ჩაგირთავ აქ, თორემ არავის  
მოუსვენებ და ჩემს კოჭლ ტახტს ისევ ეშმაკს  
შეუსვამ... ისევ შენ მოდი, ჩემო ჰკვიანო, შენ  
უწყინარი რამა ხირ... ეხლა? ეჭ, ვინც უნდა  
იყოს! თქვენ ფილოსოფოსი-მეცნიერები ხართ,  
ჩხუბი არ უნდა მოგივიდეთ. თუ აზრებში არ  
ეთანხმებით ერთმანეთს, ისე უტოკველად, ტა-  
ნის შეურხევლად იკამათეთ და დაარღვიეთ ერთ-  
მანეთის აზრი... რა არის, თქვე დალოცვილე-  
ბო, მთელი ქვეყნის გასწორებას, შეცვლას ლა-  
მობდით და ეს ჩემი მინგრეული ტახტი-კი ვერ  
დაგიმაგრებიათ!.. ამას შემდეგ რას უნდა მოვე-  
ლოდე თქვენგან?!.

ასე ებაასებოდა თედო წიგნებს ტახტის სწო-  
რების დროს და ხამუშ-ხამუშ ყრუთ ახეელებდა.  
ლამპარი-კი ზევიდგან ყელ-მოლერებული თით-  
ქოს ზიზლით და დაცინვით დაპირ-ფიტებდა  
იმას.

როდესაც თედომ გაამაგრა ტახტი, საბანი  
წაიხურა და ისე დაიწყო წიგნის კითხვა. ამ  
დროს კარები ვინდაც დააბრახუნა.

— შემოდი, ვინა ხარ? — წამოიძახა თედომ  
და ფეხზედ წამოდგა.

— წერილი არის თქვენთან! — შემოსვლისა-

თანავე წამოიძახა მოსამსახურე გოგომა და წერილი გაუწოდა.

— ვინ მოიტანა?

— ფოსტალიონმა.

თედომ მაშინვე მოხია თავი და წაიბუტბუტა: „შენიდგან იქნება.“

— ქალბატონმა, სახლის ქირა გამოგზავნეთო!

— რაო? — წაუტია თედომ, როდესაც წერილის ფურცლები გაშალა.

— რაო და, სახლის ქირა გამოგზავნეთო! — თამამად უპასუხა გოგომ.

— სახლის ქირა-კი არა, ქირს გავუგზანი! — წადი და უთხარ ქალბატონს, ფულებს რომ თხოულობ, რატომ სახლის არ გვითბობ-თქო.

— რითი გაათბოს, თუ-კი ქირას არ იძლევით?

— შენ ვინ რას გკითხავს?! წადი, ასე უთხარი: „თუ ოთახს თბობას არ დაუწყებ, ერთ გროშსაც ვერ მიიღებ-თქო.“

გოგო გაბრუნდა და ბუზლუნით კარი გაიბრახუნა.

— რა უსინიდისოებს შევხვდით!.. ნეტავი ეხლა ფული გვქონდეს, რომ გავსწორებულიყავით და სხვაგან გადავსულიყავით, — გოგოს

თვალის გაყოლებით წამოიძახა თედორ და ერთი ორჯერ გაიარ-გამოიარა, რის შემდეგაც ისევ ლოგინს მიჰმართა.—მგონი გარედ უფრო თბილა, ვიდრე ჩემს ოთახში!—საბნის წახურვის დროს წამოიძახა იმან და წერილის კითხვა დაიწყო.

კითხულიობდა უხმოდ, ჩუმად და რამდენადც ქვეით მიღიოდა, იმდენად სახე. ეჭმუხნებოდა და უსიამოვნების ნიშანი ეტყობოდა ზედ. წაიკითხა ერთი გვერდი, მეორე და მესამის წაკითხვა-კი ვეღარ შესძლო, რაღანაც თვალები ცრემლით აეცსო და ტანში მოშლილ-სავით მკლავები ძირს ჩამოუცვივდა.

— საყვარელო მშობელო! — ტირილის ხმით წამოიძახა და ლოგინში წამოჯდა: — უკანასკნელ მდგომარეობამდის მიგიხწევიათ, არი-არად გიხდებათ სიარული და მე-კი იმის მაგიერ, რომ ამისთანა გაჭირების დროს დაგეხმაროთ, პირიქით „ფულები გამომიგზავნეთ“-მეთქი, გწერთ!.. დახმარების მაგიერ, მინდა კიდევ თქვენ გამოგართოთ; გწერთ ჩემის უკიდურესი მდგომარეობის ამბავს, გთხოვთ ფულს და მით გიორკეცებთ თქვენს ტანჯვას. საიდგან მოვიპოვე ამისთანა უსინიდისობა, რომ მაგრე... ეჭ! საყვარელო მშობელო, მაპატივე, დამნაშავე ვარ შენს

წინაშე... შენმა წერილმა თვალები ამიხილა და  
 ეხლა ცხადად ვხედავ, რომ მე უსინიდისოდ  
 მოგექეცით; ვხედავ ჩემს დანაშაულს და კიდეც  
 ეს მტანჯავს, ცეცხლს მიკიდებს; შენი სიტყვები  
 ისარივით მხვდება გულში და ისეც დაწყლულებულს წყლულს მიმატებს... მამი, მამი, შენს  
 თეორ წვერს პატივი არ ვეცი, შენი ცრემლები  
 შეურაცხვყავ და არ გაგიგონე. ეხლა ვგრძნობ,  
 რომ შენი სიტყვები: „იქმარე, შვილო, ნუ მი-  
 დიხარ... შენ გარემოებას დახედე და ისე მოი-  
 ქეც!..“— მე არ გაგიგონე. მეგონა, ჩემი გზა  
 ია და ვარდით იქნება დაფენილი. და მოვიკლავ  
 სწავლის წყურვილს-მეთქი, მაგრამ რას ვხედავ?!..  
 ხა, ხა, ხა!.. სწავლის წყურვილის მაგივრად,  
 უმნიშვნელოდ, ლუკმა-პურის მოპოვების ბრძო-  
 ლაში მირბის ცხოვრება!.. რომელს მივდიო?..  
 ლუკმა-პურს თუ სწავლას? ორსავე ჩავეჭიდე და  
 აი შედეგი: ორად მოხრილი რისლა მაქნისი ვარ?  
 ცუდი გარემოება ზოგს კლდეთ აქცევს და  
 ზოგს-კი... ზოგს-კი მიწასთან ასწრრებს, აქცევს  
 ბუმბულად და, საითაც უნდა, იქით გააქანებს.  
 ნეტარება პირველთ! ისინი ცხოვრებაში გამარ-  
 ჯვებულნი არიან, გმირებად ხდებიან; მეორე-  
 ნი-კი...

სიტყვა ვეღარ დაათავა თელომ, რაღვანაც

საშინელი ყრუ ხველა აუვარდა, რამაც სული აღარ მოაქცევინა და ჩააბურა. გულზედ რა-ლაც აწვებოდა, უნდოდა ნახველისათვის ამოე-ყოლებინა, მაგრამ ნახველიც არ ამოდიოდა. დიდხანს ახველა და ბოლოს ძლივ-ძლივობით ამოილო ნახველი...

რანაირად ესიამოვნა! ამისთანა სიამოვ-ნება, რაც თავი შეუსწავლია, თავის სიცოცხ-ლეში ჯერ არ უგრძვნია. თედო დამშვიდდა, დაწყნარდა და სიამოვნების ოფლმა შუბლზე გადმოჰქონდა. მთლად დამშვიდებული წამოდგა, სიამოვნებისაგან აცახცახებულ გამხმარ თითე-ბით შუბლი მოიწმინდა და თიხის მათრათში პირიდგან ნახველი გადმოაგდო...

— აჲ, დედავ!... — წამოიძახა თედომ, რო-ცა პირი გაინთავისუფლა და გაფიტრებული სახე ნახველს მიაპყრო, რო ენახა, ასე რა არ-ჩობდა და რის მოშორებამ აგრძნობინა ისეთი სიამოვნება. ყელ-მოღერებულ ლამპრის ბუნდ შუქზედ კარგად ვერ გაარჩია ნახველი და ამი-სათვის მათრათი ლამპრის ახლო მიიტანა.

რა მოუვიდა თედოს, რომ მაგრე, ისეც გაფიტრებული, უფრო გაფიტრდა, ხელები სა-შინლად აუცახცახდა და მათრათი ხელიდგან

გაჰვარდა, რომელიც მაშინვე იატაკზედ ზედ  
შუაზედ გადიშალა?

თედომ ტაბლას ხელი სტაცა, რომ არ  
გადაქცეულიყო, რადგანაც მუხლები მოეკეცა  
და გული გადაეფერა, ყურებმა საშინლად შუ-  
ილი დაუწყო, წელი გაუხურდა და ცივმა ჭი-  
რის-ოფლმა დაასხა ტანზედ.

ასე გადაქცევაზედ კარგა ხანს იდგა და  
განძრევას ველარ ახერხებდა. იდგა და გაშტე-  
რებით, უგონოდ კედლის ერთ წერტილს მის-  
ჩერებოდა, რომელიც ჯერ დამსხივნულ რგო-  
ლად სჩანდა, მერე თანდათან გადიდდა, სხივე-  
ბი შორს გაჰფანტა; რამდენადაც დიდდებოდა  
ეს რგოლი, იმდენად უფრო შემოხაზულობას  
ჰკარგავდა და ბუნდით იმოსებოდა; ბოლოს  
მთელი კედელი სულ შეიპყრო ამ რგოლმა და  
მთლად შავ ზეწრად გადაიქცა, რომელზედაც  
წვრილი ბჟყვრიალა წერტილები დაციმციმებდა  
და ხანდისხან ბჟყვრიალავე ხაზი გველივით გა-  
იკლაკნებოდა...

წერტილი ჩქარა გამოირკვა. თედოს გაუ-  
გრილდა ზურგი, ყურების შუილი შეუდგა და  
გონი მოეცა, მაგრამ ეხლა სიცივის კანკალმა  
აიტანა.

— ჰუ, ჰუ, ჰუ!... - განგებ ჩახველა თედომ

და ნახველს თითები მიუშვირა. გადმოფურთხ-  
ვის უმაღვე ის თითები წითლად შეეღება.

— ეს-ლა მაკლდა!... — გულდაწყვეტით წა-  
მოიძახა იმან, როცა წითლად შეღებილ თი-  
თებს დაჰვარდა, და სასოწარკვეთილებით ჩაიქნია  
ხელი...

— უჰ, უჰ!.. რანაირად ჰყინავს! — წამოიყვი-  
ლა ამ დროს შემოსულმა გაბომ, რომელსაც  
წვერი და ულვაში წვრილის ლოლუებით მოჰ-  
ჭედოდა, რის გამოც ის ჭალარა შერეულ ადა-  
მიანსავით გამოიცქირებოდა.

იმას მოჰყვა ორი იმავე სახის და სიცივი-  
საგან წელში ორად მოხრილი ამხანაგი.

— სწორედ გითხრა, ქუჩაზე მეტად არც  
აქ თბილა!... — ხელების ფშვნეტით წამოიძახა  
ერთმა მათგანმა და თედოსთან ხელის ჩამოსა-  
რთმევად მივიდა.

— ჩვენ, ჩემო გიგილო, პრინციპით არ  
ვათბობთ ოთახს! — უპასუხა გაბომ და ისიც თე-  
დოსთან მივიდა, რომელმაც ლიმილით გაუწო-  
და ხელი ჯერ გიგილოს და მერე მეორე ამხა-  
ნაგს.

— ბიჭო, რა მოგსვლია, რა ნაირად გა-  
ფითრებულხარ?! — გაკვირვებით ჰკითხა გაბომ  
თედოს.

— არაფერი, რა უნდა მომსვლოდეს! —  
ძალ-დატანებულის ღიმილით უპასუხა თედორ.

— ეგ სულ ეგეთი გაყვითლებულია და ქს-  
ლა შეამჩნიე? — უპასუხა მეორე ამხანაგშა თედო-  
სთან ერთად გაბოს და, როცა არყით საესე  
ღიდი ბოთლი ტაბლაზედ დასდგა, დაუმატა:  
— აბა, ე ქაფიანი გადაჰკრას, როგორ გაწი-  
თლდეს!

— ეგ სადღა გიშოვნია?

— არ იცი, რომ მამა-შენმა გამოგიგზავნა?  
— სიცილით უპასუხა გიგლამ.

— რაც მამა-ჩემმა გამომიგზავნოს, ის მა-  
მა-შენს დააკვეხე, — სამაგიეროდ თედომაც ით-  
ხუნჯა და გაიცინა.

— ემანდე, ქაფიანის დანახვაზედ როგორ  
მომხიარულდი! .. — სიცილით სთქვა მეორე ამხა-  
ნაგმა და თედოს მხარზედ ხელი დაჰკრა.

— ქაფიანის დანახვაზედ-კი არა, შენ და-  
ნახვაზედ მოვმხიარულდი, ჩემო ფიდო!

— ბიჭო, მე ხომ ქალი არა ვარ, რომ  
კომპლიმენტს მეუბნები?!

— რა დროს ეგენია, ძალზედ მშიან! —  
გააჩუმა გიგლამ ფიდო და თედო და შემდეგ  
გაბოს ჯიბეებს დაუწყო ქექა:

— ამოალაგე, საროდიოდ-ლა ინახავ!

— აჰა, გაძეხ! — უპასუხა გაბომ და ჯიბიდ-  
გან ქალალდში გახვეული ხორცეულობა ამო-  
აწყო.

— რა, ფული მოგცეს, გაბო? — ჰკითხა თე-  
ღომ, როდესაც გიგლომ გახსნა ხორცეულობა.

— მომცეს და ეს ოხრებიც მაშინვე გზაში  
უემხვდნენ. რაკი გაიგეს, რომ ფული მაქეს,  
აღარ მომცილდნენ, — სიცილით უპასუხა გაბომ.

— იცი, თეღო, მე და ფიდო მოვდივართ  
და შეხედოთ, შენი გაბო არყის სავაჭრო დუქ-  
ნისკენ აცეცებს თვალებს. მაშინვე ვსოდეთ:  
„აქ კაი ამბავი უნდა იყოსო,“ და წინ ვუყელეთ.  
„აი, თქვე... კუდმა გაგიგოთო!“ წამოიყვირა გა-  
ბომ, ჩვენ რომ წინ შევეფერეთ, და სიცილი  
მორთო. კუდმა კი არა, თითონვე გაგვაგე-  
ბინა. ჩვენც, რასაკვირველია, ამის სიცილს ბანი  
მივეცით...

— რას არ მომცემდით ბანს, როცა ჩემს  
ჯიბეში გეგულებოდათ!.. — სიცილით გააწყვე-  
ტინა გიგლას სიტყვა გაბომ და პალტოს გახდა  
დაიწყო.

— ნუ გეშინიან, ჩემო გაბო, სახვალიო-  
დაც დაგრჩა:

„სანამ გვქონდეს ფულები,  
ვჭამოთ მოხრაკულები,

როცა შამოგველიოს,  
 ჩამოვყაროთ ყურები.“

— ვაი, ვაი, შენს პატრონს!.. ეხლა მამა-შენი  
 ფიქრობს, შვილი უნივერსიტეტში მყავს, მეც-  
 ნიერი ჩამომივაო!.. — სიცილით უთხრა გაბობ-  
 და მერე თედოს მიუბრუნდა: — ბიჭო, გაკვეთი-  
 ლზედ არ წახვალ?

— მართლა, სულ გადამავიწყდა! პალტო  
 რა უყავი?

— აი, — უპასუხა გაბობ და თავისი პალტო  
 მიაწოდა.

— რა დროს გაკვეთილია, ქაფიანი აქ  
 დგას! — წამოიძახა გიგილომ.

— სანამ ჩაის მოამზადებთ, მეც მოვალ. —  
 უპასუხა თედომა და პალტოს ჩაცმა დაიწყო.

— შენი პალტო რაღა უყავ? — ჰკითხა ამ  
 დროს ფიდომ.

— ჩემი კასსაში მივაბარე, რომ არ გამი-  
 ფუჭდეს, — სიცილით უპასუხა თედომ და გაბობ  
 პალტო ჩაიცვა.

— მაინც?

— მაინც და დავაგირავე.

თედომ აიჯეჯა პალტოს საყელო ყურებ  
 ზევით. გაბობ-კი ჩაიდანს ხელი წამოავლო და  
 ჩაის თადარიგს შეუდგა.

— დიდ ხანს არ გვალოდინო! — თითქმის ყველამ ერთად მიაძახეს მიმავალ თედოს.

— არა, — უპასუხა თედომა და კარი გაიხურა.

ის იყო თუნუქის ჩაიდანში წყალი აღულდა, რომ თედომაც კარი შემოალო.

— ბიჭო, ჩვენ გვეგონა, ცდა დაგვჭირდებოდა, შენ-კი მაგრე ჩქარა მოხვედი! — ერთხმად წამოიძახა ყველამ და მაშინვე ფაცა-ფუცი შეუდგათ, რომ უკედ შემოსხდომიყვნენ ტაბლას.

— დაუმადლეთ ჩემს შეგირდს!

— როგორ, შინ არ დაგიხვდა? — ჰერთხა გაბომ.

— ღმერთმა უშველოს! — წამოიძახა გიგლამ გაბოს კითხვის შემდეგ.

— შინ-კი დამიხვდა, მაგრამ ისე გამაჯავრა, რომ გამოვექეცი.

— როგორ, ხომ დაგეკარგება გაკვეთილი?

— თვითონაც რომ ძალიან მოისურვოს ჩემი იქ მისვლა, მე აღარ წავალ.

— რა მოუვიდა, რომ მაგრე გასწყრომისარ?

— ეშმაკმა რომ წაილოს იმისი თავი! ღმერთმანი, ჩემი ამბავი სასაცილოც არის და სამწუ-



ხაროც. კაცო, ის იმოდენა ჩოკინაა, მენუთე კლასშია და იმდენი არ იცის, რომ, როცა რეპეტიტორი უხსნის, ყურის გდება უნდა...

— მერე, რა მოუვიდა? — ცნობის-მოყვარეობით ჰქითხა გაბომ და ჩაიდანი ტაბლაზედ დადგა.

— ისა, რომ მე გამალებული ალგებრის ამოცანას უუხსნი, ვეჩქარები, არ დამაგვიანდეს-მეთქი და ის-კი ამ დროს, ვინ იცის, სად დაფრინავს!.. მე ვეკითხები: „შემდეგ რა მოქმედებას უნდა მივმართოთ, რომ“... იმან გამაწყვეტინა კითხვა და: „ხვალ სტუმრად მივდივართ და იქ ჩემ პაშას ვნახავო,“ მითხრა. ეს კიდევ არაფერი. ცოტა ხანს შემდეგ, ეშმაკად იმისმა დამ ზალაში ფორტოპიანოზედ რაღაც ვალსი დაუკრა და ამ ბიჭს ელექტრონივით დაუარა ტანში. პასუხის მაგივრად იმან ხმის აყოლება და სავარძელზედ მჯდომარემ ნაზად მთელი ტანით რხევა დაიწყო; მერე, როცა უფრო ეშხზედ მოვიდა, წამოვარდა და თავ-გადაგლეჯით ცეკვა მოართო.

მე ვეუბნები: „რა გემართებათ, მოდით!“ შენ არ მომიკვდე, რომ იმან ყური არც-კი მათხოვა. ვზივარ და ველი, როდის მოიკლავს ცეკვის ჟინს-მეთქი, რომ განვაგრძო. იმისი და-

კი უფრო-და-უფრო უკედ უკრავს და ფორტო-  
პიანოს გრიალი გააქვს. „ადექით, ვიცეკვოთ!“  
უეცრად დამტაცა ხელი და წამომაყენა. მე ისე-  
თი ჯავრი მომივიდა, რომ კინალამ სილა არ  
ვაჭამე. კიდევ კარგი, თავი შევიმაგრე, თორემ,  
შენი მტერი, სისულელეს ჩავიდენდი რასმე.  
მე გავაშვებინე ხელი და ხმის ამოულებლად წა-  
მოვედი...

— ნეტა მაშინ იქვეოფილიყავი და დამე-  
ნახა შენი თავი, როგორ შემოგატრიალებდა  
შენი შეგირდი! — ხარხარით წამოიძახა ფიდომ,  
რომლის ხარხარსაც ბანს აძლევდნენ დანარჩე-  
ნებიც.

თედოს ამბავმა ყველანი გულიანად გააცი-  
ნა. იცინოდნენ დიდხანს და თან მასხარაობდნენ.  
იცინოდა თედოც...

— ხვალ მივწერ იმის მამას, რომ ალარ  
შემიძლიან იმის შვილთან მეცადინება.

— შენა გვინია, შეგეხვეწებიან! — თითქმის  
ყველამ ერთად უთხრა თედოს.

— ნუ შემეხვეწებიან-რა! თავი მოსაკლავი-  
კი არა მაქვს, რომ ყოველ დღე ნაღველზედ  
ვსკდებოდე!

— თუ დაანებე, ხვალ გაკვეთილს იშო-  
ვი, აი!

— არ ვიშოვი და ჯანი და სული წაუვიდეს! ისევ სიმშილით სიკვდილი სჯობია, ემაგნაირს გულის ხეთქას. ეგ ერთხელ რომ მოსვლოდეს, კიდევ არაფერი, მაგრამ თითქმის ყოველ გაკვეთილზედ მაგრე იქცევა. ათასი სისულელე უნდა ჩაიდინოს.

— ხვალამდის დაგავიწყდება, ჩემო თედო! ჯერ მოდი, ემას მოველაპარაკოთ! — წამოიძახა გიგლამ და არაუი დაასხა.

— ეს შენი შეგირდის დაჭკვიანებისა იყოს! — სიცილით წამოიძახა იმან და სავსე ჭიქა უეცრად გამოცალა.

ამით აუხსნა გიგლამ დანარჩენებს პირი. ყვლამე ჩამოირიგეს ორ-ორი ჭიქა და თან გამალებულებმა ჭამა დაიწყეს. დაასხეს კიდევ და დალიეს. კიდევ, კიდევ და კიდევ. როცა არაუმა თავისი ძალა გამოიჩინა და ენა ამოადგმევინა, მაშინ შეასვენეს ბოთლი და ბაასს მოჰყვნენ: ბაასობდნენ თავიანთ წარსულისას, აწმყოსას და მომავლისას. ბევრი ვარამი და დარდი, ბევრი აფი და კარგი მოაგონდათ წარსულისა და შესაფერი გრძნობა იპურობდა იმათ გულს, რის მიხედვითაც იმათი სახე ხან იღრუბლებოდა და ხან იღარებდა; ხოლო ეხლა უფრო მკაფიოდ და ნათლად აჩნევდა კვალს იმათ სახეს გრძნო-

გა, ვიდრე სიფხიზლეში; ეხლა გრძნობა უფრო ღრმად, მთელის არსებით იპყრობდა იმათ. ყოველი მათი სიტყვა უფრო გრძნობით ითქმოდა, რის გამოც ერთმანეთზედ უფრო ძლიერად მოქმედებდნენ.

არც ერთი ლირს-შესანიშნავი შემთხვევა, თუ-კი რაიმე მნიშვნელობა ჰქონია იმათ ცხოვრებაში, მოუგონებელი არ დარჩენილა.

წარსულიდგან და აწმყოდგან თავიანთ შეუმნევლად მომავალზედ გადავიდნენ. წარსულიდგან უკვე მომხდარ ამბებს იგონებდნენ და ამის შესახებ მსჯელობდნენ, ხოლო ის-კი ვერ გამოეკვლიათ, თუ რანი იყვნენ და რანი არიან, მომავალზე ხომ სულ ველარა სოქვეს-რა და მსჯელობის ძაფი გაუწყდათ.

ვერც ერთმა მათგანმა ცოტად თუ ბევრად ვერ დაასურათა თავი ანთი მომავალი, ვერ გამოარკვია, თუ რისთვის ითმენდა წარსულში ან ითმენს ეხლა ამოდენა სიდუხჭირეს; რა იქნება და ან რას გააკეთებს მომავალში, როცა ცხოვრების მორევში ჩაერევა. ყოველივე ეს ბუნდით იყო მოცული. მარტო ჰგრძნობდნენ, სწამდათ, გონების თვალით ხედავდნენ შორს, ძალიან შორს რაღაც ბრწყინვალეს, რომელსაც უნდა ემსახურნენ, რაც იდეალად უნდა ჰქონოდათ,

მაგრამ იმას-კი ვერ მიხვედრილიყვნენ, თუ ეს საგანი რა იყო; ვერ გამოერკვიათ, ღირსი იყო ეს საგანი იმისი, რომ იდეალად დაესახათ, მაგოგად გაეხადათ, რომელსაც უნდა ემსახურნენ და სიცოცხლე შესწირონ, რომელიც აწმყოში და მომავალში უნდა აღფრთოვანდეს. იქნება ეს შავი ფარდის იქით მბრწყინავი საგანი მათი მუცელი იყოს, რომელსაც დაუღია ხახა და მარტო იმას გაიძახის: „მე მომიტანეთ მსხვერპლი, მე!.. ჩემს გარდა ყოველივე ფუჭია!..“ არა, არა!.. გინდაც ეგ გაიხადონ მომავალში თავიანთ კერპად, ეხლა მაინც არ იყაბულებენ ამ აზრს; ამის გაგონებაც-კი ჟრუანტელს მოჰკვრის ტანში ისე, როგორც ეხლა ფილოს სიტყვებმა მოჰკვარა; როცა იმან მუცელზედ ხელი დაიკრა და დაიძახა: „აი, ჩვენი პირველი და უკანასკნელი „მიზანიო!“

— დამისხით არაყი!.. — უეცრად შესწყვიტა თედომ სიტყვა. თედო აშტკიცებდა დიდის გრძნობით თავიანთ უნუგეშო მდგომარეობას. ახლა უცებ მიჰმართა გიგლას, რომლის წინაც ბოთლი იდგა. — დამისხი! — კიდევ წამოიძახა მან და, როცა სავსე ჭიქა მიაწოდა გიგლამ, სწრაფად გამოსცალა. — კიდევ!.. — სასოწარკვეთილებით წამოიძახა და ცარიელი ჭიქა გიგლას გაუ-

წოდა, რომელმაც გაკვირვებით მაშინვე აუვსო, რადგან თეღო ამნაირად აღელვებული ჯერ არ ენახა.

— მეგობრებო, — განაგრძო შეწყვეტილი სიტყვა მისუსტებულის ხმით, როცა ჭიქა აუვსეს: — ჩვენ ეხლა გალიაში ახლად გამომწყვდეულ ლომს ვემსგავსებით, რომელიც ხან ერთს კედელს ეცემა და ხან მეორეს; უნდა გასვლა, მაგრამ ვერ გაუნგრევია მისი კედლები. ჩვენც ხან იქით ვეცემით და ხან აქეთ, ხან ერთს საგანს ჩავჭიდებთ ხელს, ხან მეორეს, გვინდა ესეც, ისიც; გვინდა, ამასაც მოვკიდოთ მაგრად ხელი და იმასაც, და ვერც ერთს-კი მივწიდომივართ, არა გვაქვს გამორკვეული საგანი ცხოვრებისა, იდეალი. ჩვენის წინაპრების სასურველ-სატრაფიალო უარ-ვყავით, ის აღარ გვაკმაყოფილებს, ახალი-კი ჯერ არა შეგვიქმნია-რა. ძნელია ამნაირი უკიდურესი მდგომარეობა, ძნელი, და როდის მოედება ბოლო ამისთანა ყოფას, ამის გამოცნობაც ძნელია. ვინ იცის, იქნება სულ მოკლე ხანში მოედოს ბოლო, რადგანაც ცოტაოდენ ნიშნებსა ვხედავ, და ეს, ცოტა არ იყოს, იმედის ნაპერწკალს გვიღვივებს... ვწუხვარ, ვწუხვარ სულითა და ხორცით, რომ ჩვენ ამ... ჰუ... ჰუ... ჰუ... — თეღომ ვედარ დაათავა

სიტყვა, რადგანაც ხმა მიუწყდა და ძლიერი ხველა აუვარდა.

თედომ დასდგა სავსე ჭიქა და ნახველს თო-  
თები შეუშვირა. ნახველს ერთი ვეება სისხლის  
კუნთი ამოაყოლა. ამხანაგებმაც და თითონაც  
ეს გარემოება კარგათ შენიშნეს.

— აი... შედეგი ამ მდგომარეობისა!.. ნე-  
ტავი თქვენ!.. იქნება მოესწროთ ამ უკიდურეს  
მდგომარეობის მოსპობას, მე-კი... მე-კი, ეჭ!.. —  
მწარედ ჩაიქნია ხელი და მოსხლეტით დაეშვა  
ტახტზედ.

## II

დიდი ხანია, რაც და-მოწყალებისამ დაათ-  
ვალიერა კლინიკის შინაგანი ავადმყოფობის გან-  
ყოფილება, სადაც თედო ბალიშზედ გადასვე-  
ნებული, მთლად ყვითლად მოქცეული, იწვა და  
აჩქარებით სუნთქვავდა. იმან აიარ-ჩაიარა და, რო-  
დესაც თედოსთან მივიდა, ფეხთით შედგა და  
გულმტკივნეულობით თავის ქნევა დაიწყო:  
„საწყალი, წუხელის მოიყვანეს და როგორ ჩქა-  
რა მისუსტდა!..“ მერე ლამპარს ჩაუწია და ფეხ-  
აკრეფით გავიდა. ამ დროს თედომ გაახილა  
თვალები და მიმავალ დას ლმობიერებით გა-  
ჰქიდა, რადგანაც დღეს მარტო იმან შეიბრალა

და ღვიძლ დასავით თავს ევლებოდა. ის რომ  
არ ყოფილიყო, დღეს პროფესორი სტუდენტე-  
ბით ზეზეულად სულს ამოართმევდა: „ღმერ-  
თო, რანაირად მტანჯავენ,“ — ფიქრობდა თე-  
დო, როდესაც პროფესორმა ის ზეზე წამოაყენა  
და მთელი საათი ხან ზურგზედ და ხან გულზედ  
ჩაქუჩებით სტუდენტებს აბრაგუნებინებდა. „გეს-  
მით, — ეუბნებოდა პროფესორი სტუდენტებს: —  
როგორ ხმას იღებს?.. აბა ეხლა ყური მიადეთ და  
სუნთქვის ხასიათი კარგად დაიხსომეთ... რო-  
გორც ანემნეზი გვიჩვენებს, წუხელის ამოსდენია  
სისხლი და ვეღარ შეუწყვეტიათ. აი, ეხლაც  
რამოდენა სისხლს ანთხევს ყოველ დახველება-  
ზედ. თითქმის ნახველის მაგივრად სულ სისხლი  
ამოსდის. — ამ სიტყვებზედ სისხლით სავსე ჭიქა  
გამოართო თედოს და სტუდენტებს მიაწოდა.  
„აბა ნახეთ, თქვენის აზრით, რა გვარი სისხლია,  
არტერიისა თუ ვენისა?“ სტუდენტები რომ სი-  
სხლის გაჩხრეკაში იყვნენ და ხან არტერიისას,  
ხან ვენისას გაიძახოდნენ, ზოგი-კი ამ დროს  
„შერეულიაო“, იძახდა, თედოს გული აუჩქო-  
ლდა და კინალამ არ გადაიქცა. კიდევაც გა-  
დიქცევოდა, რომ ამ დროს შემოსულ დასხელი  
არ ეტაცნა და მზრუნველობით ლოგინში არ  
ჩაეწვინა. „დაიღალეთ? — ჰკითხა პროფესორმა

თედოს, როდესაც ის დამ მიაწვინა და თან  
დაუმატა: — არა გიშავთ-რა, მეცნიერების გუ-  
ლისათვის მოითმინეთ. — ვითმენ, ბატონო პრო-  
ფესორო, ვითმენ მეცნიერების გულისათვის,  
ხოლო თქვენ კიდევ კაცო-მოყვარეობის გუ-  
ლისათვის შეიბრალეთ ხოლმე ავადმყოფი!.. —  
მწარის ლიმილით უპასუხა თედომ და და-მოწ-  
ყალებისას შეჰქედა, რომელსაც იმის სიტყვებზედ  
თვალებზედ ცრემლი გაღმოეკიდა. ცრემლის და-  
ნახვაზედ თედოს გულში სიხარულის სხივი ჩა-  
ეშვა და მთელი ტანი სულ შეურყია. იმას გაუ-  
ხარდა, რომ აქ მოიპოვება ისეთი არსებაც,  
რომელსაც სხვისი ჭირი თავისად მიაჩნია. თედომ  
გატაცებით სტაცა ხელი და თავ-დავიწყებით  
დაეკონა. „ნუ ჰლელავ, ნუ, ჩემო ძმაო!“  
უთხრა ანგელოზისებრ წყნარად დამ და შუბლ-  
ზედ აკოცა.

აი, ეს იყო მიზეზი, რომ თედომ მაგრე  
ლმობიერად გააყოლა თვალი დას და დიდხანს  
უმზერდა კარებს, სადაც იმისი ჩრდილი კარგა  
ხნობამდის არ მოჰშორებია თედოს თვალებს.  
გაქრა აჩრდილიც, მაგრამ თედო მაინც თვალს  
არ აშორებდა იმ ადგილს, და სახე თან-და-თან  
ეჭმუხნებოდა.

— ოჲ, ლმერთო!.. მიშველეთ!.. — ამ გუ-

ლის სიღრმიდგან ამოხეთქილშა სიტყვებმა გამოიყვანეს ფიქრიდგან და იქით მიახედეს, საიდგანაც ხმა მოესმა.

ჩაწეულ ლაპტრის ბუნდ შუქზე გაარჩია, რომ მისი მეზობელი ავადმყოფი მბრძყინავ თვალის კაკლებს უგონოდ აბლატუნებდა და ხელებს, თითქოს ეძებს რამესაო, აქა-იქ აცა-ცუნებდა.

— ძმობილო, რას ეძებ? — მისუსტებულის ხმით ჰკითხა თედომ, მაგრამ ჰასუხი ვერ მიიღო.

კიდევ განუმეორა კითხვა.

— ჰა!.. ჰა!.. არ მინ...და...არ... — ჰასუხის მაგივრად წამოიძახა მეზობელმა და ქვითინი მორთო.

„სიზმარში იქნება,“ გაიფიქრა თედომ და ადგომა დააპირა, რომ გაეღვიძებინა, მაგრამ წელი ვეღარ აიტანა.

— ააა!.. — წამოიყვირა ამ დროს მეზობელმა და უეცრად წამოჯდა. იმის თვალებს ელვარება უფრო მოემატა; ელვარე მისი თვალები დააშტერდა ერთ წერტილს.

თედოს ტანში შიშის ჟრუანტელმა დაურბინა. უნდოდა თვალი მოეშორებინა, რომ მისი მოელვარე თვალები აღარ დაენახა, მაგრამ ვერ ახერხებდა.

— კააა! — აკანკალებულის ხმით წამოიძახა  
მან ცოტა ხნის სიჩუმის შემდეგ და მარჯვენა  
ხელის საჩვენებელი თითი მოელვარე გაშტერე-  
ბულ თვალების წინ დაიჭირა.

— კააა!.. — კა! კა!.. ცცცც!.. კა... სსს!..  
— უაზროდ გაიძახოდა ის და თან თითი წინ  
მიჭირნდა. ხოლო, როდესაც „კა“... „კა“...  
და „სს“... — ზედ შეეცვალა და მარტო ოდნავ-  
ლა სისინებდა, თითის მოძრაობა შეაჩერა. ცო-  
ტა ხანიც და ხმა სულ მიუწყდა.

თედომ მოიკრიბა უკანასკნელი ღონე და  
უეცრად ფეხზედ წამოვარდა. ის-ის იყო თედოს  
ხელი უნდა წაევლო გაშეშებულ ავადმყოფისა-  
თვის, რომ იმან საშინლად წამოიყვირა; „ვაი!..  
ვაი!..“ და გულალმა ლეიბზედ გაიშოტა. ამ  
მოულოდნელმა ღრიალმა თედოს თავზარი დას-  
ცა და ის უგონოდ იატაკზედ დაეცა.

როდესაც გონს მოვიდა, დაინახა, რომ  
რამდენიმე ავადმყოფი თავს ედგა და საბანს  
უსწორებდა.

— რა ამბავია? — მიკნავებულის ხმით იკითხა  
მან თვალების გახელის უმაღ.

— არაფერი, ლოგინში ჩაგაწვინეთ, — უპა-  
სუხეს იმათ და საბანი ჩაუკუნჭეს.

— როგორ, საიდგან?

— ძირს გადმოვარდნილიყავ და შენს ყვი-  
რილზედ და ბრახუნზედ გამოგვეღვიძა.

— აა!.. ის... ის როგორ არის?

— ვინ?

— აი ის,—უპასუხა თედომ და ხელი მე-  
ზობლისკენ გაიშვირა.

— მომკვდარა! — თითქმის ერთხმად წამოი-  
ძახეს ავადმყოფებმა თავების ქნევით, როცა თე-  
დოს მეზობელი გასინჯეს.

— მომკვდარაა! — სულის კვეთებით შე-  
ძახა თედომ და თვალები მიელულა.

ავადმყოფებმაც ცოტა ხნის სიჩუმის შემდეგ  
მოსამსახურეს შეატყობინეს ეს ამბავი, რომელ-  
მაც მაშინვე ორი მიცვალებულების გამტანი  
მოიყვანა. იმათ შეახვიეს თედოს მეზობლის  
გვამი ტილოში და გულ-გრილად, თითქოს აქ  
არა ამბავია-რაო, ოთახიდგან გაიტანეს.

მიწყდა ფეხის ხმა. მიწყდა ამ ამბით გამო-  
წვეული ოხვრა და დაბალის ხმით ბაასი გამო-  
ლვიძებულ ავადმყოფებს შორის. ყველა ამათ,  
მწარე ფიქრებში გართულებს, მიეძინათ და ხა-  
მუშ-ხამუშ ძილში-ლა წამოსკდებოდათ ხოლმე  
ლრმა ოხვრა და კვნესა.

მარტო თედოს თვალს არ ეკარებოდა ძი-  
ლი. იმას ათასი შავი ფიქრი აეშალა და უწ-

ყალოდ ჰქენჯნიდა. უნდოდა როგორმე დაეძინა, რომ ცოტა ხანს მაინც განთავისუფლებულიყო ამ ფიქრებისაგან და გახურებული თავი გაეგრილებინა, მაგრამ ამისათვის ძილი არსადა სჩანდა. მაღი-მაღ წარმოუდგებოდა თვალ წინ მომაკვდავი მეზობელი და ეს გარემოება ძალა-უნებურად აფიქრებინებდა, რომ ისიც, ეხლავე თუ არა, ცოტა ხანს შემდეგ, ან ხვალ, იმავე გარემოებაში ჩავარდება, რომელშიც იყო იმის მეზობელი და იმის უსულო გვამსაც ისე გაიტანენ, როგორც მეზობლის გვამი გაიტანეს. ჰერძნობდა, რომ მალე უნდა მომკვდარიყო; პროფესორმა სტუდენტებს ხომ მასთან პირდა-პირ გამოუტხადა, რომ ფილტვის ავადმყოფობა და მართნია და ამასთან, როგორც ნახველის მიკროსკოპიულმა განხილვამ გვიჩვენა, დიდის ხნის *Tuberculosis pucumonum* (ჯირკვლიანი სიჭლექე), რომელიც ეხლა ამის სხეულზედ სწრაფ მოქმედებას იჩენსო.

„უნდა მოვკვდე!..“ — გაიფიქრა თედომ და მწარე ლიმილმა ტუჩებზედ ოდნავ გადუქროლა. „მაგრამ, — განავრძო იმან: — მაგრე მალე?.. ჯერ რა გამიკეთებია, რომ ასე მალე მესპობა სიცოცხლე?!.. რა კვალი დარჩება ჩემს შემდეგ?.. ნუ თუ ასე უმნიშვნელოდ უნ-

და გავიარო, კვალ დაუმჩნევლად, ისე როგორც  
არ სტოვებს კვამლი ჰაერში კვალს?! თუ-კი  
მაგრე უმნიშვნელოდ გავივლიდი ცხოვრების  
გზას, რისთვის-ლა გავჩნდი, რა ჰქონდა აზრად  
ჩემს გაჩენაში ბუნებას?.. ნუ თუ იმისათვის  
ვცოცხლობდი, რომ გავჩნდი და ვკვდები, რომ  
ვცოცხლობდი, ვვარსებობდი?!.. ვე!.. მაშ რა  
ვარ, რა სახელი შეწოდების?..“

თედო ამ კითხვაზედ უეცრად ორ პიროვ-  
ნებად გაიყო, ორ არსებად გადაიქცა, და ერ-  
თმა მათგანმა წამოიძახა: „ადამიანი!..“ — „ადა-  
მიანი?!“ — გაკვირვებით დაეკითხა მეორე პიროვ-  
ნება თედოსი პირველს. „ჰო!“ „ხახახა... ადა-  
მიანი!.. რისთვის უნდა ვიყო ადამიანი, როდე-  
საც მე ჯერ არა გამიკეთებია-რა!.. რა გავაკე-  
თე?..“ „არაფერი.“ „არაფერი და მაინც ადამი-  
ანი ვარ?!.. სტყუი, სტყუი, გაჩუმდი!“ „მაშ რა  
არის ადამიანი?..“ „ადამიანი არისს...“ — დაიწ-  
ყო თედოს პირველმა პიროვნებამ, მაგრამ აზ-  
რი ველარ დაათავა. ის სწრაფად შეუერთდა  
მეორეს და თედო ისევ ერთ პიროვნებად გა-  
დაიქცა, რომელსაც უნდა აეხსნა საკითხი.

„ადამიანი!.. ადამიანი!.. აადამიანი!..“ ძა-  
ლას ატანდა თავის თავს თედო, მაგრამ აზრი  
აზრს არ ეკარებოდა; თითქმის იმის თავში მარ-

ტო ერთი წარმოდგენის მეტი აღარა მოიპოვებოდა-რა, და სიტყვა „ადამიანი“ ისევ სიტყვადარჩა და შინაარსი ვერა მოუპოვა-რა.

გონება თან-და-თან უჩლუნგდებოდა, და „ადამიანის“ რამდენჯერმე ნაწყვეტ-ნაწყვეტ გამეორებით ბურანში შევიდა...

— ის ვინ მოჩანს? — წამოიყვირა თედომ, როდესაც თვალ-წინ წარმოუდგა ყვავილებით შემკულ ბეჭობზედ მშვენიერი არსება.

— ისაა, ისა!.. ჩემი ელო!.. აკი მამა-ჩემი მწერდა: ელომ თავი მოიწამლა, რადგანაც ძალით სხვაზედ ჯვარი უნდა დაეწერათო... აი, მამა-ჩემო, რად მატყუებდი, რადა?..

ქალი-კი ამ დროს თავ-ჩალუნული იდგა და ყვავილებს უღიმოდა.

— ისაა!.. ჩემი ელო!.. აგერ, თავი მალლა უნდა აილოს!.. მიცინის... ვეღარ მცნობ, ჩემო ელო?!.. — წამოიყვირა თედომ და გაექანა იმისაკენ.

— თედო, აქ ვინ მოგიყვანა?.. ლმერთო, კიდევ შევხვდით ერთმანეთს!.. თედო, თედო, თედო!.. ჩემო ძვირფასო!..

— ელო, ელო!.. — დაიძახა თედომ და თავ-დავიწყებით გულში ჩაიკრა.

— თედო, გენაცვა, ეს რა მოჩვენებაა?!

ნუ თუ ეს ყველაფერი მართალია?!.—სვენებ-სვენებით იძახდა ელო, რადგანაც შეტის აღელ-ვებისაგან მოუძლურდა და თედოს მკლავებს შეა-ლათანივით იქნებოდა.

ქალს მკლავები თედოს მხრებზედ ჰქონდა გადადებული, და ასე მიშვებულს თედო თავის ტუჩებს გიფსავით აწებებდა იმის მშვენიერს ლო-ყებსა და ტუჩებზედ. ნიავი-კი, ყვავილების სუ-ნელოვანებით მაძლარი, ნაზად არხევდა ელოს ზურგზედ გადაფენილ თმას და, როდესაც ცო-ტათი მოუმატებდა თავის ძალას, თედოს კი-სერს გველსავით შემოახვევდა ხოლმე.

— ეხლა სულ ერთად ვიქნებით, განა, ჩემო ელო!.. ჩვენ ერთმანეთს ველარავინ ვა-გვაშორებს!— ეუბნებოდა თედო ხვევნაში და თან გრძნობა უფრო უცხოველდებოდა.

— ჰო, ჰო, ჩემო კარგო!..— თავის მხრივ ეუბნებოდა ელო.

— სამი წელიწადია განა, ერთმანეთი არ გვინახავს?— ჰკითხა თედომ, როდესაც კოცნა შესწყვიტა და აღგზნებულის თვალებით მზერა დაუწყო ელოს.

— სამია და მე სამ. საუკუნედ მეჩვენა, ჩემო თედო! ეხლა-კი აღარსად გაგიშვებ, სულ ჩემთან იქნები!..

— ძალითაც რომ გამაგდო, არსად წავალ! შენი ვარ სამუდამოდ. ეხლა ჩქარა გავათავებ უნივერსიტეტს და ჯვარს დავიწერთ. აი, მაშინ იქნება ჩვენი დრო! — აღტაცებით წამოიძახა თედომ და მოსახვევნად ხელები გაშალა.

— არ მინდიხარ!... — ეშმაკურად ხელი ჰკრა ელომ და გაიქცა.

— საღ გარბიხარ, კუდრაჭავ, შენი ეშმაკობა მოიგონე? — მიაძახა თედომ და უკან დაედევნა.

თედოს სიტყვებზედ ელოუეცრად მოტრიალ-და და ხელები მოსახვევნად თედოსაკენ გაიშვირა.

— ვერ გარბენინე! — გულიანის უმანკო სიცილით უთხრა ნიშნის მოგებით და გადაშლილი თმა თავის გაქნევით შეიბერტყა.

— ელო, რა ლამაზი რამა ხარ! — გატაცებით შესძახა თედომ და გულში ჩასაკონად მომზადებულ ელოს ლონივრად მოჰვია მკლავები.

— აღარ გახსოვს, ჩემო ბუტიავ, როგორ დავრბოდით ხოლმე მე და შენ მინდორში დავკრებდით ყვავილებს?

— განა ეგ დამავიწყდება, ჩემო კუდრაჭავ! ეპეც რომ დამავიწყდეს, სხვა რაღა უნდა მახსოვდეს, მაგის მეტი სიკეთე რა მომაგონდება ჩემი ცხოვრებიდგან!

თედო და ელო გადახვეულები ჩასხდნენ  
იქვე ყვავილებს შეა და დაიწყეს ტკბილად  
ჭუპჭუკი. იგონებდნენ წარსულს, ერთად გა-  
ტარებულ დროს, და ამით სიამოვნებდნენ.

მოიგონეს ისიც, თუ როგორ განშორდნენ  
ერთმანეთს ამ სამი წლის წინად, როდესაც თე-  
დო სასწავლებლად გაემგზავრა და ერთმანეთს  
შეჰვიცეს...

— იცი, თედო, შენ რომ მიღიოდი, მე  
მეგონა, ალარ დაბრუნდებოდი; მტანჯავდა ეს  
აზრი, მინდოდა დამეშალა შენთვის, მაგრამ ვე-  
ლარ გაგიბედე, ვაი თუ დამცინოს-მეოქი.

— სულელო, ეგ რამ გაფიქრებინა?! — სი-  
ცილით უთხრა თედომ.

— რა ვიცი!... — სიცილითვე უპასუხა ელომ.

— ხომ დაისვენე? — ჰკითხა ელომ ცოტა  
სიჩუმის შემდეგ და მარდად წამოხტა ფეხზედ. —  
წავიდეთ, კიდევ ვირბინოთ.

— ვირბინოთ! სირცხვილიც არის, ბებრები-  
ვით ჩავსხედით და წარსულს ვიგონებთ, როდე-  
საც წინ ჯერ ბევრი რამ უკეთესი მოგველის! —  
უპასუხა თედომ. ისიც მარდად წამოხტა.

— აბა, ვინ წინ და ვინ უკან! — წამოიძახა  
ელომა და გაიქცა.

— დაგეწევი, კუდრაჭავ!

— ვერა!

გარბის ელო, უკან თედო მისდევს. ორი-  
ვენი ცდილობენ, რაც შეიძლება, მარდად გაი-  
ქცნენ. უეცრად ორივემ იგრძნეს, რომ ფრენა  
შეუძლიანთ. გარბიან, თითქმის დედამიწას ფეხს  
არ აკარებენ. მიფრინავენ, დასრიალებენ, და-  
ნავარდობენ ჰაერში და უზრუნველად ერთმა-  
ნეთს ეალერსებიან და ეხვევიან. გაისრიალეს  
ათასფრად აყვავებული ტყე, მინდორი, ლე-  
ლები და მთები. ყველა ამათის მზერით სტკე-  
ბოდა და ამათ მნახველთ ერთმანეთისადმი გრძნო-  
ბა უცხოველდებოდათ. თითქოს მთაც, ტყეც,  
მინდორიც და ყველა მცენარე იმათ გულში  
სიყვარულს აწვეთებდა.

— დაიცა, ეს სად მოვედით?.. — ერთბაშად  
შედგა თედო და ელოც შეაყენა. უეცრად შე-  
იცვალა სურათი და იმათ თვალს ერთი უზარ-  
მაზარი შენობა წარმოუდგა, რომელიც დაღვრე-  
მით გასცემოდა თოვლით შემოსილ, უდაბნოს  
მსგავს მიღამოს.

— გენაცვა, ელო, წავიდეთ აქედგან, თო-  
რემ სული მეხუთება! გესმის?! კვნესა, კვნესა  
და კვნესა!.. — თითქმის ტირილის ხმით წამოი-  
ძახა თედომ.

— სადა ვართ?! აქ როგორ შემოვედით?!

ჰა? ესენი ვინ არიან? გარშემო სულ ჩაყვითლებული სახეები, მკვდრების მსგავსები!..

ის უეცრად დააცქერდა ერთ ტახტს, რომელზედაც სულთ-მობრძავი იწვა და უგონოდ ხელებს აფათურებდა. თედო უეცრად გაფითრდა, ელოს ხელი სტაცა.

— ელო, აი ამას ჰედავ?! რანაირად მგავს მე! ელო, ელო, ვინ არის ის?

— ნუ გეშინიან, ადამიანია!

— ადამიანი!.. ელო, მიშველე, წავიდეთ აქედგან!.. აგერ, როგორ მიცქერის!.. მეშინიან!

— ნუ გეშინიან, ჩემთან არა ხარ! აბა შემომხედე, ჩემო თედო!

— ჰა, ელო, შენა? ოოჳ! — ამოიოხრა თედომ და მაგრად მოჰევია ხელები ელოს.

— მაგრად მიიკარ შენი ელო, მაგრად!

— ელო, ელო, ჩემო კარგო! რა ბედნიერი ვარ, რომ შენ ჩემთანა ხარ!.. — ეუბნებოდა თედო და, რაც ძალი და ღომე ჰქონდა, ელოს გულში იკრავდა, თითქოს უნდოდა ელო სრულიად შეეხორც-შეეთვისებინა და ასე ერთ არსებად ქცეულიყვნენ ორივენი...

უკვე ერაურაუნა. და-მოწყალებისა შემოვიდა, რომ ავადმყოფებისათვის დილის ლოცვა წაეკითხნა და პირველად თედოსთან მივიდა.

თედო ამ დროს უკანასკნელიად შეურეოლდა და  
სამუდამოდ თვალები დახუჭა.

— გარდაიცვალა!.. — წამოიძახა მწუხარე-  
ბით დამ და თედოს გამხმარ სახეს დაეკონა.

მშობლის მაგივრად მან დაასველა თედოს  
სახე ცრემლით და საუკუნოდ განსვენება უსუ-  
რვა.

ვარშავა. 3 დეკემბერს 1892 წ.



## შინაარსი პირველი ფიზისა:

	გვერ.
1) „ესაა ჩვენი ცხოვრება!...“ . . . . .	5
2) მოგონება . . . . .	17
3) ახალწილის დამეს (ეტიუდი) . . . . .	28
4) სოფლად (სურათი ემაწვილ. ცხვ.) . . . . .	42
5) აბრეშუმის ცხვირსახცი . . . . .	59
6) „მომიღოცნია ახალი წელი!“ (ფსისთაღ- გიური ეტიუდი). . . . .	96
7) ჩემო შეინდავ! (სურათი) . . . . .	103
8) ჭარამ-ხანის სურათი (ფსის. ეტიუდი). . . . .	124
9) „ადამიანი!“ . . . . .	139



106 | 166

~~~~~ 22 මායි 2016 ~~~~

კურნალუს იურიდიკი ბიბლიოთეკა



K 26.634/2